

FRANC.  
HOTOMANI  
IVRISCONS.

COMMENTARIUS IN  
TITT. COD. DE PACTIS  
& de Transactionibus.

EIVSDEM CONIECTVRA  
*de perscriptis verbis.*



*Grimaldi*



Apud Petrum Santandreamum

M. D. LXXV.





AMPLISSIMO ET  
PRVDENTISSIMO VIRO

DN. NICOLAO RHEDINGERO,

Præfecto ordinis Senatorij in

inclyta Silesiorum vrbe

Wratislauia Franc.

Hotoman. IC.

S. D.

**D**ulcis non multo se-  
cus est ea patria, qua  
genuit, quã illa qua  
excepit: inquit M.  
Tullius, de suo Tusculo scri-  
bens: quam ille, cum à puero  
cuius R. ac iam Consularis esset,  
tamen germanam suam pa-  
triam appellat: propterea quòd  
illinc stirpe antiqua ortus esset:

PRÆFATIO.

duasque interdum eiusdem hominis patrias esse disputat. Et profectò ita est, Amplissime & spectatissime Rhedingere; ut non minus sapè quisque unde oriundus sit, quàm ubi sit ortus, cogitet. Inest enim in animo ac sensu cuiusque dulce quiddam, de maiorum suorum ortu, de progenie, ac generis stirpe cogitantis. quod mihi plerunque usuvenire fateor, de Silesius nostris audienti: quos, ut mihi summus ille vir Philippus Melanchthon aliquando scripsit, Corn. Tacitus, amans dulcem sonum Græcæ linguæ Elysios appellat. nam cum ab iis maiores  
mei



# PRÆFATIO.

mei profluxissent, auus quidem meus Lutetia consedit: ubi stirpem reliquit numerosissimam: & quantum ex Otmannorum Parisiensium multitudine, & diuturna erga nos Dei benignitate augurari licet, multas ad ætates permansuram. Ac mihi quidem acerbum est, præsertim hac ætate, illa patria carere: ut Liuius scribit, Exilium senibus esse miserrimum. Iucundum enim est, ubi natus atque educatus sis, ubi liberos susceperis, ubi sedem ac domicilium fortunarum collocaris, cursum vitæ conficere. quis negat? quinetiam optabile est, summæq;

PRÆFATIO.

*felicitatis esse creditur, in ea ipsa domo, ubi natus, ubi educatus sis, aetatem agere. sed, quod olim Themistoclem suis liberis dixisse ferunt, non minoris felicitatis est, si labantem illam domum, si precipitantem, si ruinam minitantem animaduertaris, maturè te ab illa subducere. Sed redeo ad nostros Silesios. Vidi etiam aliquot abhinc annos, cum in viciniam vestram, Regis missu, florentibus in Gallia rebus, profectus essem, aliam nostrorum Otmannorum stirpem ex eodem fonte diductam, ut (quod idem ille Philippus, vir summus, eiusque gener doctissimus*

# PRÆFATIO.

*Etissimus mihi commemorabāt)*  
*quædam quasi Otmannorum*  
*colonia ex inclyta vestra metro-*  
*poli Wratislavia, varias in par-*  
*tes deducta viderentur. quàm*  
*urbem etsi nondum mihi oculis*  
*videre licuit, animo tamen &*  
*cogitatione sæpenumerò sum*  
*cōtemplatus. quinetiam qualis,*  
*quantâque esset, quàm benè*  
*morata, quàm sapienter insti-*  
*tuta, quàm bonis legibus ac mo-*  
*ribus temperata; ex iis, quos*  
*producit, hominibus, facile mihi*  
*coniicere licuit. nã qualis quisq;*  
*ager sit, ex fructibus, quos effe-*  
*re consuevit, existimandi copia*  
*est. Vidi adolescentes Wratis-*

PRÆFATIO.

lauienses non paucos, qui pacata & florente Gallia, studiorum caussa, in eas se Academias conferebant, in quibus iuris civilis disciplinam profitebar. Quorum in numero fuere duo fratres tui germani, Ioannes & Thomas Rhedingeri, lectissimi adolescentes, & rectissimis studiis atque optimis artibus eruditissimi. Ac Ioannem quidem summa virtutis indole præditum, atque adeò firmatam iam stirpe virtutis florentem, cuius oris totiusque corporis dignitas, omnium elegantiorum hominum animos, primo statim aspectu sibi conciliabat,

# PRÆFATIO.

*liabat, nobis immatura mors a-*  
*demit. Thomam incredibili in*  
*literas, in literatos viros, in o-*  
*ptimos quosque libros conqui-*  
*rendos, animi ardore flagan-*  
*tem cum videmus, decus ac lu-*  
*men patriæ, totiûsque Silesiæ or-*  
*nementum fore confidimus. Fa-*  
*miliares etiam mihi fuerunt Si-*  
*lesii duo nobiles, ac summo splen-*  
*dore præditi adolescentes, Ca-*  
*ssparus à Seidlitz, & Cassparus*  
*à Danvuitz: quorum amicitia*  
*memoria iucundissimè perfruor.*  
*Jam verò quantum eiusdem ci-*  
*uitatis nostræ splendore, quantû*  
*decus, quàm clarum lumen esse*  
*putamus, magnum illum Cra-*

PRÆFATIO.

tonem? Catonem ferè dixi; qui  
 sapientia & doctrina & graui-  
 tatis & consilii gloria in pri-  
 mis apud Casaream Maiesta-  
 tem floret. cuius ego amore ac  
 beneuolentia dici non potest,  
 quantoperè delecter. Verùm,  
 ad illum adolescentium nume-  
 rum, qui disciplinam nostram,  
 adamarunt, accessit superiori-  
 bus mensibus Iacobus Mona-  
 vius, iuris ciuilis studio dedi-  
 tus, & singulari quodam ma-  
 gnis in rebus iudicio, neque mi-  
 nore industria præditus: qui  
 cùm superiorum illorum aucto-  
 ritatem secutus, multa mihi de  
 Wratislauiensis Reipub. digni-  
 tate

# PRÆFATIO.

tate, copiis, amplitudine; multa de urbis ac vicinitatis totius splendore atque amœnitate, summa cum voluptate narrasset: multa etiam cū de singulari tuo erga literas & literatos viros studio, tū de aliis multis & magnis virtutibus tuis commemorasset, animum certè meum, tale aliquid iam pridem meditantem induxit, ut sub ornatissimo tuo nomine libellum aliquem è bibliotheca mea depromptum emitterem: in quo meam, erga amplissimam atque florentissimam Rempub. vestram observantiam ac potius pietatem testarer. Nam cū te & Se-

# PRÆFATIO.


natus Wratislaviensis principem, & veræ pietatis in primis studiosum, & bonarum artium omnium patronum esse, non modò ex clarissimi Cratonis literis, verum etiam ex eiusdem doctissimi Monacii quotidiano sermone intellexissem: filiūque tuum excellenti adolescentem ingenio, mihi commendare atq; in disciplinam tradere decrevisse: officii mei esse putavi, quaecunque hoc meæ erga Amplitudinem tuam observantia, testimonium edere. quod si neque tibi, neque amplissimo Senatui iniucūdum fore intellexero, spero me deinceps operam  
 datu-





PRÆFATIO.

*daturum, ut si mea erga miseram atque oppressam Franco-galliam pietas extitit, nequid eiusdem pietatis atque animi erga beatissimam & florentissimam Wratislavianam defuisse videatur. Vale vir Amplissime & salve. Deus te, tuâque nobiliss. familiam singulari sua benevolentia cõplectatur. Kal. Mart. CIO IO LXXV.*











FRANC.

## HOTOMANI

IVRISC. IN TITV-

LVM COD. DE PACTIS

Commentarius.

AD L. PRIMAM.



Umma quæstionis quæ hac lege tractatur hæc est, An pactio inter fratres rogatos si sine liberis decedant inuicem restituere, propter liberos vni agnatos irrita fiat? Sed quoniam & obscura quæstio, & textus legis mendosus est, quædam necessariò præmunienda sunt: quorum hoc I est: Heres fideicommissograuatus, retinere sibi, vel alienare vsq; ad quadrâtis quantitatē potest. l. 3. §. res quæ, D. ad trebell. in reliquis rebus diminuendi ius nullum habet. l. ult. §. ult. D. de leg. 2. l. sticho, 36, D. de vsuf. leg. Idque noua Iustiniani cōstitutione confirmatum, atque amplificatum est: vt res alienatæ reuocari à quouis possessore etiam ordinaria persecutione possint. l.

A

ult. §. sed quia, C. com. de leg. Seq. II, Hæc verborum formula, Si heredes mei sine liberis decedāt, portiones inuicem restituunt: duplex fideicommissum complectitur: vnum expressum: quod verbis dilucidè comprehensum est, vt si qui eorum sine liberis moriatur, alteri portionem suam restituat: alterum intellectum, siue implicitum: quod ex sententia eruendum est: vt qui eorum non sine liberis moriatur, ei portionem non restituat. Nam hæc contrariorum vis ac potestas est, vt sub conditione iniunctū, deficiente conditione prohibitum intelligatur. l. inter socerum, 26, §. 1, D. de pact. dot. l. quibus, II, §. 2, D. de cond. & dem. l. si quis ita, 83, D. de here. instit. Quare et si verbis expressum fideicommissum non est, quod ad liberos pertinet, tamen tacitè ex sententia induci videtur: primū propter contrariorum rationem, vt modò dicebamus: deinde quia in fideicommissis voluntas, magis quàm verba, spectatur. l. cum verum, 16, C. de fideic. postremò propter cōiecturam pietatis. nam cum Papin. etiam vbi nulla liberorum facta mētio est, eam inducat

inducat: l. cū auus, 102, D. de cond. & dem. l. cū acutissimi, 30, C. de fideic. quāto magis vbi disertè nominati sunt inducenda videatur? sicuti diximus in quæstione illustri, An liberi in conditione positi intelligantur ad hereditatem vocati. Deinceps cuiusmodi causæ constitutio cōmuni omnium Doctōrum consensu huic legi accōmodetur, videndum est. Eam autem Alciatus his exponit verbis: Fideicommisserat testator Philino heredi scripto, vt si absque filiis decederet, hereditatem Frontoni fratri restitueret. Is Philinus cū verreretur, ne filios non haberet, & sui fideicommissi conditio eueniret, cum Frontone conuenit, vt accepto in præsencia sextante fideicommissum pacto sibi ille remitteret. Mortuo Philino superstite filio, quærebatur, an repeti ille sextans Frontoni datus posset, tanquam cessaret causā, defecerat enim conditio, cū superstes esset filius. Et respondetur, non posse: quia causā conuentionis ea fuit, vt incertitudo & spes illa fideicommissi remitteretur: quod factum fuerat, & ideo consummatus

causſæ effectus, nec curādum, quid deinde euenerit. remiſſio enim incertitudinis iuſtam præbet huic pactioni cauſam. Hæc Alciatus. Sed videamus, ne paucis verbis multa peccata commiſſa ſint. Nam primū omnium abſurdum eſt, exiſtimare quæri hac lege, an Philinus repetere ſextantem poſſit. Superius enim dictum eſt, Patrem ipſius potuiſſe pro ſuo iure Pegafiano portionis ſuæ quadrantē alienare, hoc eſt ſeſcunciam, l. 3, §. res quæ, D. ad treb. ex quo intelligitur, Philinum non niſi de ſemuncia queri potuiſſe. Secundum abſurdum eſt (cuius tamen peccati occaſionem textus ipſe aliqua ex parte præbuit) quòd vulgò creditur, ſolū Philinum pactum de non petendo fideicommiſſo feciſſe; cū contrà & ratio iuris, vt mox docebimus, & initium legis oſtendat, pactū vtraque ex parte factum fuiſſe. ſicut in l. cū proponas, 16, §. hoc tit. & l. de fideicommiſſo, 11, §. de trāſ. Sic enim ſcriptum eſt: Conditionis incertum inter fratres finitum eſt: hoc eſt, vtraque ex parte. Tertium abſurdum eſt, quòd Alciatus mentionem conditionis cauſa  
dati,



dati,cauſſa non ſecuta,huc intulit.cũ  
 quæri putat,an Philinus repetere ſex-  
 tantem poſſet,tanquam cauſſa datum  
 cauſſa non ſecuta. Et reſpondet,ceſſare  
 dati repetitionem,tãquam ob cauſſam  
 dati,cauſſa ſecuta. Cauſſa autem (in-  
 quit Alciatus) erat,vt ſpes fidei com-  
 miſſi remitteretur. Quid?annon igitur  
 ſextans trãſactionis cauſſa datus fuerat?  
 Atqui aliud eſt ob tranſactionem,aliud  
 ob rem dare.l. in ſumma,65,D.de cõd.  
 indeb. in illo cauſſa principium eſt,ni-  
 mirum ob tranſactionem factam:in hoc  
 finis:nimirum vt res fiat,aut non fiat.l.  
 damus,52,D. de cond. indeb.l.4, §.1,D.  
 de cond. ob turp. cau.l.1,& l.5,D. de  
 cond. cauſ.dat. Non igitur ob cauſſam  
 futuram,& vt ſpes fideicommiſſi remit-  
 tatur,ſingi poteſt ſextans datus fuiſſe:  
 ſed potius ob cauſſam præteritam,nimi-  
 rum cõuentionem inter fratres factam.  
 Quartum abſurdum eſt,quòd vulgò du-  
 bitari creditur,An Fronto paciſci cum  
 Philino de illa ſpe fideicommiſſaria po-  
 tuerit? Etenim nõ modò fideicommiſſi  
 actionem pacto remitti poſſe cõſtat:l.fi  
 actionem,24,infrà hoc tit.verũ etiam

eius actionis spem. l. 3, C. de donat. l. pactū, 46, D. de pact. & l. & heres, 21, §. pen. eod. vbi filiusfam. de eo quod sibi sub cōditione legatū est, paciscitur. Itémq; in l. 3, §. si quis minori, D. de minor. Denique fideicōmissarij permissu res per fideicōmissum relicta rectè alienatur. l. nihil proponi, 120, §. j, D. de leg. j. sic alienatione extra familiam prohibita, rectè fideic. pacto remittitur, l. quoties, 11, C. de fideic. l. cū pater, 77, §. libertis, D. de leg. ij. Aduersari tamen grauitè Paulus videtur, lib. Sent. j. tit. De fideic. §. rogati. Itaque video esse qui apertè scribāt, aliud ab Imperatorib. aliud à Paulo ius statui. quod eo minus probabile est, quia hæc nostra lex Seuerum & Antoninum auctores edit, quibus posteriorē fuisse Paulum, Lampridius testatur. Locum igitur Pauli necessariò accipere debemus de eo casu, quo liberi extabant: vt is qui grauatus est restituere, si sine liberis decedat, existētibus liberis pacisci contra testatoris voluntatē non possit: propter implicitū fideicōmissū, de quo suprā dictū est. Quinetiā Pauli locus videri mēdosus posset, in illis verbis

bis: NEC EX EO PACISCI POSSVNT.  
 nō enim *pacisci ex re dicimus*, sed *de re*. quōd  
 si quis liber ita scriptum haberet, NEC  
 EXISTENTIBVS LIBERIS PACISCI  
 POSSVNT, dubitationis nihil omnino  
 superesset. Vidētur tamē Iurisc. veteres  
 ita locuti prō, Iccirco. velut in l. 3, §. 1, D.  
 de crim. stellio. Solēt autē ex hoc extra  
 ordinē plecti. Quare videndū est, quē-  
 admodū causæ cōstitutio ad hāc legē  
 accōmodari possit. Ac fortasse aliquis  
 verba legis sequēs, ita fingeret: Philinū  
 cū liberos nondū sustulisset, pactū hoc  
 cū Frōtōne fecisse, vt Frōto accepto ab  
 eo sextāte spē ei fideicōmissariæ restitu-  
 tionis remitteret. atq; ita diuisam here-  
 ditatē inter illos fuisse, vt bessem Frōto-  
 trientē Philinus auferret. post cū Phili-  
 nus superstitē filio decessisset, filiū hūc  
 nō integrū quidē sextantē; sed semūciā  
 tantū repetere voluisse: quasi fescunciā  
 Falcidiæ nomine Philinus pater reti-  
 nuisset. qua petitione nihil æquius fingi  
 potuit. quoniam (vt suprā dictum est)  
 Philinus propter implicitum fideicom-  
 missum dodratem suæ portionis liberis  
 suis restituere debebat. Quare cū Imp.

contra eam petitionem respōderit, non satis ad iuris rationem accōmodata vel causſæ constitutio, vel Imperatoris responsio videtur. Videndū est igitur, quē admodum utriq; satisfacere possimus. quod non difficile factū est, dummodo animaduertamus quod initio legis ostenditur, pactum de spe fideicommissariæ restitutionis ab utroque factum fuisse. deinde verbum *Philinus* tantisper remoueamus, dum æquitas legis nobis constabit. nam cū imperitus aliquis interpretes existimasset verbum SVSTVLERIT (sic enim legendum est, ut in omnibus antiquis, non, ut in recentioribus, SVSTVLERAT) ad Philinum referendum esse: nomen illius sub illo subiecit. temerē & imperitē. quoniam ad Frontonem, non ad Philinum referendum est. nam causſæ constitutio est huiusmodi: Licinius Philinus cū duos haberet filios, Philinum & Frontonem, & in bonis mille ducētos aureos, heredes illos filios sibi æquis ex partib. instituit: eosque rogauit, ut si sine liberis decederent, inuicem suas portiones hereditarias restituerēt. Testatore mor-  
tuo,

tuo, cùm adhuc eorum neuter liberos haberet, transigunt inter se, vt Fronto sextante de asse paterno hereditario accepto, spem futuræ perceptionis remitteret. Philinus reliquum dextantem sibi haberet: & diuisa hereditate, vtrique liceret, de illa sua definita parte, vel inter viuos, vel per testamentum arbitratu suo disponere. qua conuentione duplex pactio continetur: prior, de portione cuique à testatore attributa: posterior, de spe obtinendæ alterius portionis. quod summè notandum est. Aliquanto pòst igitur hereditariæ res omnes pro duabus illis inæqualibus partibus inter illos diuiduntur: neque ita longo interuallo Philinus filium suscipit. Tum Fronto sine liberis, extraneo herede instituto, moritur. Ad extremũ Philinus ipse quoque filio illo suo Philino superstite, decedit. Eo mortuo Philinus hic filius à Frontonis herede non sextantem quidem illum totum (hoc est, ducetos aureos) repetit, sed semunciam duntaxat, hoc est, aureos quinquaginta: hanc afferens causam, quia portio Frótonis hereditaria fideicommissi

titulo Philino patri suo attributa fuerat, si sine liberis Fronto decederet. qui etsi de portione hereditaria, (id est, semisse siue sexcentis aureis) sibi retinere suum quadrantem Falcidicum, (hoc est aureos centum & quinquaginta) eosque alienare potuerit: d. l. 3, §. res quæ, D. ad Treb. attamen aliquanto amplius alienauerat. ducentos enim aureos Frōtoni dederat, cū centū quinquaginta tantum ei dare liceret. Quæritur, quid iuris? Dubitādi causā his verbis exponitur: quod ille diem suū filio superstite obierit: hoc est, quia non modò portio Frontonis si sine liberis decederet, Philino attributa fuerat, quæ conditio euenerat: verumetiam Philinus liberos superstites reliquerat: quibus illa portio attributa à testatore videbatur. nam (vt suprā dixi) summa quæstionis hæc est; An pactio inter fratres rogatos si sine liberis decedāt, inuicem restituere, propter liberos vni agnatos, irrita fiat. Imperator tamen secundum Frōtonis heredem rescribit. Rescripti autē æquitas hæc est: quia Philini portio ipsius quidē liberis, si quos relinqueret, implicito fidei-

fideicommissio attributa fuerat. Sed Frontonis portio nequaquam: verum ipsi Philino duntaxat: qui etiam si quinquaginta filios, ut Priamus, & quinquaginta filias, ut Danaus, relinqueret, portionem tamen illam etiam delatam recusare, & speratam pacto remittere potuit. quod ex legis metaphrasi planius intelligetur: Non iniquis rationibus incertitudo conditionis in testamento adiectæ  
 SI SINE LIBERIS MORIAMINI, conventionem finita est. eam enim euetus comprobauit. Nam cum verbis fideicommissi petitum à patre tuo profitearis, ut si vita sine liberis decederet, hereditatem Frontoni restitueret: vicissimque à Frōtone, ut idem ipse faceret: pactum eo tempore quo nondum paterna hereditas diuisa erat, inter eos de sextate Frōtoni dando interpositum, ut eo arbitrato suo vteretur: non ideo potest iniquum videri, quia post diuisionem ex illo dextatis & sextantis pacto factam, te filium sustulerit, ac superstitem sibi reliquerit. Quod enim contendis portionem Frontonis patri tuo per fideicommissum ab auo testatore attributam ac destinatam fuisse, si sine

liberis decederet: & quia is casus accidit, eius portionem cōtendis patri tuo quasi commissam ac debitam fuisse: nihil te adiuuat. quoniam nō si patri tuo portio illa attributa fuerat, iccirco tibi quoque attributa fuit. Soli enim patri tuo auus in suo testamento cauit. Ac propterea potuit pater tuus non modò fratri suo Frōtoni totam illam spem sui semissis remittere: verum etiam ab illo acceptum alteri extraneo condonare: neque tibi ea in re vllam iniuriam fecisset. Rursus pactionem ac liberalitatem Frontōnis euentus comprobauit: CVM LIBEROS NON SVSTVLERIT. nam si quem superstitem reliquisset, is iam abs te quadringentos illos iure reposceret: aut certè portionis suæ dodrantem, hoc est, de sexcentis aureis quadringētos & quinquaginta. Superest illa quæstio: Vtrum pactum hoc dicendum sit, de quo in hac lege tractatur: an transactio? Dubitandi causa est, primū, quia sub tit. De pactis hæc lex relata est. deinde, quia sæpe in istis pactionibus alter alteri totum remittit. Sed cū incerta res sit, de qua conuen-

tio



tio facta est, veram hanc transactionis notam esse constat. l. 1, D. de trans. nam etsi qui remittit, usquequaq; remittit, siue liberi alteri agnascantur, siue non: tamen & incertus eius rei euentus est, & quo casu liberi superstites relinquerentur, nihil remitteretur. Quod tamen de hoc fideicommissio conditi onali propriè intelligendum est. nam si purum fuisset, pacto locus propriè fuisset: vt in l. 3, C. de donat. Quanquam in casu nostro si datio aliqua ex parte interuenisset, ea res notissimos transactionis terminos egrederetur: & iam non pactum nudum, sed pactum cui causa subest diceretur: præscriptisque verbis actio nasceretur.

## AD L. II.

**A**N creditor hereditarius agens in emptorem hereditatis tacitè cum herede pacisci de non petendo intelligatur? Duplex dubitandi causa est: primum, quia debitorum pactionibus creditorum petitio mutari non potest. l. de bitorum, 25, infra h. tit. Itaque nihilominus hereditate vendita saluæ credi-

toribus actiones aduersus heredem manent. neque emptores eorum actiones excipere coguntur. l. 2. C. de hered. vel act. vend. deinde quia pacta conventionione & consensu fiunt. l. j. D. de pact. nunquam autem inter creditorem & heredem ea de re actum, aut negotium gestum fuerat, ut conventio facta esse videretur. C. T. R. ex summa æquitate. nam cum creditor neque directam, neque utilem haberet actionem in emptorem, sua tamen sponte relicto eo aduersus quem directam habebat, agere cum illo instituerit, videtur heredi suam actionem remittere. remittentibus autem actiones suas non est regressus dandus. l. quæritur, 14. §. penult. D. de ædil. edict. hac tamen æquitate rescriptum confirmatur, quod alioqui asperius videri posset, quia emptor sua sponte actionem excepit: qua de causa perire creditori suum ius non potest. Dixi autem utilem creditori contra emptorem non competere, quamvis vulgò aliter existimetur. nam sicuti emptor utilem actionem aduersus debitores sine D. Pij rescripto non habuisset,

l. 5.

l.5. l.8. C. de hered. vend. l. si cū emptor, 16. D. de pact. ita sine aliquo rescritto aduersus illum non competit. Aequitatem adiuuat, quod emptor quasi heres extitisse videatur. l. si ei, 9, D. comm. præd. Item quod ubi duæ actiones competūt, quarum vna eadēque potestas est, altera per alteram consumitur. l. pro socio, 38, §. j. D. pro soc. l. generaliter, 5, D. de fideiuss. Itaque legitimus heres legitimam hereditatem agnoscens, tacitè prius testamentariam repudiassè intelligitur. l. illud, 77, D. de acq. her. & in eandem sententiam textus est in l. si filius, 30, D. de minor. Denique is in quem hereditas aut per donationem, aut per venditionem translata est, creditoribus satisfacere cogitur. l. hereditatem, 28, D. de donat. l. 2. D. de hered. vel act. vend. Alterius autem obiectionis solutio est, quod conventiones non modò verbis & tractatu habito, sed etiam tacitè fiunt. l. 2. D. de pact. quinetiam magis in pactis mēs & consilium, quàm verba & oratio spectantur. l. 7. §. ait prætor, l. qui in futurum, 57, D. eod. quare creditores cum

emptoribus agentes, quemadmodum tacite cum ipsis contraxisse intelliguntur de re in iudiciū deducta: l.3. §.idem scribit. D.de pecul. sic tacite cum venditore pepigisse iudicantur, ne ab illo petant.

## AD L. SERVVS, III.

**A**N servus creditoris deterio-  
mini conditionem facere per pa-  
ctum possit? D. C.est, quia servi in ge-  
rendis dominorum negotiis, eorum  
personam sustinere videntur. l. acqui-  
runtur, 10, D.de acq. rer. dom. Itaque  
servus paciscens ne à domino petatur,  
pacti exceptionem ei acquirit. l. si tibi,  
17, §. vlt. & ll. seqq. l. per quos, 59, D.de  
pact. Natura igitur & vicissitudo con-  
trariorum postulare idem in contrario  
quoque pacto videbatur. C.T.R. quia  
servi negotium dominorum gerentes,  
tum demum eorum personam sustine-  
re intelliguntur, cum aut eorum vo-  
luntate negotium gerunt: l. si autem,  
29, D. de pact. l. quod servus, 35, D. de  
solut. aut eorum meliorem conditio-  
nem faciunt, non cum deterio-  
rem.  
l. contra,

l. contra, 28, §. j. D. de pact. Neque obstat vicissitudo contrariorum: quia non æquum est eorum operam, qui ad vsum nostrum parati sunt, aliam in rem quam in quam comparati sunt valere. l. 4, §. in hac exceptione, 16, D. de dol. exc. Vnde Regula iuris concepta est. l. melior, 133, D. de reg. iur. Sed ea regula in rebus peculiaribus locum non habet. l. j. D. de in rem vers. l. multo, 24, & l. seq. D. de iureiur. Et hoc idem posterius de filiofam. traditur in l. 23, infra hoc tit. & de procuratoribus, l. ignorantis, 49, & l. seq. D. de procurat.

## AD L. POSTQVAM IV.

**A**N qui liti de prædio motæ renuntiavit mutato cōsilio actionem instaurare possit? D. C. est, quia lis tribus tantum modis finitur: Re iudicata, Iureiurando, & Transactione. l. j, §. ult. D. ad Tertyll. Pactum autem in illis modis non numeratur. C. T. R. quia ne hoc quidem pactum est, sed confessio: quæ quia rei iudicatæ vim obtinet, eius nomine cōtineri potest. l. 1, D. de cōfess. l. 1. C. eod. sed præsertim in l. donari, 29, §. 1,

D. de donat. Itaq; secunda hæc lex videtur mēdosè à Triboniano sub hanc Rubricam relata. nam pactū de nō petendo ab eo qui litem contestatus est, neque ob præteritum tempus fieri potest: cū iam factum infectum fieri nō possit. neque ob futurum, quia bis eadem de re nō est actio. l. 2, D. de rei iud. except. Renuntiationes igitur actionū & litium nō per pacta fiebant: quia lite contestata, nullus pactis amplius est locus: l. 1, D. de transact, quinetiam etsi donationis hæc quædam species est: l. donari, 29, §. 1, D. de donat. tamē etiam sine conuentione, atque adeò etiam inuitis aduersariis fieri poterāt. Fiebāt igitur per professionem apud acta; quæ remissio & omissio actionis dicitur. l. si donationis, 18, C. de don. l. 3. C. de repud. hered. l. si lis, 11, C. ad leg. Corn. de fals. d. l. donari, D. de donat. quinetiam tacitè interdum fieri intelligebantur, l. si filius, 30. D. de minor. Earum autem professionum mentio fit in l. non solum, 7, §. vlt. D. de lib. leg. l. quamuis, 11, D. de in ius voc. Sic professio fit apud acta, ne quis certis instrumentis utatur,

l.3, C. de fid. inst. & vt aliquem exhibeat. l. cum qui, 17, D. de in ius voc. ne à iudice prouocet. l. 1, D. à quib. app. non lic. vt nihil aduersus voluntatem testatoris agat. l. cum quis, 37, de leg. 3. Præterea moris erat vt post illam professionem reus se iudicio absolui peteret. l. fullo, 90, D. de furt. l. si in re, 19, D. de nox. act. l. si in re, 14, §. j. D. iudic. solu. *Instaurandi* autem verbum cum effectu accipiendum est: vt redintegrari quidem actio possit: sed iudicati, & quasi confessi exceptione repellatur. nam ne per rem quidem iudicatam ipso iure actio perimitur. §. item si, 5, De except.

## AD L. V.


**A**N debitor parte soluta de reliquo paciscens per eam conuentionem liberetur? Dubitandi causa est, quoniam vt certi cōtrahendarum obligationum modi, iure ciuili constituti sunt, sic etiā distrahendarum. §. 1, & pass. quib. mod. obl. dissol. In iis autem pacta & conuentiones nudæ non numerantur, in quibus non ius, sed factum, id est, non iuris ciuilis auctoritas, sed sola naturalis veri-

tas versatur. l. si vnus, 27, §. pactus, D. de pact. qua de caussa ciuilis obligatio pacto nudo tolli non potest. nam ea demum pacta obligationem tollunt, quæ legitima & ciuilia sunt. l. 6, & l. si tibi, 17, §. 1, D. de pact. Contrarium tamen resp. quia quatenus numeratio intercessit, ipso iure, id est, ciuili iure obligatio soluta est. l. stipulatus, 9, §. 1. De solut. Quatenus autem pacto debitum condonatum est, iure quidem ciuili non contingit liberatio, sed iure honorario. nam Prætor æquitatem naturalem iuris Quiritiū formulis & argutiis anteposit. l. 1, D. de pact. Et hoc est quod dicitur in l. 3, §. 1, D. de pecun. const. esse quod iure ciuili debeatur, prætorio nō debeatur: id est, per exceptionē. Quod enim Prætor in Edicto scribit, se pacta seruaturum, quis nō videt de iis intelligendum esse, quæ iure ciuili perierāt? Et quoniam Prætor ciuilis actionis denegandæ potestatem non habet, cū iuris ciuilis minister tantū ac dispensator sit: duritiem eius & actionis asperitatem in iudicio constituendo adhibenda exceptione leniet: SI PATERET

Mæuium



Mæuium Titio centum dare oportere, nisi Titius pactus sit se non petiturum, tum Mæuius dānetur. l. si stipulatus, 15, §. 1, D. de fideiuss. Neque miretur aliquis, quasi nihil intersit, vtrum ipso iure quis, an per exceptionem liberetur. l. nihil interest, D. de reg. iur. nam id in effectu verum est. sed eiusmodi iuris antiqui Quiritium argutiæ fuerunt: vt patet ex §. j. & pass. De except. Ad hanc porro legem accommodanda est l. si vnus, 27, §. si cū decem, D. de pact. vbi cōtrarius profertur casus, si cū xx deberes, pepegerim ne decem petam. nam si viginti nihilominus petam, exceptio pacti pro decem dabitur. Ita in reliqua tantū decem efficax erit actio. Triplex igitur obligationis solutio notanda est: Naturalis, quæ fit per numerationem pecuniæ: Ciuilis, siue imaginaria, quæ fit per acceptilationem: l. pen. D. de solut. & Honoraria, quæ fit per pactum: & eam vim habet, vt etiam per imprudentiam solutum, tamen per indebiti condictionem repetatur. l. qui exceptione, 40, l. eleganter, 23, §. si quis, D. de cond. indeb. l. qui hominem, 34, §. vlt. D. de solut.



## AD L. VI.

AN pacta, quæ contra leges, aut bonos mores fiunt, à Prætore seruentur? Dubit. caussa est: quia si pacta propter naturalem æquitatem, & societatis humanæ rationem seruântur, quam fides sola tuctur, l. 1, D. de pact. l. Stichum, 95, §. naturalis, D. de solut. l. non minorem, 20, C. de transact. quidni pacta æquitati naturali consentanea, quamuis à ciuili ratione & iure mutabili ac positiuo abhorreant, seruabuntur? veluti, Lex Iulia fundum dotalem alienari vetat. hoc natura turpe non est. l. probrũ, 42, De verb. sign. quidni maritus in dote recipienda pacisci poterit, vt eum sibi alienare liceat? contra l. 2, D. de pact. dotal. Item, vt fundo dotali seruitutẽ imponat: contra l. 5, D. de fund. dot. Itaque quamuis legibus constitutum sit, vt dos annua, bima, trima die reddatur, tamen mulier vt celerius sibi reddatur pacisci potest. l. attilicinus, 17, D. de pact. dotal. Sic aduersus edictum Aedilium pacisci licet. l. pacisci, 31, D. de pact. item aduersus S. C. Velleianum, mulier pacisci potest, se videlicet eius beneficio non vsuram. l. vlt. §. pen.

§. pen. D. ad Velleia. Quinetiam de bonis moribus disputari potest. nam bene morata ciuitatis interest, furta & incendia, & iniurias, ceteraque delicta puniri. l. 5, D. de pact. dot. & tamen furti & iniuriarum actio per pactum etiam ipso iure tollitur. l. 6, l. 7, §. si paciscar. l. si vnus, 27, §. pactus, D. de pact. C. T. R. quia Prætor in edicto nominatim ac disertè id ascripsit. l. 7, §. prætor ait, D. de pact. Ascripsit autem iccirco vt publici iuris formam conseruaret: quemadmodum iuris fiscalis forma contra pactiones ei aduersarias conseruatur. l. inter debitorem, 42, D. eod. Ad superiores igitur obiectiones respondendum est, quamuis pacta quædam naturali iure iniqua non sint, tamen prætorem non modò iuris naturalis æquitatem, verùm etiam ciuilis formam tueri. Præterea licere mulieribus meliorem dotium suarum cõditionem facere: deteriore, non licere. d. l. attilicinus. Contra Aediliũ autem edictũ, iccirco pacisci licet: quoniam eorum beneficium non ad publicam, sed ad priuatam rem pertinet. Itaque non mirum est si iuri quisque suo renuntiare

possit. l. quæritur, 14, §. pen. D. de ædil. edict. quod eodem modo in furti & iniuriarum actione intelligendum esse, patet ex d. l. 6, & l. 7, De pact. Pacti autem contra leges facti exemplum esto: si inter coheredes conuenerit, ut unus creditoribus obligatus maneat. l. pacto, 26, infra h. tit. De bonis verò moribus, præclarum exemplum exstat in l. 2, D. de cond. ob turp. veluti si cum iudice qui mihi pecuniam debebat, pactus sim ne petam, ea lege ut secundum me in bona causa pronunciet. Item in l. alia causa, 14, §. 1, D. solut. matrim. l. illud, 5, D. de pact. dot. & apud Paul. lib. Sent. 3. tit. 4. ut barbaro habitu aliquis procedat.

## AD L. VII.

**A**N creditor qui debitoris heres ei à quo hereditatem euicerat, ea lege cessit, ut æs alienum dissolueret, agere aduersus ipsum possit? Ad hanc questionem duplex adhibenda præmunition est: Aditione hereditatis vel debitoris vel creditoris, confundi obligationem: confusione autem perimi. l. Stichum, 95. §. aditio, D. de solut. nam eiusdem pecuniæ

nia creditor & debitor idem esse non  
 potest: hoc est, nemo sibi met ipsi obli-  
 gatus esse potest, l. heres, 21, §. quod si sti-  
 pulator, D. de fideiuss. Qua de causa  
 confusione perinde extinguitur obli-  
 gatio, ac solutione. l. si id quod, 21, D. de  
 liber. legat. Confusio autem est, cum in  
 eandem personam ius crediti & debiti  
 deuenit. l. pen. D. de solut. Altera præmu-  
 nitio est huiusmodi. Is cui hereditas ces-  
 sa est, actione utili creditoribus heredi-  
 tariis tenetur: de quo dictum est ad l. 2.  
 supra h. tit. Iam verò dubitandi causa  
 hæc est: quoniam qui in ius, domini-  
 que alterius successit, iure eius uti de-  
 bet. l. qui in ius, 177, D. de reg. iur. Cum  
 igitur in heredis persona extincta obli-  
 gatio fuerit, etiam in eius persona cui  
 cessa hereditas est, extincta videtur: ne-  
 que extincta obligatio amplius nouo  
 pacto resuscitatur. l. si vnus, 27, §. pactus,  
 D. de pact. Quare, nisi stipulatio inter-  
 uenerit, omni destitutus actione heres  
 videtur. l. si tibi, 27, C. locat. C. T. R. quo-  
 niam quod dici solet, Ex pacto actione  
 non nasci, de eo pacto intelligendum  
 est, quod nudum est, neque causam vl-

lam subiectam habet, præter nudam & meram conuentionem, voluntatem, & liberalitatem. At cum caussa futura subest, veluti vt aliquid aut fiat, aut detur, tum quia negotium geritur, contractus est: &, quia innominatus est, præscriptis verbis actio conceditur. vt in l. auia, 6, C. de iur. dot. l. 1, §. accedit & alia, C. de rei vxor. act. l. cum mota, 6, l. si pro fundo, 33, C. de transact. l. licet, 23, C. famil. ercif. l. rebus, 6, C. de rer. permut. Eiusdem modi pactum hoc fuit. Data enim hereditas est, vt accipiens creditoribus hereditariis satisfaceret. Quibus ex locis perspicuum est in fine legis nostræ verba illa, *Ex præscriptis verbis si stipulatio non interuenerit*, quæ in quibusdam antiquis esse negantur, sine dubio retinenda esse. Hæc cum ita sint, tamen intelligendum est, antiquo illi iuri de confusione derogatum noua Iustiniani constitutione fuisse. l. vlt. §. etsi præfatam, C. de iur. delib. vbi statuit, vt creditori qui à debitore institutus inuentarium confecerit, obligationes conferuentur. Quod autem hic de actione ex stipulatu, & de præscriptis verbis traditur,

ditur, intelligendum est, locum habere, non modò vt heres aduersus possessorem suo nomine agat, verùm etiã aliorum creditorum nomine. Nam etsi regulariter alteri nemo vel stipulari vel pacisci potest, tamen vbi stipulatoris aut paciscentis interest, valet quod actum est. l. stipulatio ista, 38, §. si stipuler, 14, D. de verb. oblig. l. fideiussoris, 23, §. 1, D. de pact. Superest vt obiectioni respondeamus, & legis æquitatem exponamus. nam etsi subtilitate iuris extincta per confusionem heredis obligatio est, tamen per pactũ cui causa subest, resuscitata est. dabatur enim hereditas vt creditoribus satisfaceret. vbi autem cum pacto aliquid datur, quasi ex contractu innominato præscriptis verbis actio conceditur. l. legem, 10, infra h. tit. & l. 1, C. de pact. conuēt. l. si vir, 12, D. de præf. verb. Ex quo patet solutio ad d. l. si vnus, §. pactus: vbi de pacto nudo nominatim agebatur: id est, cui nulla causa suberat, nec futura, nec præterita.

## AD L. VIII.

**A**N qui pecora partiario pascenda suscepit, actione vlla teneatur? Le-

gendum enim arbitror *Partiario* aduerbiallyter: pro *lege Partiaria*: quemadmodum Colonus dicitur *partiarius* qui pro mercede frugum partem præstat: in l. si merces, 25, §. vis maior, D. loc. vbi Colonus *partiarius* opponitur ei qui ad pecuniam numeratam conduxit: qui alibi numis colere dicitur. Plinius dixit *Partibus colere*. lib. ep. 9. Medendi vna ratio, si non numo, sed partibus locem. Apollinaris igitur gregem pascendum receperat, cum pacto, vt pro mercede non pecuniam, sed foetus partem sibi haberet. Cum fidem non seruaret, quaesitum est, an actione aliqua cogi posset. Dub. caussa est, quia regulariter locationis, & conductionis merces pecunia numerata consistit. l. 1, §. si quis seruum, D. de pos. & l. 5, §. at cum do, D. de præscript. verb. Societas porro illa non fuit, quia societas cõunionem non modò fructus, verum etiam gregis ipsius induxisset. eaque societatis substantia est. l. si tibi, 13, §. 1, D. de præscript. verb. vbi dato pecore pascendo, vt eius pecoris dominium commune sit, contracta societas dicitur: gregis autem cõmunio, societatis



tatis substantia est. At foetus & fructuum  
 cōmunio in colono partiario nō vera,  
 sed quasi societas appellatur in d. l. si  
 merces. Postremò, vt neq; locati neque  
 pro socio competeat actio, sic neque  
 ex pacto competere videbatur, propter  
 regulam iuris ciuilis, vt ex pacto actio  
 non nascatur. l. si tibi, 27, C. loc. C. T. R.  
 Apollinarem iudicio cogi posse fidem  
 præstare. Iudicium autem præscriptis  
 verbis intelligendū est, ex regula quam  
 sæpe inculcamus: Quoties ex pacto da-  
 tum aut factum est, toties illam actio-  
 nem dari. l. legem, 10, infrà h. tit. quip-  
 pe, quia tum negotiū geritur, & causā  
 subest. Causā autē in colonis & pasto-  
 ribus partiariis vtrunque in partem  
 perspicua est. Nam vt ex coloni parte  
 negotium geritur, Facio vt des: (agrum  
 enim colit, vt partem fructuum ferat)  
 ita ex domini parte negotium geritur,  
 Do vt facias. Fructuum enim partem  
 condonat, vt alter agrum colat: velut in  
 hac lege dominus foetus partem con-  
 donabat Apollinari, vt pecus pasceret.  
 Ita foetus quidem cōmunis est, at non  
 grex: vt in Colono fructus quidē com-

munes sunt, at non ager. Quare quod in hac lege de pastore partiarario traditur, id etiam ad colonum partiarium accommodandum est.

## AD L. IX.

**A**N qui dolo aduersarij inductus ius, quod ex re iudicata habebat, ei remisit, pacto dolofo stare compellatur? Mater Alexandri seruos quosdam per iudicem petierat, iudicioque vicerat. Cum actionem rei iudicatæ haberet, tamen dolo circumuenta pactum fecit de seruis illis non petendis. Quæritur, si fraude & dolo postea cognito, mater velit agere, an pacti exceptione excludatur? D. C. est, quoniam pacta prætorio iure seruantur: & ad exceptionem valere dicuntur in l. 7, in fine princ. D. de pact. C. T. R. quoniam ea demum se pacta prætor seruaturum edixit, quæ dolo malo facta non sunt. d. l. 7. §. ait prætor, & §. seq. vbi locus ille ad hoc propositum nostrum accommodandus est: Si quod semel remisit creditor debitori suo, bona fide, id est, non dolo malo, iterum conetur destruere, iniquum id esse, Verum

Verùm hic quæstio exoritur: Vtrum pactum dolo malo factum à prætorè vsque-  
 quaq; improbetur? sicuti videmus bonæ fidei contractum per dolum ipso iure  
 vitari: l. & eleganter, 7, D. de dol. mal.  
 an verò tantum per replicationem doli:  
 ut per se quidem constet, & valeat, sicuti  
 stipulatio dolo contracta valet, &  
 subtilitate iuris obligationem parit: l. si  
 quis cum aliter, 36, De verb. oblig. l. pe.  
 C. de inut. stipul. D. C. est, quia prætor  
 edixit ea demum se pacta seruaturum,  
 quæ dolo malo facta non essent. d. l. 7,  
 §. ait prætor. Dubitatione auget quod  
 Imperator scribit, pactum mala fide fa-  
 ctum irritum esse: quasi ne ab initio  
 quidem valuerit. l. si quis, 6, §. irritum,  
 D. de iniust. test. Sed idem Imp. in fine  
 legis significat, valere ab initio pactum,  
 sicut actionem ex stipulatu. sed quem-  
 admodum illa per doli exceptionem,  
 sic pacti exceptio per doli replicatio-  
 nem elidetur. nam his verbis utitur;  
 Cum ex ea conuentione agi cœperit.  
 nam Agi intelligitur etiam per excep-  
 tionem. l. 1, D. de except. Et idem  
 traditur in l. sub prætextu, 19, infra de

transact. quæ doli replicationem dari ostendit: eodémque modo intelligēda videtur, quæ ambiguè scripta est, l. si cum te, 51, D. de pact. vbi pactum creditoris per errorem factū, ne à debitore petat, neque ipso iure debitorem liberat, & aduersus illius exceptionem doli replicatio conceditur.

## A D L. X.

**A**N ex pacto in danda dote conuen-  
to, vt lege certa reddatur, dotis con-  
dictio permittatur? Legem autem in-  
telligit, veluti, vt matrimonio soluto  
dos reddatur. Et dub. & respondendi  
caussa prorsus eadem est, quæ in l. 7, &  
l. 8. exposita est. Quare quod hoc loco  
dixit Vtilem condictioem dari, signi-  
ficat Efficacem dotis actionem com-  
petere. Postremò ex cōparatione huius  
legis cum l. 1. infrà de pact. conuent.  
notandus est mos veterum Imp. nam  
hoc rescriptum ab Alexandro totidem  
verbis consulenti redditum est, quot  
vno & viginti antè annis ab Imp. Seue-  
ro & Antonino illud redditum fuerat.  
Ex quo intellegitur, moris fuisse, vt  
quem-

quemadmodum ij qui Imperatorem consulebant, Iurisperiti alicuius auctoritatem, qua niti eorum causa videbatur, adhibere solebant: (vti patet ex l. 5, C. de bon. quæ lib. l. vt ere, 14, C. de præd. min. l. cum respõso, 12, C. de legat.) ita Imperatores, si quod superiorum Cæsarum rescriptum extaret eiusdem causæ præiudicium, totidem verbis ex illo rescripto responderent. quod ad istius antiquitatis cognitionem prætermittendum non fuit.

## AD L. XI.

**D**Vplex quæstio est. prior huiusmodi: An pactum vt mulier (quæ oppignorat fundum in dotem dedit) vsuras creditoribus suis soluat, vel per se valeat, vel per stipulationem cõfirmetur? D. C. quantum ad pactum, hæc est, quia quodcunque pactum in traditione rei factum, iure prætorio valet. l. in traditionibus, 48, D. de pact. Itaque Paulus in l. quæris, 28, D. de pact. dot. in pacto vt maritus ipse ex fundi dotalis fructibus creditoribus mulieris satisfaciatur, tãtùm distinctionem adhibendam esse statuit,

utrum ante nuptias, an constante matrimonio factum sit? nam ante nuptias factum, cur non valeat, causam nullam esse: constante matrimonio factum, propterea non valere, quia donatio inter coniuges interdicta est. cum autem fructus dotis mariti sint, de suo maritus donationis causa satisfacere creditoribus videtur. Quantum autem ad stipulationem, satis constat mulierem res suas agere ex stipulatu tum obligari, tum obligare posse. d. l. Titia, 134, & l. mulier, 70, D. de verb. obl. C. T. R. primum, quoniam regula iuris est, ut ad quem fundi dotalis fructus pertinet, ad eundem onus quoque pertineat. l. neq; stipendium, 13, D. de impens. in res dot. ubi maritus tributa & stipendia fundi dotalis prestare cogitur, neque ab vxore potest exigere. nam etiam tributorum obligatio non personam, sed fundum sequitur. l. Imperatores, 7, D. de public. l. inter debitorum, 42, D. de pact. Itaque idem hoc rescriptum totidem verbis ad pactum de tributis accommodatur in l. 1. §. sine cens. vel reliq. Pactum tamen ut oppignerati fundi tributa per creditorem soluta à debitore reddan-

reddantur iustū esse, affirmatur in l. epistola, 52, §. pactū, D. de pact. Nunc autem in hac lege idē traditur de vsuris, quas mulier debebat. nam certū est, fundum oppigneratum, qui in alium trāsit, cum sua caussa & onere transire. l. si cōuenerit, 18, §. 2, D. de pign. act. l. debitorem, 15, C. de pig. Quare cū mulier fundū oppigneratū in dotem dedisset, vsurarum onus ad maritū trāsierat. Ex quo efficitur, mulierem quæ soluēdarum vsurarū onus in se recipit, quod ad maritū pertinebat, liberalitatem in eum conferre: quæ donatio inter cōiuges facta nullius momenti est. l. 1, & pass. D. de donat. int. vir. & vxor. In quo huius legis æquitas posita est: quia donatio inter cōiuges constante matrimonio facta, nulla est. pactū autem istud donationis species est: ac propterea iniustū, nec probandum. Superest vt respondeamus ad l. quæris, De pact. dot. Fundum illum dotalem de quo ibi agebatur, oppigneratum non fuisse. nam alioqui (vt modò dictum est) cum onere suo ad maritum transisset. simul adiungendum est, fundum de quo hic agitur ita creditoribus mulieris

oppigneratum fuisse, vt pro vsuris fructus perciperent. sicut in l. si is qui, II, §. I, D. de pignor. & l. cum debitor, 8, D. in quib. caus. pign. Sequitur altera quaestio, de eodem fundo dotali oppignerato, sed aestimato in dotem dato. in quo duplex praemunitio necessaria est. Prior est, Aestimationem emptionis vim obtinere. l. 3, D. locat. l. plerunque, 10, D. de iur. dot. In potestate esse mariti vel rem ipsam, vel eius pretiū restituere. Posterior est, Pactum in contractu principali incontinenti appositum principalem obligationem informare: id est, ad illius pacti rationem accommodare. l. 7, §. quinimò, D. de pact. & aliis locis quamplurimis. Cum igitur maritus pater istius Capitonis in principali contractu dotis, hoc est, in fundo recipiendo pactum interposuerit, vt mulier vsuras aut tributa de suo solueret, consentaneum videtur, si mulier eas non soluerit, soluto matrimonio, vel maritum, vel ipsius heredem empti actionem aduersus illam habere: cuius hic effectus est, vt id praestet venditor, quod in venditione se praestaturum promissit. l. 2, l. tenetur, 6, §. pen.



pen. l. ex empto, 11, D. de act. empt. Quæ  
 cùm ita sint, perspicuum est, finem &  
 huius legis. & d. l. 1. infra fin. cens. vel re-  
 liq. affirmatiuè legendum esse. Ad ex-  
 tremum etiam nefandum est, venditi  
 actionem in vtraque lege dictam fuisse,  
 pro Empti. nā regulariter Empti actio,  
 emptori: Venditi, venditori datur: vt l.  
 Iulianus, 13, §. ex vendito, D. de act. empt.  
 Sed hoc frequenter in libris nostris li-  
 cet animaduertere. velut in l. 4, §. pen.  
 D. de leg. commiss. atque etiam vt simul  
 coniungantur, vt in l. multum, 19, D. de  
 her. vel act. vend. l. & si vno, 33, D. de act.  
 empt. l. Imperator, 16, D. de in diem ad-  
 dict. Et eiusdemmodi actionis ex pa-  
 cto insigne exemplum exstat, in l. 2, infra  
 De pact. int. empt.

## AD L. XII.

**N**ON puro ita quæstionem concipien-  
 dam: E duobus pactis contrariis,  
 vtrum sit seruandum? nam sensus ipse  
 demonstrat, vt clauus clauum pellit, ita  
 priores voluntates posterioribus immu-  
 tari. velut in heredum institutionibus.  
 l. si quis eum, 16, D. de vulg. subst. item

in legatis. l. diui, 6, §. licet, D. de codicil.  
l. si mihi, 12, §. vlt. De legat. j. Item in fi-  
deicommissis. l. clari, 19, C. de fideicom.  
Item in constitutionibus principum. l.  
vlt. D. de const. princ. Item in legibus:  
vnde illud XII. tab. caput, vt quod-  
cunque postremum populus iussisset,  
id ius ratumq; esset: apud Liuium lib. 7.  
& lib. 9. Quæstionem igitur ita conci-  
piemus: Vtrum prius pactum per po-  
sterius ipso iure, an auxilio prætoris tol-  
latur? D. C. est: primùm, quia stipulatio  
contraria stipulatione ipso iure tolli-  
tur: id est, nouatione. l. 2, D. de nouat.  
Item naturalis obligatio per pactum  
contracta per posterius pactum dissol-  
uitur. l. Stichum, 95, §. naturalis, D. de  
solut. C. T. R. non ipso iure, sed per re-  
plicationem dissolui: quomodo intel-  
ligendum est illud Pauli lib. Sent. 1.  
Omne pactum posteriore pacto dissol-  
uitur. nimirum per replicationem. l. si  
vuus, 27, §. pactus, D. de pact. Legis æ-  
quitas hæc est, quia ipso iure tolluntur  
ea demum, quæ iuris sunt, veluti stipu-  
latio: at pacta sunt facti. hoc est, iuris  
naturalis tantum. d. §. pactus. qua de  
caussa

caussa ciuile negotium pacto nudo opponitur. In quo tenendum illud est: Quæ iuris tantum naturalis sunt, in iis factum versari: quæ ciuilis, ius. veluti, cum serui debere dicuntur, ex facto id dicitur, non ex iure. l. nec seruis, 41, D. de pecul. Sic habitatio facti esse dicitur, non iuris. l. penult. D. de cap. min. Itaque quæ pacta iuris ciuilis sunt, nimirum legitima, ipso iure actiones tollunt. l. 6, D. de pact. At quæ naturalis sunt, nimirum prætoria, non tollunt ipso iure, sed per prætoris adiumentum. d. l. 7. in fi. princ. quia quæ ciuilia sunt per ea, quæ naturalis iuris sunt, non perimuntur. l. eas quæ, 8, D. de cap. min. vnde superioris obiectionis solutio perspicuè intelligitur. nam etsi prius pactum quod naturale est, per posterius ipso naturali iure dissoluitur. d. l. Stichum, §. naturalis. tamen, quia antiquior ciuilis obligationis causa subest, non ipso iure, sed per replicationem eliditur: vt in d. §. pactus, & l. emptor, 47, D. de pact. & l. tale, 40, §. j. vbi pactum posterius, quod primam negotij ciuilis formam reuouabat, transactionem prius factam ipso iure tollit.

sed illud pactum posterius, erat pactum  
caussarium, & negotiale: quod in no-  
men transibat. vt in l.7, in princip. D.  
de pactis.

## AD L. XIII.

**A**N in bonæfidei contractibus actio  
ex pacto quocunque tempore con-  
uento concedatur? D.C. est, quoniam  
in bonæfidei contractibus æquitas do-  
minatur. l. bonafides, 31, D. de pos. Pacta  
autem sola æquitate sustinentur, atque  
(vt sic dicam) animantur. l. Stichum, 95,  
§. naturalis, D. de solut. C.T.R. distin-  
ctionem adhibendam esse, vtrum in-  
continenti, hoc est in ipso gerendo ne-  
gotio sit interpositum, & quasi inter-  
textum: an verò ex post facto, siue ex in-  
teruallo. priore casu pactum inesse di-  
citur contractui, contineri contractu,  
actionem informare. l. 7, §. quinimò, D.  
de pact. l. nec ex prætorio, 27, D. de reg.  
iur. eiúsque rei præclarum exemplum  
extat in l. 2, C. de pact. int. empt. & vend.  
& in l. vëditor, 13, D. commun. prædior.  
idque siue pactum contractum antece-  
dat, siue subsequatur. l. 3, C. de ædil. act.  
In continenti autem sic accipiendum  
est,

est, quamuis modicum spatium inter-  
 cesserit, dummodò actus nullus contra-  
 rius interuenerit. arg. l. duos, 6, §. duo,  
 D. de duob. reis. & l. raturum, 13, D. de so-  
 lut. Posteriori verò non ad actionem,  
 sed ad exceptionem valere. veluti, Na-  
 turalis forma contractus emptionis &  
 venditionis est, vt emptor cuius actionis  
 nomine simpliciter caueat, id est, sine  
 fideiussore. d. l. 1, §. 1, D. de prætor. stipul.  
 At si in contrahendo conuenerit, vt fi-  
 deiussorem præstet, actio empti in id  
 concedetur. l. pacta, 72, D. de contr.  
 empt. Ponamus conuenisse ex inter-  
 uallo, ne venditor omnimodo caueret.  
 Si emptor cautionem perat, exceptio  
 concedetur. d. l. 7, §. quinimò, De pact.  
 Atque hæc quidem ad propositam in  
 lege quæstionem sufficiant. Nam quæ  
 ad plenioris eius cognitionem perti-  
 nent, in Quæstionibus illustribus expo-  
 suimus.

## AD L. XIII.

EX pœnali stipulatione pacto subiun-  
 cta vtum id quod fieri conuenerat,  
 an pœnâ petere liceat? Primùm attendi  
 oportet ne factum sit eiusmodi, vt in

locationem aut mandatum cadat: vnde  
 ciuilis actio ex ciuili actione nascatur.  
 nam Rubrica est de pactis quæ obliga-  
 tionem non pariunt. Exemplum igitur  
 sumendum erit: veluti vt Titius Mæuio  
 decem credat. l. si pœnā, 68, D. de verb.  
 oblig. Deinde intelligendum est, pœ-  
 nalem stipulationē, de qua hic agitur,  
 non illa vsitata forma conceptam esse,  
 quæ quasi alternatiua est: Spondes te  
 mihi x. crediturum? si non credideris,  
 centum dabis? sed simplicem & vniformem  
 fuisse, & quæ à conditione ince-  
 perit: Nisi mihi x credideris, centum  
 dabis? nam propter Q. Mutij auctori-  
 tatem, qui similem legati formulam pro-  
 bauerat, nisi hères penum vxori meæ  
 dederit, C. dato: probata quoque est à  
 posterioribus Iurisconsultis illa stipu-  
 lationis formula. l. 1, §. 4, D. ad legem  
 Falcid. l. 1, D. de penu leg. l. ita stipula-  
 tus, 115, in fi. D. de verb. oblig. Ergò cum  
 Titius Mæuio nudo pacto promississet  
 se pecuniam ipsi crediturum, ac deinde  
 stipulanti, ni illud faceret, centum spo-  
 pondisset: quæsitum est, vtrum Mæuius  
 alterutrum arbitrato suo petere posset,

an

an verò pœnam dūtaxat? D.C. est, quoniam etsi pactū per se actionē non parit, tamen vbi stipulatione confirmatū est (quemadmodum factum hic videtur) ad actionem valet. l. 7, §. quod ferè, D. de verb. obl. vt alternatiua creditori competere actio videatur, non quæ debitori electionem det: sicuti vulgò in alternatiuis iuris est. l. plerunque, 10, in fi. D. de iur. dot. l. si in emptione, 34, §. vlt. D. de contrah. empt. sed ipsi creditori: quasi subiūxisset, vtrū voluero. vt in dicta l. vbi autem, & l. si quis, 112, D. de verbor. obligat. nam cū in mora debitor sit, electionem amisisse videtur. l. si insulam, 84, De verb. oblig. l. continuus, 137, §. 3, D. eod. C. T. responderi, primū verba legis attente animaduersa demonstrant. nam verbum *EXIGES* suo momento ponderandum est: quasi dictum sit, vim & effectum actionis ex stipulatu non ad factum, sed ad pœnam tantū exigendam, valere. quamuis, vsque ad litem contestatam in debitoris potestate sit, moram purgare, & si malit, factum præstare. dicta l. si insulam, De verborum obligationibus.

Ergo petita à prætore actione ante litis contestationem vel à debitore consequeris & impetrabis vt factum præstet: vel, si non præstet, contestanda lite persequendóque iudicio coges illum pœnam soluere. l. 1, D. de pen. legat. l. cùm sine, 19, D. quand. dies leg. Prætereà ratio iuris id demonstrat. Primùm, quia de faciendo contracta obligatio nulla est. nam neque ex pacto, in quod factū deductum est, obligatio nascitur: & stipulatio de faciendo concepta non est. Etenim (vt superius dictum est) à conditione non faciendi incipit: quo loco vis illarum enuntiationum notāda est. Nam hac formula, Si non feceris, iussus faciendi non inest. sicut in illa, Si seruū non dederit, decem dato: seruus legatus non intelligitur. d. l. 1, §. 4. D. ad leg. falcid. nec in illa, Nisi rationes reddiderit, liber ne esto: libertas legata intelligitur. l. Titia, 59, §. vlt. D. de manum. test. nec in illa si filius heres non erit, Titius esto: filius institutus intelligitur. l. si quis eum, 16, §. vlt. D. de vulg. & pupil. Quare quoniam alternatiua stipulatio nō est, alternatiua non dabitur actio. d. l. vbi autem,



autem, & §. huic autem, 31, Instit. De act. Deinde, quia etiam si contracta de faciendo fuisset obligatio, tamen subiuncta pœnali stipulatione nouaretur: ut de stipulatione apertè traditur in l. obligationum, 44, in fi. De verb. obl. Atque hæc quidem ad huius legis interpretationem sufficiant. nam cetera quæ pertinent ad quæstionem, An principalis obligatio pœnali stipulatione nouetur? abudè in Quæst. illust. exposuimus. Quanquam prætermittenda dubitatio non videtur: quo iure pœnam stipulator possit exigere, cum eam debitor nō commiserit? nam pœna sub conditione stipulata est, si quid nō fieret. Factum autem istud in obligationē deductum nō est: ut ex illo Enuntiationum modo paulò antè docuimus. Quare cum factum nullum Titius deberet, neque deberi ab illo pœna, neque cōmissa mora videbatur. l. nulla, 88, D. de reg. iur. Sed respondendum est, primū in ista stipulationis formula quæ à conditione incepit, quamuis factum disertè ac nominatim deductum in stipulationem non fuerit, tamē propter pactum ante-

cedens vi ipsa contineri. nam quæ formulis quidem & directis verbis constant, nisi suis certis, ac solemnibus verbis concepta sint, abesse intelliguntur. l. quicquid, 99, D. de verbor. obligat. At propter pactum antecedens, in solutione est, quamvis non sit in petitione. l. obligationum, 44, §. ult. D. de oblig. & act. atque huc pertinet copiosa disputatio l. in illa, 8, l. hoc iure, 10, l. ita stipulatus, 115, l. stipulatione, 72, §. 1, D. de ver. oblig. Deinde in stipulationibus pœnæ, non quid antea conuenerit, spectatur, vel quid stipulatoris intersit: sed tantum quæ sit quantitas conditionis stipulationis. l. stipulatio ista, 38, §. alteri, De verborum obligationibus: siue (vt Imperator loquitur) quæ quantitas sit in conditione stipulationis. §. alteri, De inut. stipul. id est, quid in pœnalem stipulationem deductum sit: quandoquidem Titius voluntaria se stipulatione obligauit. Sequitur altera dubitatio, de eo, quod hic traditur Ex pœnali stipulatione actionem ex stipulatu competere. nam ex pœnali stipulatione certum petitur. l. si pœnam, 68, De verbor. oblig.

oblig. Certi autem petendi caussa certi  
 condictio comparata est, quia inten-  
 ditur verbi gratia centum ex stipula-  
 tione dari oportere. l. si quis certum, 24,  
 D. si cert. pet. cum actio ex stipulatu ad  
 incertum petendum instituta sit, hoc  
 modo: Quod mihi ex stipulatione dari  
 fieri oportet. l. 4, D. de vsur. & in Instit.  
 tit. de verb. oblig. in princ. Sed intelli-  
 gendum est actionem ex stipulatu in-  
 terdum generaliter vsurpari: cuius duæ  
 species sunt: Vna, certi condictio ex sti-  
 pulatione certa: alterque quæ in gene-  
 ris sui nomine stat: & specialiter Actio  
 ex stipulatu appellatur: velut in l. præ-  
 dia, 28, D. de act. empt. l. inter stipulan-  
 tem, 83, §. si rem quam, D. de verb. obl.  
 quoniam Stipulatus pro Stipulatione  
 vsurpatur. l. pecuniæ, 9, De vsuris. Su-  
 perest in lege nostra præceptum ad mi-  
 litarem hominem accommodatum, qui  
 debitoris sui bona confestim sine villo  
 iudicialis ordinis amfractu in se trans-  
 ferri postulabat: quod absurdum fuit.  
 quoniam debitoris bonorum possessio  
 manu militari non conceditur, nisi  
 officio Iudicis post rem iudicatam &

iudiciorum ordinem ab integro conseruatum. l. qui restituere, 68, D. de rei vindic. & l. à diuo Pio, 15, D. de re iudic. Simillimam nuper postulationem Andarchij cuiusdā fortè reperi apud Gregorium Turonensem lib. Historiæ 4, cap. 46. vbi cū Regi Childeberto exposuisset, Vrsū, nisi filiam suam ei in matrimonium traderet, sexdecim solidorum millia promississe: ad extremum sic infert: Et ideò, Gloriæ vestræ præceptionem deponco, vt filiam suā mihi tradat in matrimonio. alioquin mihi liceat res eius possidere, donec sexdecim millibus solidorum acceptis, me ab hac causā remoueam.

## AD L. XV.

**A**N pactum in danda dote conuen-  
tum vt pater filiam æqualiter cum  
filio heredem relinquat, ratū sit? D. C.  
primū, quia pactum in contractu in-  
continenti appositum actionem infor-  
mat, vt dictum est ad l. in bonæ, 13, suprà  
hoc tit. dotem esse contractum, constat  
ex l. contractus, 23, D. de reg. iur. Deinde  
quoniam videtur modus in contra-  
hendo

hendo matrimonio adhibitus: Accipio  
 filiam tuam, vt ei partem hereditatis  
 tuæ relinquant. nuptias autem præmiis  
 & pactiōibus, allici iure nō improba-  
 tur. l. si ita stipulatus, 97, §. vlt. De verb.  
 obl. l. 4, C. de cond. insert. tam in legat.  
 l. turpia, 54, D. de legat. 1. C. T. R. in quo  
 necessaria præmunitio illa est, Ius legi-  
 timæ pactiōibus lædi non posse: quo-  
 circa siquid suprà dotem ad legitimæ  
 modum superfit, expletoria concedi-  
 tur actio: arg. l. 1, §. si parēs, D. si à parent.  
 quis man. l. quoniam, 29, infrà C. de in-  
 offic. test. l. qui valebat, 61, D. de hered.  
 inst. Legis ergo æquitas hæc est, pri-  
 mùm quoniam & pacta & stipulationes  
 quibus successiones astringuntur, sunt  
 contra bonos mores. l. 4, C. de inut. stip.  
 l. stipulatio, 61, De verb. oblig. vt pacta  
 omnia de viuētis hereditate. l. vlt. infrà  
 hoc tit. l. cum donationis, 34, infrà C. de  
 transact. quippe cùm votum alienæ ca-  
 ptandæ mortis inducant, contra. l. cùm  
 tale, 72, D. de cond. & demonst. Itaque  
 improbus appellatur qui de viuētis  
 hereditate est sollicitus. l. 2, §. interdum,  
 D. de vulg. substit. l. ita tamen, 27, §. à

patre, D. ad Trebell. Deinde quoniam pactis adimi testandi libertas non potest. l. cum duobus, 52, D. pro soc. quippe, quæ non priuati, sed publici iuris est. l. 3, D. de testament. Præterea, ut filij meritis potius quam pactionibus ad paterna obsequia prouocandi sunt: l. si quando, 35, §. j. infra De inoff. testa. ita parentes ad benignè suis liberis faciendum. Postremò expedit liberos parentum ultionem & exheredationem metuere. argum. l. si vnus, 27, §. pacta, D. de pact. Itaque idem hoc ius etiam ad pactum, ut vir vxori succedat, producitur. l. 5, C. de pact. conuent. Ex quibus superiorum obiectionum solutio perspicuè intelligitur. Quamuis autem ita se hæc habeant, Leonis tamen Philosophi Imp. lege abrogatum hoc ius est, pactioneque huiusmodi comprobata, Const. 19. Quæ res de huius quæstionis iure disputandi occasionem præbet. nam illius Imperatoris multas constat esse constitutiones à Romanorū quidam iure alienas, cum æquitate verò naturali maximè consentaneas. Ergo illud scire oportet, pactionem fieri vel ut pater filiam suā certa ex parte

parte heredem instituat: vel vt certam bonorū suorū partē in posterū ei donet. prioris pactiois forma iure Romano iccirco valere non potest, quia legi XII. tabul. derogat: quæ ius summū, infinitamq; testādi libertatē ciuibus R. permittit. l. verbis legis, 120, De ver. sig. quæ de causā testamēti factio iuris publici esse dicitur in l. 3, D. de testam. Posterior autē pactio cur nō valeat, causā nullā esse arbitror. nam vt donandi voluntas stipulatione astringi pōt: l. qui id quod, 33, l. 2, §. cū verò, D. de donat. sic pacto causārio astringi potest: veluti, Tantulā dotē accipio, vt in posterū mihi eo amplius rē illā dones. nā etiā cōstante matrimonio ampliari dos potest. l. si cōstāte, 19, C. de don. ante nupt. Quæ cū ita sint, ita cōcludendū arbitror, vbi ius ciuile Romanorū ita valet, vt ab eius forma recedere in cōtrahendo non liceat, priorē pactiōē non valere. vbi verò id nō seruatur, vt in Græcia, & sub Leonis imperio, nō improbandā esse: præsertim cū nouo Iustiniani iure ex nudo donationis pacto nascatur obligatio. l. si quis argentū, 38, §. si autē, C. de donat.

Nihil autē huc pertinet l.tale, 40, §.vlt. D.h.tit. quinetiam tantum abest, vt illa pactione testādi libertas astringatur, vt testamentum post illam factum proponatur. Ad extremum pro corollario quæstio proponenda est, An pactū filiæ vt dote contenta, hereditati paternæ renuntiet, valeat. nam valere quidem iure Canonico traditur, si modò iusiurandum accesserit. cap. 2. De pact. in sexto. Iure autem ciuili propterea non valet. l. 3, C. de collat. l. vlt. D. de suis & legit. quia successio ab intestato iuris est publici, cui priuatorum pactionibus derogari non potest. d. l. vlt. Itaq; neque fuitatis neq; agnationis ius pacto repudiari pōt. l. ius agnationis, 34, D. de pact. quinetiā pactū ne filius filiæve, quibus certæ res attributæ sunt, querela inofficiosi agat, à Iustiniano damnatur in l. si quando, 35, §. illud, infrà C. de inoff. test. siue propter eādem caussam, quia querela iuris est publici: siue quia sicuti certi sunt modi fuitatis & agnationis constituendæ, nimirum per iustas nuptias & adoptionem, ita certi sunt eiusdem amittendi modi: nimirum per capitis dimi-



diminutionem. l. ult. D. de cap. min. Eodem accedit, quod qui superstitis bona repudiat, nihil repudiat. l. qui superstitis, 94, D. de acq. her. id enim quod in rerum natura non est repudiat. l. i, D. de hered. vend. At Canonistæ iusiurandum obiiiciunt: quasi verò non disertè constitutum sit, iusiurandum contra iuris cōmunis & publici rationē interpositū non valere. l. 7, §. si paciscar, in fi. D. de pact. l. si quis, 112, §. ult. De leg. j. l. adigere. 6, §. adigere, D. de iur. patron. Hæc cum ita sint, tamen si filius aut filia tantum à patre acceperint, quantum ad suam hereditatis ab intestato portionem vel ad legitimam satis esset, probabile est, doli mali exceptionem illis obstaturā. arg. l. j, §. si parēs, D. si à parent. quis. & l. cum quo, 56, §. ult. ad leg. Falcid.

AD L. XVI.

**A**N fideicommissum sub conditione relictum pendente conditione pacto remitti possit? D. C. est, primum quoniam testatoris dispositio super re sua legis vim obtinet. l. verbis, 126, De verb. sign. deinde quia repudiari ea de-

mum possunt, quæ iam delata sunt, &  
 peti possunt. l. 1, §. decretalis, D. de suc-  
 cess. edict. l. si ita sit, 45, §. 1, D. de legat. 2.  
 l. is qui, 13, D. de acq. hered. vbi sub con-  
 ditione relictum pendente conditione  
 repudiari non potest. nam quod quis si  
 velit habere non potest, repudiare non  
 potest. l. qui potest, 174, D. de regul. iur.  
 C. T. R. itémque in l. 1, §. hoc tit. & in l. de  
 fideicommissio, 11, infra De transact. vbi  
 etiam æquitatis causa hæc subiūgitur,  
 quoniam improbabile captandæ mor-  
 tis alterius votū ista pactione remotum  
 est. Altera legis æquitas est, quoniam  
 non modò de re, id est, præsentī & iam  
 quæsitō iure, verum etiam de spe, id est,  
 futuro iure pacisci possumus. l. & here-  
 di, 21, §. penult. D. de pact. eodémque  
 modo etiam id quod in spe est, deduci  
 in stipulationem potest. l. interdum, 73,  
 D. de verb. oblig. Itémque in emptio-  
 nem. l. nec emptio, 8, D. de cont. empt.  
 Sic spes futuræ actionis donari po-  
 test. l. 3, C. de donat. Superioribus au-  
 tem argumentis ita respondendum est.  
 Quantum ad primum, Iussu quidem  
 testatoris pro lege & obligatione va-  
 lere.

lere. l. irritum, 8, C. ad legem Falcid. sed in herede fiduciario videlicet: non etiam in fideicommissario: cui liberum est oblatum beneficium vel recipere, vel repudiare. neque enim testamento quicquam defertur, nisi volenti & recipienti. l. verba hac, 12, D. de cond. institut. Quantum ad secundum, aliud est Repudiare, aliud de Repudiando pacisci. Repudiari nisi delata non possunt: nisi fortè in iure interrogatus, repudiare se dixerit. l. prima, D. de cur. bon. dand. & l. prima, D. à quib. appell. non lic. pacisci etiam de nondum delatis sed speratis, tantum & expectatis licet: vt superius diximus. Sed hac de re vberius ad l. 1, dictum est: suprà hoc tit.

## AD L. XVII.

**A**N pacti sine scriptura facti vlla vis sit? Non puto vllum Imperatoribus oblatum libellum, aut Iurisconsultis propositam sine aliqua dubitandi causa questionem fuisse. l. domitius, 27, D. de test. Itaq; vt in hac lege aliqua dubitandi causa subsit, sine qua questio nō con-

sistit, necesse est, si pactum principali contractui subiunctum fuit, cōtractum illum scriptum fuisse: sin per se constiterit, nimirum de non petendo factum, debitum literis & chirographo constituisse. Primo casu, D. C. hæc est, quòd pars uidetur eiusdemmodi esse debere, cuius est totum. Itaque si testamenti tabulæ proferantur, nulla pars testamenti nisi in iis tabulis perscripta extet, valebit. l. 6, D. de transact. Et, si cū scribere testator cōepisset, dein cum legata vellet addere, reliquasque testamenti partes, infirmitate interceptus eas nuncupavit, non valebit. arg. l. si is qui, 25, D. de testam. Quinetiam si testamentum pater sibi in tabulis fecit, filio impuberi per nuncupationem substituit, duo testamenta numerantur: vnum scriptum, alterum nuncupatum. l. si ita, 8, in fi. D. de bon. poss. sec. l. patris, 26, D. de vulg. substitut. Quod si pactum fuit de non petendo & cōtractus chirographo continebatur, iccirco necessaria videri potest apocha, quòd quo quæque modo contracta obligatio est, cōtrario modo distrahitur: vt literarum obligatio literis,

ris, id est, rescriptione argentarij. arg. l. nihil, 35, De reg. iur. l. prout, 75, D. de solut. l. an inutilis, 8, §. 2, de acceptil. vel certè litura & expunctione nominis, vt l. si chirographum, 24, D. de probat. l. inductum, 22, C. de solut. vnde illud Plauti in Cistellaria, Nunc, quod reliquum restat, volo persolvere, vt expungatur nomen meum nequid debeam. Ac sæpenumerò ita ius comparatum est, vt scriptum scripto refellatur. l. 3, C. si min. se mai. l. generaliter, 23, C. de non num. pec. l. pen. C. de contr. stip. Indèq; apocharum & antapocharum cautio. l. plures, 18, C. de fid. instr. C. T. R. Itèmq; in l. cum te, 5, infrà tit. prox. quoniam scriptura non est pars conuentionis, &, (vt vulgò loquimur) de ipsius substantia, sed accidens quod abesse & adesse potest sine rei principalis interitu. est enim species probationis. l. 4, D. de pignor. l. 4, D. de fid. instr. Denique ex omnibus conuentionibus vnica emphyteusis scripturam requirit. l. 1, C. de iur. emph. adeò vt etià nuptiæ sine scriptura valeant. d. l. 4, de fid. instr. sic emancipatio sine scriptura valet. l. emanci-

patione, 11, C. de fid. instr. itémque manumissio. l. sicuti, 25, C. de liber. caus. & testamentum nuncupatum. l. heredes, 21, D. de testam. Itémque emptio & venditio, nisi quam nominatim literis mandari placuit. l. cum instrumentis, 10, & l. contractus, 16, C. de fid. instru. itémque hereditatis aut communium rerum diuisio. l. instrumentis, 9, C. eod. Itémque hypotheca d. l. 4, D. de pign: Vnde argumento ex contrariis concludi licet, quemadmodum scripturæ adiunctio nihil conuentionis substantiam adiuvat, ita eiusdem amissio nihil eidem nocet. d. l. cum instrumentis, C. de fid. instr. l. cum citra, 15, C. de iur. dot. l. sicut, 25, C. de lib. caus. Priori obiectioni respondendum est, sicuti duo testamenta fieri posse diximus, quorū vnum scriptum, alterum nuncupatum sit; ita duas esse conuentiones. nam pactum omne conuentio definitur. l. 1, D. de pact. De posteriore sic habendum est, antiquo iure quo nominibus obligationes fiebant, vel rescriptionem, vel certè lituram fuisse necessariam. At nouo iure apocham necessariam quidem nō esse: vtilém

lem verò esse: vtpote ad certiolem solutionis probationem. l. pecuniæ, 14, C. de solu. quanquam Iustiniani lege vbi debitum est chirographarium, etiam chirographaria debet esse cautio: nisi quinque testes iurati producantur, quibus presentibus solutio facta probetur. l. tertium, 14, C. de testib.

## AD L. XVIII.

**A**N vnus ex correis credendi dimidiam debiti partem ab vno ex correis debendi exigens, nihil exigere amplius ab illo possit? D. C. est, quoniam vbi plures promittendi rei sunt, singuli in solidum tenentur. l. 2, & l. 3, D. de duob. reis: vbi etiã creditor ab vno ex debitoribus correis partem petere potest. quo facto eius nihilominus in reliquum integra manet obligatio. l. reos, 23, C. de fideius. sed planius in l. si ex toto, 8, §. 1. De leg. 3. vbi liberum esse dicitur, reliquum ab altero exigere: in quo absurdum esset dicere, singulare illud ius introductum esse in vltimis voluntatibus, quod facilius ad exitum perducatur. cum Póponius apertè scribat heredes esse quasi duos promittendi correos. C. T. R. vt perceptio partis non

quidem ipso iure diuisionem obligationis inducat, sed certè per pacti exceptionem. Quod si verum fateri volumus, sanè cum illo Pomponij non satis congruit. Quare concludendum arbitror, pactum hoc in personam fuisse: quod illa verba demonstrant, *Pro sua persona soluentem*. Vt debitor soluens nominatim id exprimeret, ac testaretur: creditor autem taceret. nam ista testificatio facit, vt quæ alioqui nocerèt non noceant. l. vlt. D. naut. caup. l. pro herede, 20, D. de acq. her. Et in eandem sententiam vidimus suprà in l. 2, §. hoc tit. creditorem hereditarium sponte agentem contra emptorem hereditatis, tacitè videri pactum de herede non conueniendo. Verùm hæc quidem de correis. Inter fideiussores autem si soluendo sint, quamuis singuli in solidum teneantur, tamen ex epistola D. Adriani obligatio diuiditur: vt singuli pro virili teneantur. §. pèn. Instit. de fideiuss.

AD L. XIX.

**A**N pactum vt is qui superuixerit alterius rebus potiatur, vel pro testamento,



mento, vel pro mortis caussa donatione valeat? D. C. est, primùm quoniam hereditates non pactionibus, sed testamentis deferuntur. nam neque in contractibus testamentum, neque in testamento contractus fieri potest. l. hereditas, 5, infra C. de pact. conu. deinde quia captatoria hæc videtur institutio, quæ iure ciuili prohibita est. l. captatoriæ, 64, De leg. j. C. T. R. distinctioque adhibetur, utrū inter paganos illud cōueni- rit, an inter milites. nā inter paganos ic- circò pro testamēto nō valet, quia do- ctrina Pragmaticorū vt bonorū omniū donatarius pro herede habeatur, falsa est. l. mulier, 72, D. de iur. dot. l. sub signa- tum, 39, §. bonorum, D. de verb. signific. l. non possunt, 11, D. de iur. fisc. est enim regula iuris, vt æs alienum, non dona- tionis titulum, sed totius iuris succes- sionem sequatur. l. æris alieni, 15, C. de donat. l. 1, §. si heres, D. ad Trebell. Pro donatione verò mortis caussa facta ic- circò non valet, quia qui mortis caussa donat, mauult se habere, quàm dona- tarium. donatariū autem potius, quàm heredem suum. l. senatus, 35, §. 1, D. de

mor. caus. don. ex quo sequitur, vt nemo simul heres & bonorum omnium donatarius esse possit. at qui sic paciscitur, omnino alterum sibi heredem esse statuit: si modò sibi superuixerit. Verùm si inter milites pactio illa facta sit, iccirco pro testamèto valere respondetur, quia quasi militari priuilegio factum testamentum intelligitur: in quo nuda voluntas requiritur. l. i., & pass. D. de test. mil. ex quo prioris obiectionis solutio facilis intellectu est. Posterior autem ita soluitur: non hanc captatoriæ institutionis formam esse, quæ ne in militibus quidem toleratur. l. captatorias, ii, C. de test. mil. quia captatoriæ & conditionales sunt, & de futuro concipiuntur: Si me heredem instituat, heres esto. at hæc & pura & præsens est. Illud separatim notandum est, quamuis commilitones hereditatis verbo vsi non sint, sed verbo Rerum, tamen eo verbo hereditatem quoque significari. l. nam quod, 14, in fi. D. ad Trebel. Deinde Priuatos oppòni militibus, pro Paganos: quòd frequenter in libris nostris vsurpatur.

**A**N dominium nudo pacto sine rei traditione trāsferri possit? D.C. est, quia nihil tam naturale est, quàm voluntatem domini volentis rem suam in alium transferre ratam haberi. l. qua ratione, 9, §. hæc quoque, D. de acq. rer. domi. Itaque hypotheca nudo pacto constituitur, id est, res immobilis nuda conuentione oppigneratur. l. si tibi, 17, §. 2, D. de pact. deniq; quemadmodum nuda voluntate rei dominiū amittitur: l. i, & pass. D. pro derel. ita nuda voluntate acquiri posse videtur: propter eandem contrariorum disciplinam. l. si ex toto, 8, De leg. j. quapropter rei hereditariæ & legatæ dominium ad heredem & legatariū ipso iure transfertur: quamuis eius possessionem nactus non sit. l. si ager, 50, De rei vind. l. à Titio, 64, De pact. l. legatum, 80, De legat. 2. C. T. R. in transferendis rerum dominiis, propter nudam voluntatem, vel traditionem, vel vfucapionem requiri. vbi tamen animaduertendum est, quod Vlp. cap. Fragm. 2. scribit, ne traditione quidem plenum dominiū transferri. quod

veteres, Quiritiarium appellabant: sed per traditionem rem in emptoris tantum bonis fieri. Legis autē huius æquitas est, partim securitas dominiorum: cū lex confirmandi dominij causa formam quandam eius transferendi instituit: partim quoniam ars naturam imitatur. natura autem comparatum est, vt dominia rerum occupatione acquirantur. l.1, De acq. poss. Duplex autem traditio est, vna solennis, siue ciuilis: quæ Mancipatio dicebatur: altera naturalis, quæ generis nomen suum fecit: auctore Vlp. cap. Fragm. 19. Rursus altera vera est, altera ficta. Vera est, quæ naturalis datio appellatur. l. nō statim, 8, D. de pecul. id est, in mobilibus de manu (vt Theoph. ait) in manum translatio. §. per traditionem, De rer. diu. in immobilibus, sedis positio. l.1, D. de acq. poss. Ficta verò est, quæ vel cogitatione vel nota & aliquo insigni constat. cogitatione, veluti cum prius alia de causa facta, nunc ad instans negotium refertur. l. qua ratione, 9, §. interdum, D. de acq. rer. dom. l. seruus, 21, §. 1, D. eod. l. 3, §. illud, De acquir. posses. l. si rem,

rem, 62, De euiet. nota verò repræsentatur traditio, veluti clauibus tradendis. l. clauibus, 74, De contr. empt. aut instrumento. l. 1, C. de donat. aut degustatione. l. 1, & l. 4, D. de commod. & peric. Item concessione vsus in rebus incorporalibus. l. 1, D. de vsufr. l. ult. D. de seruit. Quod cum ita sit, quauis emptio & venditio contracta sit, pretium etiam numeratum, tamen sine traditione rei dominium quod penes veditorem fuit, in emptorem nō transfertur. d. l. si ager, 50, De rei vind. l. penult. infrà C. de rei vind. l. alienatum, 67, D. de verb. signif. Quinetiam ille ex Vlp. Fragmentis locus ostendit, legem hanc antiquo more ita cōcipiendam fuisse: Mancipatione, cessione, vsucapione, non nudis pactis dominia rerum transferuntur. Sequitur deinceps, vt superiorib. obiectionibus respondeamus. ergò quantū ad primā, hoc quidem naturali iuri cōsentaneum erat: sed, vt paulò antè diximus, securitatis caussa iure ciuili traditio instituta est. neque obstat, quod diximus ex l. 1, De acq. poss. dominia rerum à naturali possessione cœpisse. quoniam illud ad

ius gentium: hoc ad naturale referendum est. cuius distinctionis permagna ratio habetur: velut in l. si quod, 64, De cond. indeb. quatum ad hypothecam, pignus quidem traditionem desiderat: hypotheca verò pignus est prætorium, ex æquitatis naturalis ratione à prætoribus contra iuris ciuilis formam comprobatum. l. 4, D. de pign. Quantum ad ius pro derelicto, intelligendum est, hanc acquirendi dominiij speciem ad vsucapionem referendam esse, de qua mox differemus. Quantum ad hereditatem & legatum, similiter dicendum est, propter legem XII. tab. quæ infinitam testatoribus potestatem dedit: l. verbis legis, D. de verb. signific. fingi testatorem longa manu heredi aut legatario res suas tradidisse: vt dominium quidem ex lege, possessio ex apprehensione acquiratur. l. cū heredes, 23, D. de acq. poss. quanquam hoc ius magis ad veterem legis actionis memoriam referendū est: cū testamento per æs & libram facto, familiaris emptor adhibebatur, cui testator mancipio & nexu res tradebat: sicuti testatur Vlp. cap. Fragm. 20. & Imperator,

rator, §. j, D. de testam. ordin. Superest  
 vt de vsucapione videamus. quam Vlp.  
 propterea dominij adeptionem definit  
 in l. 3, D. de vsurp. quoniam sine tradi-  
 tione dominium rerum transfert: solius  
 legis auctoritate, quæ bono publico, ad  
 possessorum securitatem introducta est.  
 l. 1, D. eod. Cùm traditione autem in  
 hoc conuenit, quod vtriusque subesse  
 iustam causam oportet. l. nunquam, 31,  
 D. de acq. rer. dom. l. 4, C. de præscr. lōg.  
 temp. differt autem in eo quod Tradi-  
 tio est facti. l. 7, §. vlt. D. de cur. fur. l. 1, §. 1,  
 de acq. possess. at vsura capio iure con-  
 stat. nam vsus facti est, capio iuris. l. bo-  
 næ fidei, 48, §. 1, De acq. rer. dom. Posses-  
 sio enim ab initio facti est. l. denique,  
 19, Ex quib. caus. mai. ex postfacto, est  
 iuris: quia iusti temporis possessio ple-  
 num ius tribuit. l. Iulianus, 17, in fi. D. de  
 rei vind. Ex quo intelligitur, cum qui  
 vsucepit, vsq; eò dominium acquisiisse,  
 vt directam rei vindicationem habeat.  
 Quid igitur de longa possessione dice-  
 mus? ex qua non actio dari videtur: sed  
 tantū præscriptio: id est, exceptio si quis  
 contra possessorem vindicaret, quam

exceptionem Imper. ex principalibus constitutionibus ortam scribit. §. quod autem, in fi. De vsucap. eamque longæ possessionis exceptionem Vlp. appellat in l. 5, D. de diuers. temp. præscript. Intelligendum est igitur, lege XII. tabul. vsucapionem introductam fuisse, vnius anni in rebus mobilibus: biennij in immobilibus: atque id in sola Italia duntaxat: quod tamen posterioribus temporibus ad omnes regiones quæ iuris erant Italici, productum est. de quibus in l. 1, & pass. D. de censib. Possessio verò longi temporis Principum constitutionibus in prouinciis introducta est: vt Imp. testatur, §. 1, De vsuc. hoc est inter præsentēs continui decennij: inter absentes, vicennij: sicuti Paulus scribit lib. Sent. 5. tit. 2. verùm hac diutina possessione non vsucapi dominia dicebātur, sed acquiri. l. si finita, 15, §. si de vectigalibus, D. de damn. infect. l. cùm sponfus, 12, §. 1, D. de public. in rem act. Itaque non modò præscriptio siue exceptio possidenti aduersus dominum vindicantem concedebatur: verum etiā non possidenti utilis actio: vt idem testatur in l.



in l. si quis emptionis, 8, C. de præscr. 30. ann. Nam prouincialium possessionum hoc ius fuit: vt Theophilus copiosè exponit in §. per traditionem, de rer. diuis. totaque illa res & stante Rep. & priorum Imp. ætate prouincialibus edictis & præsidum iurisdictione administrabatur. in quo etiam obseruandum est, q̃ D. Antonini rescripto diutinæ possessionis præscriptio etiam in rebus mobilibus locū habuit. l. 3, & l. rescriptis, 9, D. de diuers. temp. præscript. Ad extremum nouum ius triplex Iustinianus introduxit: primū, vt cū olim res mobiles in Italia anno vsucaperentur, in prouinciis longo tempore acquirerentur: deinceps triennio tantū vbiq̃ vsucaperentur. Secundò, vt cū olim res immobiles biennij possessione in Italico solo vsucaperentur: deinceps decennij tantum aut vicennij possessione vbiq̃ acquireretur. Tertiò, vt cū olim directum dominium rerum prouincialium non acquireretur: qua de causa possessori tantū exceptio, non possidenti utilis tantū actio dabatur: l. 2, C. de præsc. long. temp. d. l. si quis

emptionis, 8, C. de præsc. 30. ann. deinceps plenum iustumque dominium acquireretur: ac proinde non modò exceptio, verumetiam directa actio concederetur. l. 1, C. de vsuc. transfor. Ex quibus ita breuiter expositis intelligitur: primùm, quòd Imp. profitetur, lógi temporis possessionem à se in vsucapionem transformatà esse. falsum est enim, quòd vulgò creditur, decennij vel vicennij præscriptionem à Iustiniano intro ductam fuisse: cùm eius mentio & in Pá dectis & præsertim in Codice passim extet. Postremò intelligendum est, non omnes rerum acquirendarum modos hac lege comprehendi. nam iure gentium pluribus modis acquiruntur, qui enumerantur ab Imp. tit. Inst. de rer. diu. Iure autem ciuili acquiruntur res singulæ vndecim modis: mancipatione, in iure cessione, vsucapione, iure accrescèdi, donatione, adiudicatione, lege, emptione sub corona, sectione, quinquennij possessione, & fiscali traditione rei alienæ. Vniuersæ auté acquiruntur per aditioné hereditatis, bonorū possessioné, cōuentionem in manū, arrogationé, libertatū con-

conseruandarū cāussa, addictionem, & successionem ex bonorū venditione.

AD L. XXI.

**A**N ex pacto de modo diuidendæ hereditatis inter coheredes facto actio nascatur? D. C. est, quoniā cum vniuersarū rerū dominiū per aditionē iam acquisitū sit, l. si ager, 50, D. de rei vind. & nunc de rebus tantum singulis cuiq; assignādis agatur, nuda paciscentiū voluntas sufficere videbatur. Præsertim cū hereditatis diuisio etiā sine iudice familiæ erciscundæ sola coheredū cōuentione fieri possit. l. ult. & pass. D. fam. ercisc. Familia autē ercisci dicitur non quatenus est vniuersitas, sed quatenus sunt res hereditariæ. l. 1. & l. Mæuius, 52, §. ult. D. illo tit. C. T. R. pactū illud nō ad actionē, sed ad exceptionē valere. quod idē traditur in l. diuisionis, 45, D. de pact. & l. si diuisionē, 15, C. fam. ercisc. Legis æquitas hæc est, quoniā ita ius ciuile cōparatū fuit, vt ciues R. ex cōuentionib. nudis, id est, quæ neq; traditione, neq; stipulatione firmatæ essent, nō obligarētur. vt ait Paul. Sent. 2. cap. 14. Quare vel adiudicatio arbitri familiæ erciscun. necessaria est,

§. vlt. De off. iud. vel traditio rerum diuifarum, vel stipulatio quæ pacta confirmet. d. l. si diuisionem, & l. 7, §. quod ferè, D. de pact. vel permutatio reipsa facta, quia permutatio rerum inter coheredes communionem dirimit. l. cum pater, 77, §. hereditatem, 18, D. de lega. 2. Verùm quoniam conuentio hæc iusta est, ad exceptionem valebit. l. siue apud, 28, C. de transact. Quanquam, verè vt dicam, duobus locis perobscurè locutus Imp. videtur: primùm cum ait, nullam actionem dari, etiamsi aduersarius teneat. quod apertè pugnat cum regula quam tradidimus, vt quoties ex pacto datum aut factum est, toties negotium gestum dicatur, eaque res notissimos pacti nudi terminos excedat: euadatq; contractus innominatus, vnde præscriptis verbis actio nascitur. l. cum mota, 6, l. si pro fundo, 33, infra de transact. l. debitoris, 7, supra hoc tit. l. auia, 6, C. de iur. dot. l. licet, 23, C. fam. ercisc. l. legem, 9, C. de donat. l. vlt. C. de rer. permut. quinetiam dari conditionem ob rem dati, perspicuum est ex l. legem, 10, supra hoc tit. l. 1, C. de pact. conuent. Sed

vna

vna ex his tribus electa, hoc est, vel exceptione vel cōdictione, vel præscriptis verbis, ceteræ tolluntur. l. eleganter, 23, §. pen. D. de cond. indeb. Quare difficile videtur ingenioso aliquo commento dissimulare, quod Imp. hoc loco tam apertè negat, cū aduersarius tenet, nullam actionem dari. Sequitur etiam altera obscuritas, quòd ait, nō esse concedendum isti aduersario vti trāsfactione: cū apertissimè dicatur in l. siue apud, 28, C. de transact. cōcedi quidem exceptionem, sed eam doli replicatione summoueri. Quare necessariò dicendum est, verbum *VTENDI* cum effectu accipiendum esse: vt illo loco diximus. Ad extremum notandum est, pactum hoc propriè & specialiter non fuisse: sed transactionem: quia pactum donationis causa fit. Conuentiones autem coheredum plerunque transactionis causa fiunt: vt l. qui Romæ, 122, §. vlt. De verb. oblig. l. tres fratres, 35, D. de pact. l. qui cum, 9, §. 2, D. de transact.

## AD L. XXII.

**A**N pactū curatoris de minus quàm adulto debeatur exigendo valeat?

D.C. quia tutor & curator domini loco habentur. l. ad ea, 157, De reg. iur. l. qui fundū, 7, §. si tutor, D. pro empt. Itémq; in l. interdum, 56, §. pen. D. de furt. vbi tutor & curator vsque eò domini personam sustinere dicuntur, vt etiam tradendo rem furiosi alienare existimētur. Quapropter si tutor aut curator cum fure transfegerit, furti actio euanescit. l. si pignore, 54, §. vlt. D. de furt. similiter tutor in pupilli caussa nonnunquam iuriiurando aduersarij litis euentum cōmittit. l. tutor, 35, D. de iureiur. C. T. R. itémque in l. Lucius, 46, §. vlt. D. de admin. tut. vbi Paulus ascribit, debitorem à pupillo in reliquum conueniri posse. quia tutor in re pupilli, tum demum domini loco habetur, cum tutelam administrat, non cū pupillum spoliat. d. l. 7, §. si tutor, D. pro empt. Itaque tutor & curator meliorem pupilli & adulti cōditionem facere possunt: deteriore non possunt. l. tutoris, 15, l. contra, 28, §. j, D. de pact. Sed sequitur quæstio: Vtrumne ipso iure pactum istud non valeat, an verò per restitutionem in integrum? D.C. est in illis verbis: *Adulta ætatis suffragium*

*gium ne noceat efficiet.* Paulus tamen contrarium respondet in d. l. Lucius, 46, §. ult. de adm. tut. Quare verba illa non ad beneficium restitutionis referuntur: sed maioris procuratori liberam administrationē habenti opponenda sunt. nam huius pactum domino nocere satis constat ex l. rescriptum, 10, in fi. & ll. seqq. D. de pact. Obiectionum autem solutio ex eo demonstrata est, quòd tutor & curator in rectē gerendo, nō etiam in patrimonio dissipando domini personā sustinet. l. tutor qui tutelam, 27, D. de adm. tut. ex quo necesse est in oppositis legibus tutoris & curatoris factum pupilli & adulti commodis vtile accommodatumque fuisse.

## AD L. XXIII.

**A**N pactum filij cum patris debitore de non petēdo factum, patri obstat D. C. est ex contrariorum ratione. nam ut filius paciscens ne à patre debitore petatur, patri exceptionem acquirit: l. si tibi, 17, in fine, & ll. seqq. & l. per quos, 59, D. de pact. ita paciscens ne pater creditor petat, eidem obesse videbatur. C. T. R. idēque traditur in l. nec

filius, 7, C. de reb. cred. quia melior patris conditio per filios fieri potest, deterior non potest. l. melior, 133, D. de reg. iur. & l. 3, D. qu. quisq. iur. Sed satius est integram questionem & de patre & de filio tractare, quæ disputatio bipartita futura est. nam primo loco de filio patri aut contra patrem paciscente, tum ex contrario de patre filio vel contra filiū paciscente differemus. Primum autem illud scire oportet, iure civili patriæ potestatis hanc vim esse, ut pater & filius facta eadem persona censeantur. l. si quis, 56, §. 1, D. de fideiuss. l. si Pamphilum, 10, D. de opt. leg. Qua ex regula multa consequuntur: primum, ut quamvis regulariter alter pro altero non iuret, tamen si filius cui iusiurandum delatum est, iuraverit patrem dare non oportere, patri detur exceptio. l. 2, D. quar. rer. excep. non det. deinde ut pater & filius inter se stipulando nihil agant. l. pater, 15, §. 1, D. de cast. pecul. Item ut quod filius acquirit, momento ipso patri acquiratur. l. placet, 79, D. de acq. her. Item, ut filius patri stipulans, atque adeo simpliciter non adiecto patris nomine, illi obli-



obligationem acquirat: vel potius pater ipse sibi acquisiisse videatur. l. stipulatio, 38, §. hi. qui, l. quodcunque, 45, D. de verb. oblig. Quæ cum ita sint, tamen illa ex æquitate regula constituta est, ut filius in negotiis gerendis meliorem quidem patris conditionem efficere possit, deteriore verò non possit. l. filius, 22, D. de solut. l. cum eius, 7, D. de pact. dotal. l. melior, 133, D. de reg. iur. Nam & si aliud simplex & directa contrariorum ratio postulabat: l. secundum, De reg. iur. tamen cōsentaneum visum est, liberos natura procreatos, qui parentibus commodum, nō qui damnum afferrēt. l. 3, §. si filius, D. quod quisq. iur. Itaque filius paciscens ne à patre debitore petatur, siue de eo paciscitur, quod cum ipso, siue de eo quod cum patre conuentum est, exceptionem ei acquirit. l. si tibi, 17, in fin. & ll. seqq. & l. per quos, 59, D. de pact. At idem paciscens ne pater creditor petat, nihil agit. l. filius, 23, C. de pact. l. nec filius, 7, C. de reb. cred. & (ut ait Vlp.) filiusfam. patre inuito debitorem eius liberare non potest. acquirere enim obligationem

potest, deminuere non potest. l. filius, 22, D. de solut. Deinceps de patris pacto videamus: in quo eadem æquitatis ratio contra simplicem contrariorum rationem obseruatur: vt non sicuti filius patri, sic pater filio ministerium præbeat. Itaque pater nominatim filio stipulari sibimetipse stipulari intelligitur. l. dominus, 39, l. eum qui, 56, §. 2, & l. quod dicitur, 130, D. de verb. oblig. l. 2, C. eo. l. Stichū, 95, §. quæsitum, D. de solu. qua de causâ pater paciscēs, ne à filio debitore petatur, summo iure, propter illam causâ pacti exceptionem illi non acquirit: doli tamen subsidiariam acquirit. l. & heredi, 21, §. 1, D. de pact. Vnde etiâ illa Pōponij æquitas in l. j, D. de rescin. vendit, vt pater re integra paciscens vt à venditione rei peculiaris per filium facta discedatur, obiter filium liberet.

## AD L. XXIIII.

**A**N pactum de legato non petendo cum iis qui heredes falsò credebantur factum, heredibus veris profit? Sic enim

enim verba hæc *Affectione hereditum*, interpretor: quasi dictum esset *opinio*, cum alter fortasse possessor hereditatis esset: vt in l. si tibi, 17, §. pen. D. eod. D. C. est, qua legatariis non modò licet suum legatum repudiare, l. 6, D. quæ in fraud. cred. verumetiam spem iuris sui per pactum deteriolem facere. l. pactum, 46, D. eod. Quare legatarius de non petendo cum iis quos heredes putabat, paciscens, legatum suum repudiare vel recusare videbatur. C. T. R. quoniã aliud est Repudiare, aliud Pacisci. Repudiat & recusatur ab vno duntaxat, siue alter consentiat, siue non. l. recusari, 6, D. ad Trebellian. Pactum verò sine vtriusque consensu & conuentione fieri non potest. l. 3, D. de pollicitat. l. 1, D. de pact. Prætereà pactum sine consensu certo & voluntate certa fieri non potest. dicta l. 1. nihil autem consensui tam contrarium est, quàm error. l. si per errorem, 15, D. de iurisd. Errantis enim in eo in quo errat consensus nullus est. l. ad probationem, 23, C. locat.

AN debitorum pactionibus ius creditorum minui vel mutari possit? Sumatur exemplū ex duobus reis promittendi, qui cū in solidum obligati essent, tamen pepigerūt inter se vt vnus totam summam persoluat. Quæritur, an creditor nihilominus aduersus alterum intēdere actionem possit? D. C. est, quia quemadmodum vno ex correis solvente, vtrunque dissoluitur obligatio: l. 3, D. de duob. reis : ita vno vtrunque in se obligationem recipiente. Itaque cum ab vno ex pluribus heredibus legatum vxori aliquid esset, animo dotis compensandæ, responsum est mulieri dari actionem, primū aduersus eum à quo legatum ei relictum erat. l. cū ab vno, 53, D. de legat. 2. C. T. R. quia conuentio cum vna persona facta in aliam personam non valet. l. si vnus, 27, §. pacta, D. de pact. deinde quia deterior per alios fieri conditio nostra non potest. l. soluendo, 39, D. de neg. gest. Quare ad l. cū ab vno, respondendum est, non modò rem illam inter extraneos gestam mulieri nō nocere, cum ei dotis actio salua maneat:

maneat: verumetiam iure singulari concessum esse, vt aduersus eum à quo legatum erat, actionem intendat. nam alioqui dispositio testatoris de alieno ære à certis heredibus soluendo, creditoribus non nocet. l. seruo, 69, §. si testator, De legat. j. l. eum qui ita, 56, §. j, De verb. oblig. Ad eandem porro sententiam pertinet. l. vlt. C. de diuid. tut. vbi tutorum conuentione in pupilli mutari non posse dicitur.

## AD L. XXVI.

**A**N ex pacto inter coheredes facto vt ad vnum æs omne alienum pertineret, ipse creditoribus in solidum sit obligatus? Causæ constitutio hæc est: Quatuor debitoris heredes erant. Hi pacti sunt inter se, vt vnus æris alieni & commodum & onus susciperet: eoque nomine omnia chirographa ipsi tradita sunt. Aliquanto post, cum creditoribus quibusdam non satisfacisset, vnusq; ex illis heredibus à creditoribus cōueniretur, petere ab ipso instituit, vt chirographa exhiberet. Defendebat se propter pactum inter ipsos conuentum

creditoribus obligatum esse. Sic enim textum emendandum esse arbitror: *Pactum successorum debitoris (ex lege XII. tabul. are alieno hereditario pro portionibus quasitis singulis ipso iure diuiso) in solidum vnum obligare creditori non potest.* D. C. est, quoniam pactum illud inter ipsos coheredes obligationem pariebat, & præscriptis verbis actionem. l. licet, 23, C. fam. ercisc. quod pertinet l. 3, in fin. D. fam. ercisc. l. epistola, 52, §. pactum, D. de pact. C. T. R. quoniam (vt modò dictum est) debitorum pactis ius creditorum mutari nō potest. Ius autem creditorum erat, vt nomina inter coheredes pro partibus hereditariis ipso iure diuisa essent. l. ult. C. de act. hered. l. 6, C. fam. ercisc. l. 1, C. de except. Duplicem igitur competere actionem concludit: vnā ad exhibendum, quæ de cautionibus hereditariis comparata est: l. 5, D. fam. ercisc. alterā præscriptis verbis in id quod interest, cum quid ob rem datum est, & res secuta non est. l. 5, §. 1, D. de præsc. verb.

AD L. XXVII.

**A**N æque ex stipulatione quæ antè pactū, vt ex ea quæ post pactū facta est,

est, actio nascatur? D.C. est, primū propter Regulā contrariorū. nam cū toties dicatur, pacta confestim appposita inesse bonæ fidei contractibus: l. 7, §. quinimod, D. de pact. l. in bonæ, 13, §. hoc tit. l. 3, D. de resc. vend. significari videtur, strictis cōtractib. nō inesse. deinde stipulationū hæc vis est, vt nisi verba solēniter pronūtiata sint, omissa intelligātur. l. quicquid astringēdx, 99, D. de ver. obl. C. T. R. quid enim aliud est, petētem ex stipulatione q̄ pactū antecessit, audiēdū esse, nisi actionē ex stipulatione, cui pactum incōtinenti subiectū est, cōpetere. deniq; ad actionem procurandā nihil interesse, vtrum antē an post factum stipulatio facta sit? vt facilē appareat, ineptissimè scriptū esse in vulgatis libris *SECVTA, PRO FACTA*. alioqui, quorsum illud pertineret, *seu post statim interpositum sit*. Prætereā si de stipulatione quæ pacto subiuncta est, dubitandi causā nulla omnino est: propter l. 7, §. q̄ ferē, D. de pact. l. titia, 134, §. vlt. D. de ver. obl. D. de stip. præt. l. duo, 71, D. pro soc. necesse est apud Imperatorē de altero casu dubitatū fuisse. de quo ipso Vlpiani & Pauli cōcer

tationem videmus in l. lecta, 40, D. si cert. pet. vbi Paulus fortiter defendit, pactum incontinenti appositum inesse stipulationi. Verum hac tora de re copiosissimè disputatum est à nobis in quæst. Illustr. vnde assumi licebit, quæ huc pertinebunt.

## AD L. XXVIII.

**A**N nudo pacto promissum per aliquot annos solutum obligationem inducat? D.C. est, quoniam obligatio etiã tacito consensu contrahitur. l. item quæritur, 13, §. vlt. & l. seq. D. loc. l. nam cum tractatu, 32, D. pro soc. Itaque pater vel dominus in rem versi vsuras soluens earum quoq; nomine heredem adstringit. l. 6, D. de vsur. item qui per triënum alimenta ex fideicommissio præstitit, agnoscere obligationem intelligitur. l. 1, C. de fideicom. C.T.R. quoniam ciuiles obligationes neque ex nudis pactis, neque ex aliquot annorũ præstationibus nascuntur. l. creditor, 7, infra, C. de vsur. l. operis, 31, D. de op. libert. sed certis modis iure ciuili definitis & enumeratis in l. 1, & pass. D. de obl. & act. Quare ad primam



nam obiectionem respondendum est, primùm obligationes tacito consensu contrahi, dummodo vtrò citròq; contrahantur. quoniam vbi par vtriusque conditio est, neuter lædi videtur. l.2, D. de obl.& act. at vbi vnus tantùm obligatur, cautius ei consulitur. l. quicquid, 99, D. de verb. oblig. deinde constare quidem de tacito consensu superiorum pensionum solutarum: sed non de pensionibus insequentibus. Ad secundum, cautio adhibenda est. magnum enim eius loci momentum est: quem ego sic interpretor, vt pater qui ex filij persona debitor erat, ob filij pactum vsuras longo tempore præstiterit: mortuo patre, filius ipsius heres extiterit. de quo quærebatur, an cogi posset similiter vsuras soluere. nam dubitandi caussa erat ex iure manifesto tum huius legis, tum etiã d.l.7, C. de vsur. ex quibus intelligitur; ne patrem quidem cogi potuisse, si desistere voluisset. neq; mihi dubium est, quin Iurisconsultus in hanc sententiam respondisset. C.T. Imp. Antoninus respondit: iure scilicet singulari, de quo in l. ius singulare, 16, D. de legib. & S.C.

Singularis enim æquitas hæc fuit, vt propter quod aliquid tale est, id quoq; magistale sit. nam si propter filij pactū vsuras pater soluebat, quantò magis ipse filius soluere debebit? quòd idem de seruo & domino Papinianus statuit, & valdè consentaneum est Pomponio in l. sub hac, 8, De obl. & actio. Quòd verò nonnulli existimabant, vsuras à filio ex stipulatione promissas, planè absurdum est. Causa enim dubitadi nulla fuisset. l. 2, C. ad maced. nihilomags quàm si mora per patrem aut filium commissā fuisset. l. mora, 32, §. j, D. de vsur. Superest l. j, C. de fidei comm. in qua non dubito similiter alimentorum causam singularem, & in eorum fauorem singulare ius introductum fuisse: vt l. nescennius, 34, D. de neg. gest.

## AD L. PEN.

**A**N pactum in contrahendo appositum vt fori priuilegio non vtatur, valeat? D. C. est, quia priuilegium fori iure publico constitutum est. veluti militum, ne apud alium quàm magistrum militum conueniantur. l. penult. C. de iurisd.

iurisd. item clericorum & monachorum, ne nisi apud præsidem in prouinciis, aut apud præfectum prætorio in vrbe conueniri possint. l. omnes qui vbicunque, 31, C. si episcop. & cler. Iuri autem publico priuatorum pactiõibus derogari non licet. l. ius publicum, 38, D. de pact. priuatorum conuentio à re priuata remota, nullius momenti est. l. si vnus, 27, §. pacta, cod. Qua de causa Pontifex in cap. si diligenti, Ext. de for. compet. statuit eam pactiõem non valere. C. T. R. itẽmque in l. si quis in conscribendo, 41, C. de episcop. & cleric. Legis æquitatem vtrobique Imperator hanc ostendit, quia regula Iuris est, vt vnique suo iuri renuntiare liceat. l. si iudex, 41, D. de minor. deinde quia pactum principali contractui confestim appositum (quale hoc fuit) & ad obligationem, & ad actiõem, ac multò magis ad exceptionem valet: vt iam sæpe dictum est. & præsertim in l. legem, 20, suprà hoc tit. Denique conuentio vt alius prætor, quàm cuius iurisdicção est, ius dicat

valet. l. 1, D. de iudic. l. si conuenerit, 18. D. de iurisd. l. 1, C. eod. Obiectionis autem solutio perdifficilis videtur. Itaque Imp. ipse fatetur concertatum inter veteres Iuriscōsultos hac de re fuisse. quid enim si lex prohibendi modo cōcepta est? Ne militem vel sacerdotem ad aliud iudicium vocare liceat. vt in l. ult. C. de castrenf. & minist. lib. 12. nam conuentio contra legem vetandi modo cōceptam nullius momenti est. l. quos prohibet, 7, D. de postul. l. filius, 8, §. veterani, D. de procur. l. illud, 5, D. de pact. dot. Denique multa sunt in fauorem aliquorum introducta, quibus renuntiare licet: multa quibus renuntiare non licet. veluti mulieri licet S. C. Velleiano renuntiare. l. ult. §. pen. D. ad Velleian. creditor actioni suæ renuntiat, debitor exceptioni, heres falcidicæ detractiōni, condemnatus inducis lege datis. denique fideiussor fori sui priuilegio. l. j, D. si quis in ius voc. Et notum est illud Verrin. II: Quod mihi lex mea caussa dat, eo mihi non uti non licebit? Ex contrario, dotis priuilegiis renuntiare non licet: l. 2, & pass. D. de pact. dot. itē alimentis renuntiare

tiare non licet: l. cum hi, 8, D. de transact.  
 neque cautioni de usufructu. l. j, C. de  
 usufr. vt non vtique certa videatur sen-  
 tentia Iustiniani in l. 2, §. sed quia vere-  
 mur, C. de iureiur. propt. calum. in illis  
 verbis, *Quia non pro commodis priuatorum, sed*  
*pro communi utilitate presentem legem posuimus.*  
 Mihi que probabilis sententia videtur,  
 vt iis demum in causis iuri pro se indu-  
 cto renuntiare vel liceat, vel non liceat,  
 quibus id legibus nostris nominatim  
 permissum, aut prohibitum reperitur.  
 Denique priuatorum conuentione ius  
 publicum immutari nō potest: sed obli-  
 gationum causæ pactioe immutari  
 possunt. l. nec ex prætorio, 27, D. de reg.  
 iur. veluti ius publicum est, vt singuli  
 fideiussores solidum debeant. id muta-  
 ri, quidem pactioe nō potest: sed obli-  
 gationis forma ita potest cōcipi, vt pro  
 virili parte duntaxat teneantur. l. inter  
 eos, 51, D. de fideiuss.

## AD L. VLT.

**A**N pactum duorum de tertij viuētis  
 hereditate inter ipsos valeat? Nam  
 cū dupliciter de viuētis hereditate

pactum fiat, vno modo cum ipse paciscitur: altero modo, cum alij præter ipsum paciscuntur, iam antè dictum est, viuentium hereditates pactis astringi non posse: suprà l. pactum quod dotali, ex l. stipulatio, 61, D. de verb. oblig. l. 4. C. de inut. stip. quippe, cum testandi libertas imminuatur, cuius est ius publicum. l. cum duobus, 52, §. idem respondit, D. pro socio. l. 3, D. de testam. Quare de altero pacti genere hoc loco quaeritur, quo testandi libertas nullo modo minuitur. D. C. esse potest, primum, ex eo quod pactum infinite de obuenturis hereditatibus valet. l. 3, §. 1, D. pro soc. veluti, si qua mihi hereditas obuenerit. Præterea cum promissio rei alienæ, siquidē propria promissoris esse cœperit, obligationē pariat: l. stipulatio ista, 38, §. quaesitum, De verb. obl. consentaneum videbatur, rem quæ in Titij bonis est ita promittere, si ad promissorem hereditas eius obueniret. C. T. R. non tam in hac lege nostra, quàm in l. donari, 29, §. ult. D. de donat. vbi non modò eius rei donatio non valere dicitur, verù etiam quia contra bonos mores & ius gentium est,

est, donator illa hereditate indignus esse statuitur: quippe cum improbus dicatur, qui de viuentis hereditate est sollicitus. l. 2, §. interdum, D. de vulg. subst. l. ita tamen, 27, §. à patre, D. ad Trebell. nam pacisci de viuentis hereditate, est viuo & viuenti funus ducere: quod cum tam apertè dicatur iuri gentium aduersari, satis istā Cæsariensium aduocatorum consultationem admirari non possum, qui non modò de ciuili, verū etiam de gentium iure dubitabāt. Nam quòd Imp. dubitandi causam profert duplicem: primam, quia de viuentis hereditate pactum erat: alteram, quòd pactum erat conditionale, si ad promissorem hereditas perueniret: illa quidē aduersus pactiōem rectissimè proferebatur: hæc verò pro pactiōe quemadmodum valere possit, non intelligo: quasi verò pactum illud de quo agitur in d. l. donari, non tacitè conditionem illam cōtineret. Sed multo magis mirum est, q̃ Imp. ascribit, ita valituram pactiōem, si tertius consensum suum accommodauerit. q̃ ille magis pro imperio, quàm pro rei æquitate constituissè videtur. nam

consensus iste adhibetur vt vel consensuens obligetur, vel vt non obligetur. si vt obligetur, (velut in casu l. quidam, 12, D. de euct. l. fideiussor, 26, §. 1, D. de pignor. l. nisi voluntate, 25, D. de acq. rer. dom.) eo casu inutilis pactio est: quoniam (vt suprà diximus) pactioibus astringi viuentium hereditates nō possunt. l. si donationis, 34, infrà De trāfact. Si vt non obligetur, satis constat consensum in eo negotio in quo nihil consentientis interest, nullius esse momenti. l. coram, 209, D. de verb. sign. l. in concedenda, D. de aqu. & aqu. plu. arcen. Præterea regulariter qui pacisci non potest, consentire paciscentibus non potest. l. cum quis, 165, D. de reg. iur. Superiorum autem obiectionum solutio est, quòd indefinita pactio valet: quoniam ad neminem propriè pertinet: particularis non valet: ne (vt suprà dictum est) sollicitudo de viuentis hereditate probetur.





FRANC.

HOTOMANI

IVRISC. IN TIT. COD.

DE TRANSACTIONIBVS,

Commentarius.

AD L. I.

**T**Ransactio cum duobus tutoribus vel curatoribus facta tertio ad exceptionem proficit? D.C. est, quoniam plurium tutorum unica obligatio est; eaque in solidum: sicuti plurium promittendi correorum. l. si plures, 38, l. tres tutores, 55, D. de admin. tut. l. omnes, 5, C. arb. tut. Quare ut pactum unius ex correis alteri prodest: l. idem in duobus, 25, D. de pact. l. 3, §. 2, D. de lib. leg. ita pactum unius tutoris alteri prodesse videbatur? C.T.R. quoniam hic agitur de pacto in personam, cum ibi de pactis in rem agatur. quorum hæc generalis definitio est, ut iis omnibus prosint, quorum dissolui obligationem eius qui pactus est interest.

l. & heredi, 21, in fi. D. de pact. quare cum vnus è correis soluens, actionem pro socio aduersus alterum habeat: l. 2, C. de duob. re. consentaneum est, pactum vnus alteri prodesse. At vbi pactum in personam est, neque correo, neque contutori prodest: quippe, cum ne ipsi quidem heredi prosit. d. l. idem, §. j, De pact. & l. si ex duobus, 15, D. de tut. & rationib. vbi transactio vnus è duobus tutoribus alteri non prodest: integra tamen solutio prodest: quod idem traditur in l. 1, §. si apud, D. de pos. Similiter pactum ab altero è duobus fideiussoribus factum alteri nihil prodest. l. si stipulatus, 15, §. primo, D. de fideiussor.

## AD L. II.

**A**N cautio de pecunia ob transactionem factam de hereditate, de qua lis non erat, rata sit? D. C. est, quoniam Transactio non nisi de re litigiosa fieri videtur. l. 1, D. de transact. ibi, *De re dubia & lite incerta*. Sic negotium transigi dicitur in l. neque impuberes, 22, D. de in ius

IN TIT. C. DE TRANSAC. 95  
in ius voc. dum in ius venit: & l. 2,  
D. siqu. caut. antequam se in ius voca-  
tus sistat. C. T. R. non modò propter  
litem, verum etiam propter litis metum  
transactioni locum esse: atque adeò  
quamvis res nulla media fuerit, id est,  
de qua institui lis possit. l. in summa,  
65, D. de cond. indeb. Itaque ad obie-  
ctionem respondendum est, quod alibi  
diximus in d. l. 1, De transact. AVT PRO ET  
legendum esse: vt Transactioni locus sit  
non modò in lite, sed etiam in re du-  
bia, & ex qua oriri litis metus possit.  
Quod verò in fine legis ascribitur, de  
fisco: sic intelligendum est, quòd fiscus  
illi sorori successerat: inter quem & fra-  
trem orta controuersia fuerat. deinde  
quod subiungitur, Ex cautione transac-  
tionis causà facta, actionem compe-  
tere: non sic accipiendum est, quasi ex  
transactione actio nascatur, contra l. si-  
ue apud, 28, infrà hoc tit. sed quia cau-  
tio illa stipulatio fuerat, velut in l. cum  
proponas, 17, eod. & regulariter cautio-  
nis nomine stipulatio intelligitur. l. 3, C.  
de verb. signific.

**A**Ntransactio facta de minore pecunia quàm quanta ex curatela debebatur, rata sit? Fulvia cum suo curatore negotiorum gestorum egerat, atque in eo iudicio probauerat, eum sibi centum debere. Hanc enim speciem illa ostendunt verba: *Ex administratione curæ deberi probatum fuerit.* quæ ad præteritum tempus & iudicium cum ipso curatore directum referenda sunt. Transigit tantum de octoginta: transactioniq; Aquilianam stipulationem subiunxit. Mortuo curatore Fulvia mutato consilio de reliquo agere contendit cum Geminiano curatoris herede. D.C. est, quoniam lis per transactionem finita prætextu minoris quãtitatis instaurari non potest. l. Lucius, 78, §. ult. D. ad Trebell. præsertim Aquiliana stipulatione subiuncta, quæ actionem perimit. l. 4, D. hoc tit. deinde cum de reb. litigiosis pleræque transactiones fiant, litium autem incertus sit euentus: l. quòd debetur, 51, D. de pecul. absurdum est, quærere utrum plus an minus per transactionem auferatur, quàm ex litis euentu sperabatur.

Itaque

Itaque Transactio interdum partem tantum aufert, vt l. cum mota, 6, infrà eod. quinetiam alimentarius præfenti modico contentus per transactionem minus aufert. l. cum hi, 8, D. hoc tit. C. T. R. quoniam fcilicet vera illa trãfactio non fuit. fiquidem transactio in rebus certis probatis & indubitatis locum non habet. l. 1, D. de transact. l. præfes, 12, C. eod. Superiore autem iudicio debitum centum aureorum per probationem dilucidatum fuerat. Quare nihil aduerfatur, quòd diximus ex l. Lucius, ad Treb. Minus obftat, quòd Aquiliana ftipulatio fubiuncta eft: quia pro ea quidem fuma, pro qua interpofita eft, fublata eft negotiorum geftorum actio: at pro reliqua fuma, nequaquam. l. 4, & l. feq. D. hoc tit. Obferuandum eft etiam, in hoc cafu locum effe pacto potuiffè, fi modò partes pacifcendi animum certum habuiffent: quoniam certa & indubitata res erat: fed propterea transactio hæc ad pactum non valuit, quia pactum fine pacifcendi animo non fit. l. 3, D. de pollic. l. 1, D. de pact. Hæc autem conuentio nou pacifcendi, fed transigendi animo

interposita fuerat.

## AD L. IIII.

**A**N acceptilatio Aquiliana trans-  
actioni dolo factæ subiuncta obli-  
gationem extinguat? D.C. est, quoniam  
transactiões dolo malo factæ à prætore  
non seruantur. l. 7, §. ait prætor, & §.  
seq. D. de pact. C.T.R. quoniam acce-  
ptilatio Aquiliana etiam dolo malo  
facta iuris subtilitate valet. l. qui cum, 9,  
§. 2, D. de transact. sicuti stipulatio. l.  
si quis, 36, D. de verb. obligat. Sed eius  
summi iuris emendandi causa de dolo  
actio instituta est. nam quemadmodum  
ubi acceptilatio metu extorta est, datur  
actio quod metus causa: l. si mulier, 21,  
§. si metu, D. quod met. caus. ita cum ea-  
dem dolo malo expressa est, doli actio  
conceditur. l. j, §. si quis cum, D. de dol.  
mal. quæ cum hac lege ita concilianda  
& coniungenda est. Quod verò de con-  
cessis temporibus ascriptum est, sic in-  
telligi oportet, quia iure antiquo doli  
actio erat annua: iure nouo biennis est.  
l. ult. C. de dol. mal. Ad extremum diffi-  
cilis quæstio est, vtrum transactio dolo  
facta ipso iure nullius momenti sit, id  
est,

est, ad exceptionem non valeat, an per doli replicationem elidatur: de qua dicemus in Epitomat.Dig.

## AD L. V.

**A**N transactio sine vlla scriptura & instrumento, rata sit? de qua dictum est ad l. pactum, 17, suprà tit. proxim. Tantum illud notandum est, ex confessione aduersariij non dari actionem confessi. quod idem Paulus scribit, lib. Sent. 2. tit. 1. §. vlt.

## AD L. VI.

**A**N filius eius mulieris quæ mota inofficiosi querela certa lege à lite discessit, si fides non seruetur, redintegrare querelam possit? D.C. quoniam transactio inofficiosi querelam integram relinquit. l. si instituta, 27, D. de inoffic. test. C.T.R. quoniam aliud iuris est in filio, qui querelam instituit: aliud in eius herede. l. nam et si, 15, §. primo, & l. postumus, 6, in fine, cum l. sequen. D. de inoff. testam. nam cum huic alia ratione succurratur, consentaneum fuit grauem illam actionem

ei non concedi: quæ defuncti existimationem lædit. l. 2, & l. 5, D. eod. Cùm igitur is qui querelâ instituerat, per transactionem à lite discesserit, heredem ea trāsactione astrictum reliquit: quemadmodum dici solet, heredes defunctorum conventionibus teneri. l. filium, 31, D. de lib. caus. Superest igitur quæstio, Ecquænam huic heredi remedia relicta sint? cui respondet Imperator, si stipulatio interposita fuerit, ex stipulatu actionem competere: quod si interposita non fuerit, tum hoc casu, præscriptis verbis in factû actionem cōcedi. Quod eo magis notandum est, quia cōfirmare vulgatam opinionem videtur, quasi Transactio sit contractus innominatus, cum ex præscriptis verbis actio nascatur. Sed intelligendum est, conventionem hanc transactionis naturam excessisse: quoniam vna ex parte impleta fuerat. actionē enim mater remiserat, quo casu contractum innominatû esse diximus ad l. legem, 10, C. de pact. Postremò notandum est, quod ait Dari actionem præscriptis verbis, quæ rem gestam demonstret. Ex quo intelligimus In factû actionem



actionem iccirco dari, quia factum, siue rem gestam verbis, à Iurisconsulto perscriptis cōplectitur. nam. quoties eiusmodi negotium gestum est, quòd nomen nō habet, id est, cuius causa priscis temporibus solennis nulla actionis formula constituta est, æquitas tamen, utilitas, humanitas postulat, vt ex eo actio concedatur, actio præscriptis verbis, & ad factum accommodatis concipitur. l. 1, D. de æstimat. l. 1, l. 2, l. 3, D. de præsc. verb. quæ quoniam utilitatis causa instituta est, Vtilis appellatur: quia facti narrationem complectitur, In factum: quòd Imp. hic Rem gestã interpretatur. Vtrum autem Perscriptis, an Præscriptis verbis appellanda sit, alio loco considerabimus. Negotium autem quod hic gestum fuerat, est, Do vt des. Remitto actionem, vt mihi partem hereditatis des. Mater Pomponij à lite discefferat, neque quicquam tamen ei datum fuerat. quare vbi quid certa lege vel factum vel datum est, pacti naturã exceditur: contractusque innominatus euadit: unde præscriptis verbis actio exoritur. velut in l. auia, 6, C. de iur. dot. l. licet, 23,

C.famil.ercisc.& diximus ad l.7, suprà tit.proxim.

## AD L. VII.

**A**N transactio de alimentorum legato facta valeat? Sine dubio distinctio adhibenda est. nam de futuris ius indubitatum est, transigi sine prætoris decreto non posse: quoniam sæpè accidebat, vt testatorum beneficia & liberalitates irritæ atque inanes essent: cùm alimenta per transactionem interciperentur. l. cùm hi, 8, §. eam transactionem, D. hoc tit. De præteritis autem iccirco licet transigere, quia causa illa metuendi ne alimenta intercipientur, sublata est.

## AD L. VIII.

**A**N transactio procuratoris, domino noceat? D. C. quoniam procurator post litem contestatam dominus litis efficitur, eamque suo nomine quodammodo agere intelligitur. l. procurator, 11, D. de dol. except. C. T. R. quoniam aliud est causæ actionem, aliud decisionem mandare: sicut aliud est administrationem, aliud alienationem concedere. l. contra iuris, 28, §. vlt. D. de pact.

Procu-

Procurator enim datur, aut litis, aut negotiorum. si litis procurator est, neque pacisci, neque transigere potest. l. sed si tantum, 13, D. de pact. si negotiorum procurator est, tum distinctio adhibenda est, utrum habeat mandatum cum libera administratione, an indefinite. nam cum libera pacisci potest: sine libera, non potest. l. mandato, 60, D. de procur. l. si procurator, 10, infra C. eod. quod tamen sic intelligendum est, ut libera administrandi permissio bona in se fidem contineat. l. creditor, 60, §. pen. D. mand. Idem porro dicendum est, si procurator in rem suam datus sit. tum enim domini loco habetur. d. l. 13, D. de pact. & l. sicut, 8, §. 2, D. quib. mod. pig. vel hyp.

## AD L. IX.

**H**Vius legis quaestio mihi obscura est. nam illa quae verbis ostenditur, perabsurda videtur: An ei qui sub conditione alteri dandi, se illi possessione cessuum promisit, si non cessit, cum alteri datum non fuisset, afferri vis possit? Nam quod per vim fit, aut in publicae aut in privatae vis crimen cadit. l. hoc iure, 152, D. de reg. iur. l. extat, 13, D. quod met.

caus. l. pen. D. de vi priu. Quare ita potius concipienda quæstio videtur, quæ ratione prouideri aduersus minas, & ne vis inferatur, possit. Cui sic Imperator respondet, adeundum prouinciæ Præsidē, qui vim eum pati prohibeat. l. ult. D. quod met. caus. vel potius interdicto uti possidetis agendum esse, quod prohibitorium est: cum magistratus ne vis fiat ei qui nunc possidet, quominus possideat, interdicat. dum tamen nec vi, nec clam, nec precario ab aduersario possideat. l. 1, D. uti poss. Separatim autem illud notandum est, quod ascribit, ex hac pactioe exceptionem aduersus actionem in rem cōcedi: cui consentaneum est, quod Vlp. eadem l. 1, §. 3, scribit, Retinendæ possessionis viā esse duplicem: aut exceptionē, aut interdictū. Vtrum autem hæc trāfactio, an pactum propriè dicatur, dubit vi video: quoniam nihil datum est. quasi verò ad transactionem non satis sit promitti. l. transactio, 38, infra hoc tit. deinde pactum, ut sæpè dictum est, in re certa locum obtinet. l. 1, D. de transact.

Ad

**H**Vius interpretationem conferemus  
in l. quamuis, 39, infra hoc tit.

**A**N transactio inter fratres, de fidei-  
commisso inter ipsos, si alter sine li-  
beris decederet, relicto, rata sit? Cui sa-  
tisfactum est, sub l. cum proponas, 16,  
suprà tit. prox. & l. 1, eod.

**A**N transactio de certo debito ab ad-  
ministratore ciuitatis facta, rata sit?  
D. C. quoniam ciuitatis administrator,  
qui plerunque Curator appellatur, vi-  
detur, sicuti tutor aut curator, domini  
locum obtinere. l. tutor, 27, De adm. tut.  
C. T. R. itémque in l. Imperatores, 37, D.  
de pact. quia ius Reip. pacto mutari nō  
potest. l. 2, §. ius Reip. D. de admin. rer.  
præterea curatores tum demū domini  
locum obtinent, cum rectè administrāt.  
l. qui fundum, 7, §. si tutor, D. pro empt.  
Nam aliud est administratio, aliud do-  
natio & dissipatio. l. filiusfam. 7, D. de  
donat. Ambitiosæ autem istæ remissio-

nes dicuntur, cùm in hac l.tum in l. 4, D. de decr. ab ord. nimirum quòd qui largitionibus istius vtuntur, gratiam sibi priuatorum alliciunt: vnde Ambitio pro gratia & fauore in l. 3, C. de execut. rei iudic. & l. seruo, 65, §. cùm prætore, D. ad Trebellian.

AD L. XIII.

**A**N transactio quolibet metu adhibito vitietur? D. C. est, quoniàm prætoris edictum indefinitè scriptum est, Quod metus causa gestum erit, ratum non habeo. l. prima, D. qu. met. caus. & l. vltima, D. eod. C. T. R. eum demum metum à prætore coerceri, qui in hominem constantem cadit. nimirum mortis, cruciatus corporis, aut seruitutis. l. 4, 7, 8, 9, C. ill. tit. & l. 34, D. eod. Quod autem sequitur, metum ex causæ principalis qualitate non æstimari, pugnare videtur cum l. dolus, 10, infra de resc. vend. vbi dolus ex qualitate facti constare dicitur. Sed alia est causæ, alia facti qualitas. Causæ qualitas est, veluti si quis cum potentiore paci-

paciscatur. l. ult. D. quod met. caus. l. ad  
 inuidiam, 6, C. ill. tit. Facti autem qua-  
 litas est, eius atrocitas. l. metum, 9, C.  
 ill. tit. Postremò quæritur, An pacti in-  
 ter dominum & seruum facti vis vlla  
 sit? D. C. est, quoniam seruorum condi-  
 tio dupliciter spectatur: naturaliter, aut  
 ciuilitè. illo iure & obligare & obliga-  
 ri possunt. l. naturaliter, 13, l. si quid do-  
 minus, 64, D. de cond. ind. l. serui, 14, D.  
 de oblig. & act. Iure verò ciuili in per-  
 sonam seruilem obligatio non cadit. l.  
 in seruilem, 22, D. de reg. iur. l. nec ser-  
 uus, 41, D. de pecul. Cùm autem pacto  
 naturalis obligatio & constituatur &  
 tollatur: l. stichum, 95, §. naturalis, D.  
 de solut. consentaneum videtur, domi-  
 nos cum seruis paciscentes ex placitis  
 teneri atque obligari. Contrarium ta-  
 men respondetur, quoniam (vt sæpè  
 dictum est) pacta non nisi ad exceptio-  
 nem valent, cui nullus iccirco inter illas  
 personas locus est, quoniam iudicium  
 inter illas non consistit. l. vltima, C. de  
 nox. act. l. 7, D. de fals. Itaque dominus  
 ne pretio quidem ob manumissionem

accepto obligatur: nisi liberti supplicatione, & magistratus cohortatione. l. cum affirmes, 8, C. de lib. caus.

## AD L. XIII.

**A**N aduersus transactionem utroque consentiente instaurari lis possit? D. C. est, quoniam ius publicum priuatorum consensu non immutatur. l. ius publicum, D. de pact. Ius autem transactionum prætoris edicto confirmatum publicum videtur. C. T. R. transactionem rescindi posse, non modò re integra, verumetiam re secuta, & reddita. non quò transactio non fuerit. nam facta infecta fieri non possunt. l. 2, D. de rescin. vend. sed quia partium consensu vis omnis ei abrogata est. Obiectionis autem solutio est, quoniam ius aut iubet, aut vetat, aut permittit. l. legis verbis, D. de leg. & sen. Si lex iubet, aut vetat, pactum aduersus eam factum nullius momenti est. l. 7, §. ait prætor, D. de pact. si autem permittit, tum pacto ab ea recedere licet. velut hoc casu, cum prætor exceptionem transactionis permittit. nam iuri pro se introducto renunciare licet.



IN TIT. C. DE TRANSAC. 10,  
iicet. l. si iudex, 41, D. de minor. de quo  
dictum est ad l. ult. suprà de pact.

AD L. XV.

**A**N actio per transactionem tollatur?  
D.C. est, quoniam lites transactio-  
ne finiri dicuntur: æque, vt re iudicata.  
l. 1, §. ult. D. ad Tertyll. l. non minorem,  
20, infrà hoc tit. C.T.R. distinctionem  
adhibendam esse, vtrum acceptilatio  
transactiōi subiuncta sit, an non? prio-  
re casu actionē ipso iure tolli, ac proin-  
de à pratore denegari. l. 2, & l. 3, C. de  
accept. l. 4, & l. si caussa, 32, infrà hoc tit.  
Posteriore casu actionem ipso iure non  
tollī: sed tantum Prætoris beneficio, à  
quo exceptio in constituendo iudicio  
interponitur, l. siue apud, 28, C. hoc tit.  
Sic enim res iudicata non ipso iure a-  
ctionem perimit, sed per exceptionem  
eam elidit. l. 1, & pass. D. de rei except.  
Quod autem de libello concipiendo  
statuitur, planius exponitur in l. ult. §. de  
prec. imp. off.

AD L. XVI.

**A**N lis transactione decisa imperiali  
rescripto redintegrari possit? D.C.

IN TIT. C. DE TRANSAC. III  
dum exigere: l. Papinianus, 8, §. memi-  
nisse, D. de inoffic. testam. l. edicto, 13,  
§. penult. D. de iur. fisc.) denique reso-  
luta transactione datum eius causa  
condicetur. l. eleganter, 23, D. de cond.  
indeb. & verò qui à transactione rece-  
dit iure communi ex edicto perpetuo  
per exceptionem submoueri debet:  
cùm fidem datam contra naturalem  
aquitatem violet. l. prima, D. de pact.  
Itaque Arcadius & Honorarius sta-  
tuerunt, vt contra pactum iuratum  
veniens, non modò iure suo excidat,  
verumetiam poenam promissam per-  
soluat. l. si quis maior, 41, C. de transact.  
Contrarium tamen rescribitur distin-  
ctionem adhibendam esse, vtrum hæc  
conuentio intra pacti fines constite-  
rit, an ei poenæ stipulatio subiuncta  
sit, atque adeò cum clausula Rato ma-  
nente pacto. Primo casu, exceptio-  
nem tantum dari: quia eadem con-  
uentio valere simul & ad actionem,  
& ad exceptionem non potest: ne con-  
trarios effectus pariat: quod Vlpianus  
præclare ostendit in l. eleganter, 23, §.  
penult. in fine, D. de cond. indeb. Ex

qua perspicitur solutio ad l. 1, D. de cōd. caus. dati: nimirum ut in alterius electione sit, utrum exceptione, an conditione uti velit. nam utraque certè non usurum. Posteriore verò si simpliciter stipulatio subiuncta est, (hoc est sine clausula, Rato manente pacto) tum similiter alterutra duntaxat competit: aut exceptio, aut dati exceptio. l. rescriptum, 10, §. 1, D. de pact. nam cum stipulatio conditionalis fuerit, Si pacto non steteris, centum quæ accepisti reddes? satis constat, enuntiationis conditionalis hanc vim esse, ut non verum sit consequens, nisi antecedens sit verum: vicissimque ut si hoc verum sit, illud etiam verum sit. l. 4, §. labeo, D. de dol. except. ac proinde si centum reddantur, pacto stari non oportere. Sin autem adhibita sit clausula, Rato manente pacto, hoc modo, Si pacto non steteris, centum dabis? rata nihilominus manente transactione, tum utrique locus erit. l. pen. D. de transact. nam ex stipulatione, actio: ex clausula, exceptio competit. Quanquam hoc loco ne illud quidem prætermittendum est, negotium

tium de quo hic agitur, notissimos trans-  
actionis fines excessisse. datam enim  
esse pecuniā, ut à lite discedatur. quem  
contractum innominatum esse constat,  
ex quo præscriptis verbis actio nascitur:  
ut diximus ad l. cum mota, 6, supra hoc tit.  
Illud ad extremum notandum est,  
coniungendam huius legis tractatio-  
nem cum l. ubi pactum, 40, infra hoc tit.  
ubi tamen hæc differētia est, quod quæ  
pœna in illa lege stipulata dicitur, erat  
extra datum transactionis causa: hic  
verò pœnæ nomine illud ipsum quod  
datum fuerat continetur,

## AD L. XVIII.

AN de crimine transigere liceat? Huic  
satisfactum est, cap. Illustr. quæst. 21.

## AD L. XIX.

AN prætextu instrumenti post reper-  
ti transactio rescindatur? D. C. est,  
quia transactio de his tantum rebus, de  
quibus inter convenientes placuit, in-  
terposita creditur. l. quicum, 9, §. j. D. hoc  
tit. nam ignorantis in eo quod ignorat  
consensus nullus est. Itaque qui de te-

stamento transigit de codicillis post repertis transegisse non intelligitur. l. 3, §. j, & l. non est, 12, D. hoc tit. C. T. R. distinctioq; adhibetur, vtrum instrumenta malitiosè celata sunt, an ab utroq; ignorata. Priore casu transactionem ad exceptionem valere. sed doli replicatione subueniri. q. idem traditur in l. siue apud 28, infra hoc tit. ex quo intelligitur transactionem dolo non vitari: sicuti alio loco copiosè diximus ex l. quicum, 9, §. 2, D. eod. & l. 3, C. de except. Sin autem ignorata instrumenta sint, ipso iure transactionem nō valere: propter illam causam, quod ignorantis consensus nullus est. Obiectionis autem solutio notanda hæc est, speciem post repertam ad illud genus pertinuisse, de quo transactum fuerat. velut in l. subprætextu, 29, infra h. tit. Idemque traditur de rebus iudicatis in l. 4, infra De re iud. l. imperatores, 35, D. eod. alioqui transactio de vna re facta ad alteram non porrigitur. l. si quid certa, 31, infra hoc tit.

## AD L. XX.

**A**N transactio secunda noctis hora facta valeat? D. C. est, primū, quoniam

quoniam nox rebus agendis minus tempestiua est. qua de caussa Intempesta nox ab antiquis dicebatur paulò antè mediam noctem: vt Censorinus & Macrobius testantur. deinde quoniam lege XII. tab. itémque lege Plætoria solis occasus suprema tépesta erat: vt ex Varrone, Gellio, Macrobio & Censorino docuimus in XII. tab. fragmentis: eaq; postea Suprema hora dicta est. l. j, §. dies autem, D. quand. appell. sit. Transactiones autè nonnunquam dum in ius ibatur, fiebant. l. neque impuberem, 22, D. de in ius voc. Contrarium tamen respondetur: vbi præclara notanda doctrina est, Neque legis actionem, neque actus legitimos noctu fieri posse: cetera posse: veluti pacta, transactiones, stipulationes. Itaque testamentum, quod legis actio erat, noctu fieri non potuisse arbitror: quamuis ante noctem factum noctu signari posset. l. ad testium, 22, §. ultimo, D. qui testam. fac. Atque hæc quidem de naturali die, qui duodecim horis constabat. nam in ciuili iure Romano, xxiv. numerantur à media nocte:

ad insequētem mediam noctem. l. 8, D. de feriis. Separatim autem notandum est, quod scribitur, Non minorem trāsfactionis esse vim, quā rei iudicatæ. nam vt ex re iudicatæ exceptio nascitur; l. 1, & pass. D. de except. rei iud. sic ex transfectione. l. siue apud, 28, infra hoc tit. Illud tamen interest, quod ex re iudicata datur actio in factum: itēque ex iureiurando. l. actori, 8, C. de reb. cred. nam iudicati actio directa non ex re iudicata nascitur, sed ex stipulatione iudicatum solui. l. si non sortem, 26, §. si centum, D. de cond. indeb. l. in duobus, 28, §. igitur, D. de iureiur. ex transfectione talis actio non nascitur, nisi sit contractus innominatus. l. 6, supra hoc tit. maior ergo iurisiurandi, quā transfectionis aut pacti vis est. nam iusiurandum loco solutionis cedit. pactum non item. l. iusiurandum, 27, & l. seq. D. de iureiur. Itaque ex iureiurādo in factum actio nascitur. §. item si, 11, De act. & d. l. actori: quæ & utilis dicitur in l. quod si, 29. l. si duo, 13, §. 1, D. de iureiur.

Ad

**A**N ex transactione, cui venditionis nomen accommodatur, venditi actio competat? D.C. est, quoniam emptio & venditio, sicuti transactio, nudo consensu conficitur. l. 2, D. de oblig. & act. C.T.R. nam etsi nudus emendi consensus obligationem parit, tamen illa sola est causa efficiens. materia enim, siue causa sine qua non, est merx & pretium. l. 2, §. 1; l. nec emptio, 8; D. de contr. empt. quæ, nisi verè subsint, nihil prodest simulatio. l. empti, 9, infra, De contr. empt. l. nuda, 55, D. eod. l. contractus, 54, D. de obl. & act.

**A**N ob contestationem de dolo transactio rescindatur? quod sic interpretor, ut qui transegerat, vel paulò antè, vel paulò post, apud quosdam alios testificatus sit, se dolo inducitur transactionem illam fecisse. D.C. est, quoniam transactio sine consensu fieri non potest. l. 1, D. de pact. Illa autem contestatio consensum non adhiberi ostendit. nam contestatio est rogatio ut testes



sint ac meminerint. l. qui testamento, 20, §. vlt. D. de testam. Contrarium tamen respondetur, quia dolus non contestatione, sed ex qualitate facti probatur. quòd idem traditur de metu in l. metum, 9, infrà C. de his quæ vi metu fin. causs. nemo enim videtur fraudare eos, qui sciunt & consentiunt. l. nemo, 145, D. de reg. iur.

## AD L. XXIII.

**A**N qui vt heres, cum verè heres non esset, transegit & soluit, tãquam indebitum repetere possit? Tatianus tanquam Archimedorum heres ab illius creditoribus in iudicium vocatus cum iis transegit, & placitam pecuniam dissoluit. Quæritur, an illam indebiti conditione repetere possit? D. C. est, quia cum neque Archimedorum heres, neque pro eo obligatus esset, indebitum soluisse videbatur. nam indebiti conditio ex bono & æquo introducta, quod alterius apud alterum sine causa deprehendit, reuocat. l. hæc conditio, 66, De cond. indeb. præsertim cum Archimedorum veri heredes extarent, à quibus suam

suam seruare creditores possent. deinde quoniam error dans causam transactioni, transactionem quæ consensu constat, vitiat. l. tertia, §. ultimo. D. hoc tit. Contrarium tamen respondetur, quia transactio rata est, non modò cum vel res, vel obligatio, verum etiam cum sola lis, etiam sine causa, subest. nam hoc ipsum quòd à lite disceditur, idonea transactionis causa videtur. l. in summa, 65, D. de condict. indeb. qua de causa etiam indebitum transactionis causa solutum non cõdicitur. l. si non, 6, C. de iur. ignor. Eandem sententiæ & confessionis vim animaduertere licet in l. tertia, D. de confess. Prioris autem obiectionis solutio est, quoniam indebitè solutum non dicitur, quòd litis remittendæ causa solutum est. d. l. in summa. Posterioris, quoniam error in lite quidem versatus est, at non in transactione. non enim error, sed lis certa & contestata transactioni causam dedit. Sed de falsi heredis transactione, plura dicta sunt ad l. 3, §. ultimo, D. hoc tit.

## AD L. XXIII.

**A**N confessio partis debitæ transactionis vim obtineat? Petebas centum: confessus sum, me quinquaginta debere. fortassis etiam cautionem interposui. si reliqua petere instituas, an transactionis exceptione uti possim? D.C. est, quoniam confessio facta videtur animo à lite discedendi, quem transactionis effectum esse constat. l. non minorem, 20, suprâ hoc tit. C.T.R. quia confessio in hoc casu non fit, nisi de certa parte litis: transactio verò de tota lite interponitur. quâ de causâ Litis decisio appellatur & hoc loco, & alibi passim. Sicut autem solutio partis litem in reliquam debitâ partem non extinguit, ita nec confessio. l. si ex maiore, 7, C. de except. l. si inter, 6, C. de solut.

## AD L. XXV.

**A**N transactio vel condonatio debitâ facta cum aliquo spe futuræ ipsius successionis, si ille alios heredes instituerit, irrita fiat? D.C. est, quoniam regulariter, ob causam datum causâ non secuta condicitur. l. j, & pass. D. de cond. causâ.

causs. dati. C. T. R. primùm, quia caus-  
sam exprimi oportet. nam datum spe,  
non secuta spe, non condicetur. l. 3, §. sed  
si seruus, D. eod. l. si repetendi, 7, C. eod.  
l. si mater, 12, C. de donat. ante nupt.  
deinde quia etiam si hæc expressa fuisset,  
tamen quia contra bonos mores  
erat, nullius momenti fuisset: quia pactum  
de viuentis hereditate improbat-  
ur. l. penult. suprà De pact. & in donatis  
ob turpem causam melior possessionis  
conditio est. l. 2, C. de don. ob turp.

## AD L. XXVI.

**A**N liberi ex matris transactione ser-  
ui efficiantur? D. C. est, quoniam ex  
transactione secundum conuentionem  
ius acquiritur. quare mater quæ ad li-  
beralem causam exercendam admitti-  
tur: l. 3, §. 1, D. de lib. caus. si de lite ita  
transegerit, vt seruus esset filius, & pos-  
fessori addicatur, præiudicium ipsius  
statim facere videtur. C. T. R. quia ius  
libertatis pacto mutari non potest. l. nec  
si volēs, 6, & l. liberos, 10, C. de lib. caus.  
Qua ex re obiectionis solutio intelli-  
gitur. Plura autem hac de re dicemus ad  
l. ult. huius tit.

**A**N transactio propter corporis morbum vitietur? D. C. est, quoniam non rarò accidit, ut mens morbo corporis affecta sibi non satis constet. l. 1, §. apud Viuium. l. 4, D. de edil. edict. l. in aduersa, 17, D. qui testam. fac. poss. Contrarium tamen respondetur: in eo qui transigit non corporis, sed mentis solius valetudinem spectari. quod idem de iis qui testamentum faciunt, traditur in l. 2, D. qui testam. fac. poss. & l. 3, C. eodem. Vbi autem mens in valetudine corporis affecta est, locum habet quod scribit Vlpianus, consentire non posse, qui sentire non potest. l. si tibi, 8, D. de opt. leg.

**A**N auctor aduersus pacti, cui reus non paruit, exceptionem, replicatione ex eodem uti possit? Conuenerat inter litigatores, ut actor certa quapiam re accepta litem remitteret. cum eam rem aduersarius non daret, quaesitum est, primum, an actor redintegrare litem possit? deinde, si pacti exceptio ei opponatur, ecquid

ecquid ex eodẽm pacto nõ seruato re-  
 plicatione vti possit? Prior dub. caussa  
 est, quoniam lites transactione finitæ  
 instaurari nõ possunt. l. caussas, 16, suprà  
 hoc tit. Posterior, quoniam absurdum  
 est, vnicam conuentionem ad contra-  
 rios effectus valere. l. eleganter, 33, §.  
 penult. D. de condict. indeb. C. T. R.  
 item vt in l. sub prætectu, 19, suprà hoc  
 tit. primũ, quia regula superior intel-  
 ligitur de trãfactione impleta. huic au-  
 tẽm satisfactũ ab aduersario nõ fuerat.  
 Deinde, cũ ob trãfactionem liti apud  
 acta renuntiatum est: (de qua renun-  
 tiatione diximus ad l. 4, C. de pact.) hic  
 autem renuntiatum liti non fuisse, pa-  
 ret ex eo quod subiungit: Vindicatio-  
 nem pependisse. in quo pondus ma-  
 gnum est. nam alioqui in l. si pro fundo,  
 33, infrà hoc tit. contrarium statui vide-  
 retur. Ad secundam autem obiectio-  
 nem respondetur, replicationem non  
 tam ex pacto, quàm ex dolo concedi.  
 l. si ex maiore, 7, C. de except. sicuti  
 exceptio doli dari dicitur, ne cui dolus  
 suus per occasionem iuris ciuilis contra  
 naturalem æquitatẽ profit. l. 1, 2, §. item

quæritur, D. de except. dol. idemque de re iudicata traditur in l. 2, infrà de iudic. Atque ita patet intelligendum finem l. cum proponas, 21, suprà De pact. ibi: *Nec aduersario tuo transactione uti concedendum est, nisi ea quæ placita sunt adimplere paratus sit.* Nam VTENDI verbum cum effectu accipiendum est: vt exceptio quidem concedatur, sed propter fidei non seruata replicationem eius vsus sit inutilis. Superest dubitatio: cur ex hoc pacto dicat actionem non nasci? cum, si litem remiserit, iam non pactum nudum sit, sed contractus innominatus: vt copiose diximus ad l. cum proponas, 21, suprà De pact. Sed hoc casu proponitur, pendere rei vindicatio. ex quo iuncto cum iis quæ illo loco diximus, tres actiones competere apparet: Conditionem causa dati, Præscriptis verbis, & Vindicationem: postremò etiam exceptionem. verum vna electa, ceteras amitti. l. eleganter, 23, D. de cond. indeb.

## AD L. XXIX.

**P**Rior quæstio est, An generalis transactio prætextu specierum possit re-  
pertarum

pertarum rescindatur? Cui satisfactum est ad l. sub prætectu, 19, suprà hoc tit. Posterior, huiusmodi: An generali trāsactione contineantur etiam res, quæ ab alio possessæ ipsius esse credebantur? D. C. est, quoniam in generali conuentione species omnes comprehenduntur. l. si vnus, 27, §. item si. D. de pact. C. T. R. quia vis transactionis extra eas res, de quibus actum est, non pertinet. l. qui cum, 9, §. j, D. hoc tit.

## AD L. XXX.

**A**N ab eo, qui dolum commisit, peti rescissio transactionis possit? D. C. est, quoniam edictum indefinitè conceptum est, Pacta dolo facta non seruari. l. 7, §. ait prætor, De pact. C. T. R. quia deceptis, non decipientibus subuenitur. l. 2, D. ad Velleia. nam vt nemo ex sua improbitate actionem consequitur: l. itaque, 12, D. de furt. ita nec exceptionem. nemo enim ex suo delicto meliorem suam facere conditionem potest. l. non fraudantur, 134, D. de reg. iur.



AN transactioni de re certa facta pactum his verbis subiunctum, *Amplius non peti*, de ceteris rebus actionem impediatur? D.C. est, quoniam verba hæc *Amplius non peti*, generalia videntur. Generalia autem verba generaliter intelligenda sunt. Semper enim specialia generalia insunt. l.semper, 147, De reg. iur. C.T.R. quia generalia verba speciei alicui subiuncta ad eam speciem restringunt. l.si inter, 6, C.de solut. vbi qui partem receperat, vniuersum se recepisse cauerat. Item in l.emptor, 47. §. Lucius, D. de pact. vbi verba illa, *Omne instrumentum cuiuscunque summa, ex quacunque causa*: tamen ad eam de qua pactum fiebat restringuntur. Idemque de compromissis traditur in l.quid tamen, 21, §. plenum, D. de recept.

AN de re iudicata transactio facta valeat? Hic sine vlla dubitatione adhibenda distinctio est, vtrum sententia per appellationem, aut in integrum resti-

restitutionem suspēsa sit, an non. priore casu, quia res indecisa manet & dubia, transactioni locus est. l. & post rem, 7, & l. post rem, 11, D. hoc tit. l. eleganter, 23, §. primo, D. de condict. indeb. nam quod iure ordinario appellatio valet, tantundem extraordinario iure valet in integrum restitutio. l. in causā, 16, D. de minor. altero casu non est, quoniam iudicata res controuersia finem imposuit. Transactioni autem, nisi in re ambigua, locus esse non solet. l. 1, D. hoc tit. Cū autem pacta de re certa fiant, etiam post rem iudicatam pacto locus est: vt ait Paulus lib. Sent. 50. tit. 1. §. pactum. Atque hæc quidem ita se habent: vbi nudo pacto transactio facta est. at vbi Aquiliana acceptilatio accessit, ipso iure actionem tolli constat. l. si accepto, 20, D. de acceptil.

## AD L. XXXIII.

**P**Rior quæstio hæc est: An ob prædium, quod transactionis causa dari cōuenerat, vel obligatum, vel euictum instaurari lis possit? Inter litigatores

conuenerat, vt prædio pro fundo litigioſo dato auctor litem remitteret. Cùm remiſiſſet, cognouit prædium ſibi datum vel obligatum, vel alienum fuiſſe. Conſulebat, an hac de cauſſa inſtaurare litem poſſet? D. C. eſt, primùm, quoniam ea demum tranſactio à prætore ſeruatur, quæ dolo malo facta non eſt. l. 7, §. ait prætor, D. de pact. deinde quoniam datum non videtur, quod ita datum eſt, vt haberi non poſſit. l. qui concubinam, 29, §. ſi heres, D. de legat. 3. C. T. R. primùm, quia lis tranſactione finita, non inſtauratur. l. cauſſas, 16, ſuprà hoc tit. Finita autem lis intelligitur, nõ per ſolam tranſactionem, ſed cùm tranſactio impleta eſt: & res data eſt; vt diximus ad l. ſiue apud, 28, ſuprà eod. altera æquitas eſt, quòd ſi ſtipulatio tranſactioni ſubiuncta eſt, ex ſtipulatu actio competit: ſi non eſt, præſcriptis verbis, non ex permutatione: vt plerique placuiſſe video. nam qui permutat, certam rem pro re certa commutat. qui verò tranſigit, nihil niſi ambiguum & incertum cõcedit. Ergo ex contractu Do vt des: Remitto litem, vt prædium des: qua  
de re

de re satis dictum est ad l. cùm propo-  
nas, 21, suprà de pact. Sequitur altera  
quæstio: An euicta re transactionis caus-  
sa possessori remissa, actio de euictione  
concedatur? Petitor fundi cum posses-  
sore transigens, ei fundum illum liti-  
giosum remisit. Hūc postea fiscus aliūve  
quis euincit. Quærebatur, an, vt supe-  
riore casu, præscriptis verbis agere de  
euictione aduersus illum remissorem  
possit? D.C. est, superioris quæstionis  
conclusio. C.T.R. quoniam in casu su-  
periore fundus ex causa transactionis  
traditus fuerat: hoc verò casu non tra-  
ditus, sed remissus est. Differentiæ ratio  
est, quòd qui ex causa trāfactionis dat,  
transferre dominium tenetur. arg. l. pen.  
infra, C. pro empt. at qui remittit, satis  
est, si eam qualis qualis est remittat. nam  
illo casu possessor causam ab aduersa-  
rio accipit: hic verò, nō accipit. Ex quo  
intelligi debet, non eandem esse remis-  
sionis & dationis causam in corpori-  
bus, quamuis in pecunia eadem sit. l. si  
mulier, 10, D. de cond. caus. dat. Eodém-  
que modo euictio ex causa permuta-  
tionis debetur. l. si permutationem, 29,

C. de euiēt. l. 1, C. de rei permut. Separatim autem illud notandum est, verba hæc, Fundus, Prædium, Ager, interdum promiscuè vsurpari: vt in l. qui scit, 25, inf. de vsur. l. quintus, 40, D. de act. emp. interdum pro diuersis. Cicero pro Muræna: Fūdus qui est in agro, qui Sabinus vocatur. Idem pro Flaccō: Agros habēt natura perbonos. In hisce agris tu prædia habere voluisti. Idem in agraria III. Denique eos fundos, quos in agro Casinati optimos fructuosissimos cōtinuauit, cū vsque eò vicinos proscriberet, quoad oculos continuando ex multis prædiis vnā fundi regionem formāmq; perfecit. Idem tamen in ea pro Sex. Roscio prædia pro agris ponere videtur & fundos pro villis. Hunc, inquit, non modò colēdis prædiis præfuisse: sed certis fundis patre viuo frui solitum esse.

## AD L. XXXIV.

**A**N, qui hereditatis pollicitatione inductus actionem remisit, quæri de dolo possit? D. C. est, quoniā donatum ob causam, causā non impleta cōdicitur. l. dictā, 8, C. de cōd. ob. caus. C. T. R. primū, quoniā causā illa disertè adiecta  
non

non fuit: sed spes fallaciter data duntaxat. l. si repetendi, 7. C. eod. deinde quia etiamsi adiecta illa causa fuisset, tamen certum est hereditatem pactis astringi non posse: ut dictum est ad l. pen. C. de pact. quod cum iuris explorati sit, neque ignorari potuerit, scienti & volenti dolus afferri non potuit. l. nemo, 145, D. de regul. iur. l. venditor, 11, C. de rescind. vend.

## AD L. XXXV.

**A**N ubi amici interuenerunt, metus nihilominus allegari possit? D. C. est, quoniam metus non presentis mali dicitur, sed futuri. l. 1, §. 1, D. quod met. caus. quapropter etiam si in presentia non inferatur propter amicorum presentiam, tamen inesse in mente hominis potest formido futuri post illos dimissos mali. C. T. R. quoniam metus in iure non dicitur opinio meticulosi hominis, quam sibi ipse affert: sed terror qui ab alio inferitur. l. metum, 9, & l. si mulier, 21, D. quod met. caus. Amicorum autem presentia libertatis & securitatis testimonio est.

AN ab eo qui moram in implenda transactione commisit, aliquid eo nomine amplius exigere liceat? Sic enim hanc legem intelligendam esse, perspicua iuris ratio demonstrat. nam quòd plerique verba illa, *Nequid amplius ab his exigi possit*: sic intelligebant, id est, *Ne unquam postea instituere actionem possit*: & per se absurdum est, & perspicuè refellitur in l. siue apud, 28, C. hoc tit. vbi tandiu integra manet actio, dum ab alterutra parte impleta transactio sit. tum enim non vetus, sed præscriptis verbis actio conceditur: vt diximus ad l. cum proponas, 21, C. de pact. Ergo D. C. est, quoniam moræ effectus est, vt amissa utilitas præstetur: veluti fructum post moram commissam perceptorum. l. videamus, 38, D. de vsur. C. T. R. quoniã mora non ex re, sed ex persona fit: id est, si interpellatus oportuno loco non soluerit. l. mora, 32, D. de vsur. quare cum actio vetus perpetuò pendeat: d. l. siue apud, 28, suprà hoc tit. sibi imputare actor debet, quòd actione sibi competente vsus non fuerit.

Ad

**H**Vic satisfactum est sub l. cùm proponas, 17, suprà hoc tit.

**A**N transactio nullo dato, retento, vel promisso fieri possit? veluti: Suus heres testamentum iniustum dicebat. Idem postea quasi transigens, in iure professus est, se de illa hereditate nihil petiturum. quæsitum est, an valeat transactio? D. C. est, primùm, quoniam Trāfactio est litis ad exitum perductio. l. 1, §. ult. D. ad Tertyll. vbi lis finiri dicitur re iudicata, iureiurando, & transactione. quemadmodum igitur duobus superioribus modis nullo dato finiri lis potest, sic etiam transactione finiri posse videbatur. Idque eo magis, quia iusiurandum species transactionis appellatur, in l. 2, D. de iureiur. Deinde vrget l. postquam, 5, C. de pact. vbi simplici renunciatione lis finiri dicitur. C. T. R. in l. 3, infrà De repud. here. vnde hæc regula sumpta est. Prior æquitatis ratio est, quia cùm lis, vel certè opinio litis subfit, causam eius tolli oportet, vt lis tol-



latur. Caussa autem est res, de qua lis vel erat, vel metuebatur. Sed altera multo planior est. nam Transactio conuentio est de parte, ac propterea media est inter totum & nihil. qua de caussa Decisio passim appellatur. Denique quod in publicis pactionibus est Compositio, id in priuatis est Transactio: cum neque totum, neque nihil aufertur, sed vtrinque aliquid vitandæ litis causa remittitur. quod si actor totum remitteret, liti renunciaret: quæ Donatio est, non transactio. vt l. 3, C. de repud. her. si reus totum præstaret, ea solutio esset, non transactio. Quod cum ita sit, patet transigi sine partis acceptione non posse: partem accipi sine transactione posse. l. post decisionem, 13, C. de furt. l. interest. 21, C. de solut. Obiectionis autem solutio est, quantum ad rem iudicatam, quia conuentio non est. Iudicium enim etiam in inuitum redditur. l. inter stipulantem, 83, §. j, De verb. oblig. Quantum ad iusiurandum, etsi sæpè conuentionale est, & transactionis species appellatur, tamen propius ad rem iudicatam accedit: quia  
qui

qui iusiurandum defert, aduersarium suum de causa sua iudicem facit. l. 1, D. quar. rer. excep. non dat. Quantum ad l. 4, C. de pact. copiosè ibi demonstratum est, Non pactum illud esse, sed remissionem, siue renunciationem litis: ac perinde legem illam, nihil ad hunc tit. pertinere. l. 18, C. de donat. Sed queri potest, cum pactum etiam de parte fiat, vt dictum est ad l. 5, supra De pact. quidnam hac in re inter Pactum & Transactionem intersit? Respondendum est, in pacto quantitatem semper esse certam & dilucidam: in transactione non modò quantitatem, sed etiam rem ipsam semper incertam esse. quod enim remittitur, tantummodo in opinione est. deinde pactum fit de parte debiti, vt altera pars debita maneat. Transactio fit de tota lite, vt nihil amplius debeat. l. interest, 21, C. de solut. d. l. post decisionem, 13, C. de furt.

## AD L. XXXIX.

**A**N propter poenitentiam transactio rescindi, & lis instaurari possit? D. C. est, ex similitudine causa dati, in

quo licet ei pœnitere qui dedit, & repetere, id quod datū est. l. si pecuniam, 5, D. de cond. causs. dat. C. T. R. primū, quia prætore edixit, se pacta iusta seruaturum. Itaque quemadmodum consensu factæ obligationes vnius pœnitentia rescindi non possunt, ne re quidem integra: l. 3, C. de rescind. vend. eodem modo pacta consensu partium facta alterius pœnitentia mutari non debent. ex quo sequitur, vt etiam si res sit integra, rescindi tamen, ab vno non possit. Intelligendum est tamen veterem actionem ipso iure non tolli, sed aduersus agētem exceptionem dari. l. siue apud, 28, suprā hoc tit. Obiectionis autem solutio est, quoniam quod ob rem datur, ob futuram causam datur, qua nōdum secuta, vbi alterius nihil interest, mutare consiliū permittitur. At quod transactionis causa datur, ob causam præteritam datur: nimirum quoniam à lite discessum est. l. in summa, 65, D. de cond. indeb.

## AD L. XL.

**Q**uod ius sit transactionis acceptilatione Aquiliana confirmatæ?  
Per obscura

Perobscura hæc lex putatur, cùm mihi nulla toto hoc tractatu dilucidior videretur. Sumamus exemplum de pacto. Qui pepigerat se non petiturū, primū Aquiliana acceptilatione pactum confirmavit: deinde quasi clauum trabalē adderet, pœnam quoque insuper promisit, si amplius peteret. quam cautionem Paulus commendat in l. pacto, 15, D. hoc tit. Estque illud in hac lege attentè notandum: pœnam non esse pecuniam quæ transactionis nomine data fuerat: sicut in l. cùm proponas, 17, suprâ hoc tit. & l. pen. D. eod. sed præter illam pecuniam pœnam stipulatam fuisse. Petere nihilominus instituit. Quæritur, quid iuris? Imp. dilucidè respondet, optionem aduersario dari vel recusandi iudicij, quoniam acceptilatione perempta alterius actio est. l. si caussa, 32, suprâ hoc tit. Quo casu prætor iudicium accipere nō cogit. l. vir bonus, 18, D. iud. sol. Vel, si causæ suæ bonitate fretus, iudicium suscipere non recuset, cogendū esse actorem ante vllam causæ cognitionem, & litis contestationem, non modò quæ transactionis nomine acce-

perat, reddere: verum etiam pœnam stipulatam persolvere. de repetitione, constat. ex l. eleganter, 23, D. de cond. indeb. vbi Ulpia. scribit, resoluta transactione condici quod eius nomine datum fuerat. De pœna similiter cōstat, quoniam resoluta pacto & fide neglecta, pœna committitur. d. l. cū proponas, 17, supra hoc tit. vbi tamen pœnæ nomine intelligitur pecunia transactionis causa data, quæ in stipulationem deducta fuerat: sicuti modò dicebamus. Atque hoc nimirum illud est, quod textus ait: *Si adversarius maluerit.* id est, Si reus, cui fides seruata non est, non detrectet iudicium: quòd tamen recusare poterat: sed causæ suæ confusus illud non inuitus suscepit: tum antè litis ingressum vtrunque illud exigere poterit.

## AD L. XLI.

**N**Egligens iusiurandum in pacto vel transactione interpositū, qua pœna afficiatur? Ius hoc nouum est Imp. Christiani, qui iurisiurandi religionem multiplici pœna sanxit, neque longiori disputationi locum reliquit. Vidi nugatorem

torem qui scripsit, se audere hanc legem  
tanquam Rufinianam exagitare, quod  
Rufinus, ad quam rescribitur, improbus  
legum veditor à Claudiano appelletur.  
quid obtusius fingi potest? Ne multa.  
Ius hoc, ut antè dixi, nouum est Arcadij  
periurium arbitrato suo punientis, &  
hac in re abrogantis l. 2, infrà De reb.  
cred. itémque l. amplius, 15, D. rem rat.  
hab. l. cum proponas, & similes omnes,  
suprà hoc tit.

## AD L. XLII.

**Q**Vatenus pactum ex falsis instrumen-  
tis factum, etiamsi iuratum sit,  
rescindatur? Respondetur, eatenus re-  
scindi, quatenus ei falsa instrumenta  
causam dederunt. nam qui per aduer-  
sarij fallaciã transigit, nõ tam paciscitur  
quam decipitur. l. quicum, 9. §. 1. D. hoc  
tit. eodémque modo res ex falsis instru-  
mentis iudicata rescinditur. l. 1, & pass.  
C. si ex fals. instr. Reliquæ autem pactio-  
nis partes ratæ & fixæ manent. Ex quo  
apparet, Pactum & Transactionem non  
esse res indiuiduas, in quibus utile per  
inutile vitatur. l. prima, §. item quæri-  
tur, D. de aq. cott. Hoc autem verum

esse subiungitur, nisi controuersia de falso instituta fuerit, quæ transactione finita sit: quemadmodum de dolo dicitur, in l.4, §. hoc tit. Absurdum autem est dubitare, an de falso trāfigere liceat. non tam ob l. ipse, 7, C. de fals. l.2. C. de his quib. vt ind. quàm quia falsi agi potest, etiam ciuilit. l. si de fide, 10, l. pen. & l. vlt. C. de fal. Nihilo magis probabile mihi videtur, quod quidā scribunt, in illis legib. agi de transactione facta super falso: in his de transactione facta ex falso instrumento. nam initium quidem legis, de illa loquitur: at finis legis apertissimè loquitur de trāfatione facta de falso, vel super falso.

## AD L. vlt.

**A**N transactio de seruili conditione facta valeat? Primum intelligēdum est, iudicium de causā liberali exerceri sine vindice, sine assertore non potuisse. l. 1, C. TH. de caus. liber. ne dominus iudicio consistere cum seruo videretur. l. vlt. C. de nox. act. Assertorē igitur litigans de suo iure dabat, qui cum in libertatem vindicaret. Deinde tribus actio-

actionib. iudicium illud semper constituisse. nam si assertor vincebatur, iterum atque iterum referri ac retractari causam licebat. l. 2, C. de assert. toll. Vnde illud Ciceronis pro Domo: In sola liberali causa rem iudicatam referri licere. Sin autem semel pro libertate iudicatum fuerat, retractari sententia non poterat. l. si dolo, 24, D. de dol. mal. Nunc quaeramus, an instituto liberali iudicio transigere liceat? Dub. causam video esse qui ex Græcorum libris hanc afferant, ne si contra libertatem iudicetur, & reuera seruus sit is, cum quo de libertatis causa transigimus, eueniat, ut inter seruum & dominum habita transactio rata sit. quod ius non patitur. l. interpositas, 13, §. hoc tit. Hoc cuiusmodi sit non intelligo: primum, quoniam neq; cum seruo lis instituitur, neque cum eo transigitur: sed cum ciue R. assertore. deinde quia ordinata liberali causa liberi loco habetur is, qui de statu suo litigat. l. ordinata, 24, D. de lib. caus. Dubitatio ergo ex hoc nascitur, quoniam de iis demum rebus priuatae actiones valent, quæ ad rem cuiusque familiarem pertinent. l. 7,



§. si paciscar. D. de pact. nam pactum à re priuata remotum nullius momenti est. l. si vnus, 27, §. pacta, eod. deinde ex eo, quòd certi quidam adipiscendæ libertatis modi legibus definiti sunt, extra quos acquiri libertas non potest. in illis autem modis transactio non numeratur. l. ingenui, 8, C. de ingen. man. itaque liberos priuatis pactis seruos fieri non posse, constat ex l. liberos, 10, & l. post certi, 36, C. de lib. caus. l. transactio, 26, supra hoc tit. Perspicuum est igitur, antiquo iure neque pactum, neque transactionem in liberali causa valuisse: hoc est, neque ante motam litem pacisci licuisse (quoniam neque pactis, sed manumissionibus libertas acquiritur: & de capite libero pacisci priuatis ius non est. l. ius agnationis, 34, D. de pact. & apud Gell. lib. 5. cap. 19) neque post motam litem transactionem de liberali causa factam ratam fuisse, singulari de causa: quia vt maximè facta transactio contra libertatem prima aut secunda actione fuisset, retractare tamen cognitionem licebat. Deinde tametsi de quibus rebus litigare licet, regu-

regulariter de iis transigi liceat : tamen maior hæc-caussa est, quàm vt ordinariis modis transigatur. Itaque cùm tribus modis regulariter lites finiri soleant, Iureiurando, transactione, & re iudicata: l. j. D. ad Tertyll. tamen nullus istorum modorum ad causam liberalem idoneus est. nam res iudicata, nisi tribus actionibus consisteret, olim rata non erat: vt paulò antea dicebamus. Hæc cùm ita esset, Anastasius tamen contrarium constituit, nouo iure, contra omem antiqui iuris rationem: vt textus apertissimè demonstrat. neque iis assentior qui scribunt, hanc legem de eo tantum casu intelligendam esse, quo pro ingenuitate vel libertate transigitur: non si cōuenerit, vt quis seruus vel ascriptitius habeatur. partim cùm Imperator tam dilucidè scripserit, etiam si transactio pro seruili conditione facta sit, nihilominus tamen valere: partim cùm ista ratione transactioni locus esse, nisi ante primum iudiciū, non potuisset: quoniam (vt superius dictum est) semel pro libertate dicta sententia non retractabatur.

l.24, D. de dol. mal. In hac autem noua constitutione hæc notanda sunt. Primum, quia de transactione nominatim scripta est, Ius antiquum in pactis seruandum esse. vulg. l. precipimus, 32, C. de appell. hoc est, ut ratæ quidem habeantur conuentiones de statu personarum, post iudicium de eo institutum factæ, cum res ambigua esse cœpit: ante iudicium, rata non habeantur: ne nouus modus tribuendæ libertatis contra rationem iuris institutus videatur. Secundo cum Iustinianus & assertores, & iterationem cognitionis sustulerit, transactionibus istis in prima & vnica cognitione locum esse. Postremò idem de ascriptitiis & de seruis Anastasium constituisse: quorum eandem propriè conditionem esse patet in l.20, C. de agric. & censit.

FINIS.

EIVS-



EIVSDEM HO-  
TOMANI CONIECTV-  
RA DE PERSCRIPTIS  
VERBIS.



TSI noua hæc disputatio est, & paradoxo simillima, tamen dum modestè, pudenter, & verecundè proponatur: non vt quidquam affirmetur, sed vt eruditionum iudicium exquiratur: neminem, qui æquo animo ad eam cognoscendam accedet, offensum iri arbitramur.

Constat inter omnes, contractuum siue negotiorum duas esse species. Nam alij suum nomen habent, alij non habent. Nominati dicuntur, quorum ius legibus antiquis conformatum ac definitum est: veluti Emptio, venditio, locatio, conductio, depositum, commodatum, &c. l. j, D. de rer. permut. & l. 7, D. de pact. eaque Naturalis contractuum formam dicitur in l. ex empto, ii, D. de act. empt. l. 7, §. si paciscar. l. si vnus, 27

§. pactus, & l. in emptionibus, 47, D. de pact. Innominati sunt, de quibus mentio in legibus antiquis facta nulla est. l. 3. D. de præsc. verb. sed tamen causam, id est, ciuile negotium, *οὐράμαγμα* & naturalem æquitatem continent. l. 7, D. de pact. Causam autem definitio: Dationem vel factum certa lege. d. l. 7, §. sed cum nulla, & l. 8, D. de præsc. verb. l. 6, C. de iur. dot. l. 6, C. de rer. perm. l. 6, l. si pro fundo, 33, C. de transact. nam ubi causa non est, ubi negotium nullum gestum est, neque obligatio, neque actio nascitur. l. si in area, 33, D. de cond. indeb.

Ex quibus intelligimus, primum quid sit, quod Caius scribit, obligationes nasci non tantum ex contractu & maleficio, verum etiam ex variis causarum figuris. l. 1, D. de obl. & act. deinde quam obrem contractuum alij dicantur habere nomen & causam, alij causam duntaxat. d. l. 7. nam cum pauci tantum contractus legibus illis antiquis conformati fuissent, postea ex usu forensi facile animaduersum est, innumerabiles esse species, quæ legibus antiquis præter-

prætermiffæ fuerant: quod Vlp. dixit in l.4, D. de præfc.verb. plura effe negotia, quàm vocabula: id eft, quàm nomina contractuum in leges antiquas rectorum. Et hoc eodem modo crimina quæ lege aliqua publicorum iudiciorum nominatim vindicabântur, nomen habere dicebantur. Cicero pro Cælio: Horum duorum criminum video fontem, video auctorem, video certum nomen, & caput. Cetera verò Inſcripta, à Græcis ἀγρεαφæ dicebantur. Nā Hefychius: ἀγρεαφæ, inquit, ἀδικήματα περὶ ὧν νόμος ἢ γίγχαπται. Seneca lib. Declamat. 3. Poſtulaui, vt Prætor nomen eius reciperet inſcripti maleficij. Hæc noſtri Extraordinaria delicta appellarunt. Fab. lib. 7. cap. 4. Præter hæc finguntur in ſcholis & ſcripti maleficij (puto legēdum Inſcripti) in quibus quæritur, an ſcriptum ſit, an maleficium ſit. Tertiò intelligimus, quamobrem quidā cōtractus dicātur Certi, quidam Incerti: quia ſcilicet alij & ius & nomen certum habent, alij non habent. l. certi, 9, D. de reb. cred. l. & vno, 18, D. de acceptil. l. j, §. pen. D. de conſt. pec. quo eodem modo certum maleficij nomen

olim dicebatur, cuius caussa publicum iudicium lege aliqua constitutum fuerat. Cic. de art. Rhet. 2. Sin autem certo maleficij genere vocabitur in iudiciũ. Quartò intelligimus quãobrem quædam negotia Noua dicantur in l. si tibi, 22, D. de præscr. verb. item Negotia quædam proprij contractus: id est, quasi abnormis contractus. l. rogasti, 19, D. eod.

Porrò propositis XII. tabul. legibus Iuriscònsulti veteres certas solennèsque actionum formulas certis conceptas verbis composuerunt, quibus ciues inter se disceptarent: ne populus arbitrato suo eas conciperet. l. 2, §. 2, D. de orig. iur. Hæ formulæ atque actiones modò Certæ, & Solennes appellantur: vt in d. §. 2: modò Directæ, modò Legitimæ, vel Legibus pròditæ. l. quia actionum, 11, l. qui seruandarum, 14, §. si glans, D. de præscript. verb. opinor, quòd illæ formulæ forensi consuetudine comprobata legum auctoritate censebantur. quanquam quæ leges post illas XII. tab. latæ sunt, pleræque genus etiam actionis proprium nominatim instituisse viden-

videntur. l. 1, D. de condict. ex leg. l. quoties, 41, D. de obl. & act. neque absurdum est, credere, etiam aliarum rerum formulas, veluti quæ ad S. C. pertinebant, legibus institutas fuisse: vt ex Plin. epist. libro 8. epi. 14, existimari potest. Eadem autem legitimæ actionum formulæ in edictum prætoris, qui iuridicundo præerat, relatæ extabant. Cicero, pro Q. Roscio: Sunt iura, sunt formulæ de omnibus rebus constitutæ: nequis aut in genere iniuriæ, aut in ratione actionis errare posset. expressæ sunt enim ex vniuscuiusque damno, dolore, incommodo, calamitate, iniuriâ publicæ à prætore formulæ, ad quas priuata lis accommodetur. Itaque passim in libris nostris videre licet ex Edicto perpetuo prodi actiones, non modò prætorias, id est, ex prætoris iurisdictione introductas, verumetiam ciuiles: vt l. j, D. si pars hered. l. j, D. de possess. hered. petit. l. j, D. si quadrup. l. j, D. commod. l. j, si ser. vind.

Porro adeò necessaria fuit earum formularum obseruatio, vt iis qui actionem instituebant, non aliis, quàm quibus



conceptæ fuerant verbis, vti liceret. §. sic itaque, 14, & §. huius autem, 31, versic. Qua de causa, De actionib. l. actio, 47, D. de neg. gest. Cic. de art. rhet. 2. Ita ius civile habemus constitutum, ut causa cadat is, qui non quemadmodum oportet egerit. Idem in Partit. Atque etiam ante iudicium de constituendo ipso iudicio solet esse contentio: cum aut sitne actio illi qui agit, aut illane lege, hisne verbis sit actio, quaeritur. Et mox: Non hac lege, non his verbis, non hoc iudicio. Hinc illud dici solitum, Qui formula cadit, causa cadit. quod cum apud Quintilianum peruulgatum est, tum etiam animaduerti potest in l. j, D. si mens. fals. vbi non tenere dicitur intentio, nisi actor idonea formula sit usus. Itemque ex l. j, §. 2, D. quod legat. vbi Vlp. ait, cum incertum est quæ potius actio teneat, duas esse dictandas, cum præstatione ex alterutra se suum ius obtinere velle. Cum autem nimia hæc directi & summi iuris acerbitas videretur, exceptiones quæ de formula non obseruata petebantur, Infames à Seneca nominantur. lib. epist. 6. Per istud (inquit) philosophiæ

phix sunt nigræ & turpes, infamisque etiam ad album sedentibus exceptiones. Quid enim aliud agitis, cum eum quem interrogatis, scientes in fraudem inducitis, quam ut formula cecidisse videatur? sed quemadmodum illum prætor, sic hos philosophia in integrum restituit. Præterea eadem illæ formulæ vulgares & vsitatæ dicuntur, in l. j. l. 2. D. de præsc. verb. l. quidam cum, 46, D. de hered. inst. Et quoniam adeò peruulgatæ, tritatæ, & notæ in vulgus erant, ac præsertim iis qui in foro versabantur, tandem factum est, ut non perscriptis, id est, plenè & litteris omnibus conscriptis verbis proponerentur, sed notis & syllabis duntaxat. quod Cic. in Muræniana ioculariter & ridiculè calumnians, & iuriconsultos exagitans: Veriti (inquit) ne sine sua opera lege posset agi, notas quasdam composuerunt, ut omnibus in rebus ipsi interessent. vnde illud Constantini in l. j. C. de form. subl. Iuris formulæ aucupatione syllabarum insidiantes cunctorum actibus, radicitus amputentur. Et illud Manilij in Astro-nomicis:

*Hic etiam legum tabulas & condita iura*

*Nouerit, atque notis leuibus pendentia verba.*

Earúmque notarum reliquiæ aliquot extant in libellis Pauli Diaconis, & Valerij Probi, de notis antiquis: apud quæ, inter ceteras, hæc personalis actionis formula profertur: A. T. M. D. O. Aio te mihi dare oportere. Sed & de notis iuridicis caput est 22 Isidori lib. Etymol. j. earundemq; mentio fit in fi. Nouell. 47.

Hæc cum ita essent, procedente tempore, à Iurisconsultis & Pragmaticis animaduersum est, innumeras esse causas, in quas cōuenire Directæ illæ formulæ non poterant. l. 2, D. de præsc. verb. & (vt ait Pomponius) non plenū fuisse actionum numerū. l. quia actionū, ii, D. eod. Itaq; huic incōmodo sex subsidia comparata sunt. Primū fuit Vtilium actionū, quæ ad exēplum illarū Legitimarū introductæ sunt, quoties non oratio, sed sentētia legis cōueniebat. nā vbi verba conueniūt, Directa: vbi sola sententia, Vtilis conceditur. l. 7, D. de iurisd. veluti si quadrupes pauperiem fecerit, directæ cōpetit: si bipes vtilis. l. j. l. pe. D. si quad. quod si neque oratio, neque sententia conue-

conuenit, neutra conceditur. l. si vero, 64, §. pen. D. sol. matr. l. j, D. de distr. pig: Eas autem sic definiemus: Vtiles actiones sunt, quæ directis deficientibus, utilitate suadente, ad causam aliquam proximam sic accommodantur, vt non notis aut compendiosa aliqua formula, sed verbis plenè perscriptis factū, id est, rem gestam, demonstrēt. l. 6, C. de transf. Qua de causa modò Vtiles, modò In factum appellantur. nam quæ Mandati utilis dicitur in l. mandati, 46, in fi. D. de her. inst. eadem Mandati in factum appellatur in l. si mandauero, 22, §. si curator, D. mand. quarum tenor (inquit Iustin.) in multis & variis iuris articulis sæpè est admissus. l. sancimus, 18, C. de sacrosan. eccles. Id autem tum demum fiebat, eum (vt in definitione dictum est) directæ & ordinariæ actiones deficientibus. l. 4, §. si communem, D. fin. regund. l. 7, §. si duo, D. com. diuid. l. quamuis, 8, §. si cōuenerit, D. ad Velleia. ac proinde in extraordinariis iudiciis duntaxat. d. l. actio, 47, D. de neg. gest. l. qui mutuam, 56, §. vlt. D. mand. §. vlt. Instit. de interd. l. 5, C. si alien. res pign.

nam qui iuridicundo præerant, deficientibus ciuilibus actionibus, ex bono & æquo succurrere extraordinariis actionibus solebant. l. j, §. est autem, D. de exerc. act. l. mandati, 14, C. de fideiuss. Seneca lib. epist. 18. Itaque dubitavi, vtrum differrem te, donec suus isti rei veniret locus, an ius tibi extra ordinem dicerem. Et hac de causa cum filijsfam. agere ordinario iudicio non possent, utiles eis in factum concedebantur. l. filiusfa. 9, l. in factum, 13, D. de obl. & act. l. si longius, 18, §. 1, D. de iudic. Hinc factum est, vt actiones utiles ordinariis opponantur: in l. si quis, 12, D. de relig. opponuntur etiam directis. l. ex legato, 18, C. de legat. l. 3, D. de sent. pass. l. liber, 13, D. ad leg. Aquil. itemque legitimis. l. si usufr. 22, §. 1, D. de aq. plu. arcen. Et quoniam non ex edicto, vt formulæ, sed causa à prætore cognita, decretoque interposito, concedebantur: l. si finita, 15, §. eleganter, 14, & l. damni, 18, §. vlt. D. de dam. infec. l. vt tantum, 14, §. 1, D. de seru. corrupt. l. 5, D. de præst. stip. l. ait prætor, 12, D. quæ in fraud. cred. propterea haud scio an non incommodè fortasse decre-

Decretales dici possint: præsertim cùm  
 Decernendi verbum in iis vsurpari so-  
 leat. l. si post constitutam, 22, D. de const.  
 pec. l. 2, §. ius reip. D. de adm. rer. ad ciu.  
 l. pen. D. de acq. her. l. Lucius, 46, D. de  
 adm. tut. l. 2, §. interdū, D. de vulg. subst.  
 Quæ verò actiones edicto prætoris con-  
 tinebantur, ex sine causæ cognitione  
 dabantur. l. item apud, 15, §. prætor ait  
 siquid, D. de iniur. l. quòd si minor, 24,  
 §. ult. D. de min. Quanquam intelligen-  
 dum est, quasdā esse Vtiles actiones quæ  
 iure ciuili nominatim institutæ sunt: ac  
 propterea (meo iudicio) sine decreto,  
 quasique ex edicto dantur: quales sunt  
 quæ fideicommissario & in fideicom-  
 missarium competunt. l. 1, D. ad Treb. &  
 §. 3, Inst. de fid. her. vbi prætor vtilis ex  
 S. C. Trebell. actiones dare dicitur: sed  
 quæ ipso S. C. iure & fideicommissario,  
 & in fideicōmissarium competunt: non  
 modò quæ ciuili, verumetiam quæ ho-  
 norario iure cōparatæ fuerant. l. quam-  
 uis, 40, D. ad Trebell. Vtiles autem pro-  
 pterea illæ actiones appellantur, quòd  
 eas utilitas publica flagitet. l. eum qui, 5,  
 §. pen. D. de const. pec. & eas æquitatis

ratio suadeat. l. alterius, 20, D. de tut. & rat. quæ (vt dixi) prætori eiúsque consilio probanda est. Et eandem ob causam dicitur prætor, cum hanc actionem cōcedit, auctori succurrere: quippe, à iure ciuili destituto. l. si mulier, 21, §. vlt. D. quod met. caus. Itémque actionem accommodare: quasi non directū & summum ius, sed facilitatem & benignitatem sequatur. vt l. j, C. de inoff. l. vxor, 55, in fi. D. de don. int. vir. l. eleganter, 24, D. de pig. act. l. pater, 7, C. de pact. conu. Ac ne illud quidem prætermittendum est; tantam harum utilium actionum vim esse, vt interdum is qui utilem habet, præferatur ei, cui directa competit: vt in specie l. in causâ, 27, §. vlt. & l. procuratore, 55, D. de procur.

Secundum subsidium fuit Actionum prætoriarum, id est, quæ præter legitimas, usu rerum postulante, à prætoribus instituebantur: & ab iis quæ ipso iure competunt, distinguntur. l. 3, D. rem pup. sal. for. §. non autem, Inst. de perp. & temp. veluti, Constitutoria, Exercitoria, Institutoria, Tributaria, Seruiana: quæ propterea modò prætorix, modo honorariæ

norariæ dicebantur: & ex prætoris iurisdictione introductæ. l. actionum, 25, §. ult. D. de obl. & act. §. item Seruiana, & §. seq. Inst. de act. §. introduxit, Quod cum eo qui in al. atque ob eam causam legitimis & directis opponuntur. vt l. 5, §. ult. D. de his qui deiec. l. electio, 26, §. 2, D. de noxal. nam Directæ ex illis legum verbis, quæ imperandi modo concipiebantur, ipso iure ciui R. competebant: **DVPLVM PRAESTATO: SOLVITO: DARE DAMNAS ESTO.** Prætor autem plerumque ius ab se introductum, his designabat verbis: **ANIMADVERTAM: DE EO INTERDICAM: DE EO IUDICIUM DABO.**

Tertium subsidium fuit Vtilium, itémque in Factum actionum, quæ ad istarum Honorariarum exēplum institutæ sunt: sicuti priores Vtiles ad exemplum Legitimarum. Eiusmodi est actio utilis quæ ad exemplum Institoriaæ dari dicitur: in l. pen. D. de inst. act. Item utilis constitutoria, quæ utilitatis gratia dari dicitur, in d. l. 5, §. penult. D. de constitut. pecu. Item utilis publiciana. l. sed etsi, 7, §. sed si petenti, D. de publ. Item



vtilis Seruiana: l. 1, C. de prec. l. 1, §. cūm prædium, D. de pign. l. 1, C. cōm. de leg. Earum autem in factum actionum quæ ad prætoriarum exemplum institutæ sunt, exemplo est, ea quæ causâ iurisiurandi datur. l. actori, 8, C. de reb. cred. & l. sed si possessori, 11, D. de iureiur. quæ eadem utilis appellatur, in l. si duo, 13, §. j. & l. quod si, 29, D. eod. eodēque modo ad exemplum actionis Ad exhibendum, in factum actio conceditur. l. 3, §. interdum. l. 9, §. si tibi decem, D. ad exhib. l. 7, C. eo. l. in rem actio, 23, §. item quæcunque, D. de rei vind. l. si heres, 63, De leg. 2.

Quartum subsidium fuit earū actionum, quæ Vtiles in factum ciuiles præscriptis verbis incertæ & incerti appellantur: & ex iis negotiis conceduntur, quæ bonæfidei contractibus proxima sunt: quorum negotiorum causâ nullæ neque ciuili, neque prætorio iure constitutæ actiones fuerant. l. 1, D. de æstim. l. j, & pass. D. de præscr. verb. Sed de his aliquanto post, vbi institutam enumerationē transegerimus, commodior erit differendi locus.

Nam

Nam quintum & postremum subsidium, quasique perfugium fuit, Actio de dolo: cum ceterarum omnium actionum nomina deficiebant: ac prætori dolus apparebat. l. 1, §. 3, & §. ult. D. de dol. l. 2, C. eod. quinetiam cum famosa illa esset actio, institutum est, ut quam rarissimè concederetur: ac plerunque ita facti narratio verbis temperaretur, ne doli mentio fieret: atque in factum actio institueretur. velut in l. rei quam, 33, D. de dol. mal. & si quando aduersus parētem, aut patronum, aut coniugem ageretur. l. non debet, 11, D. de dol. l. 5, C. eod. l. 1, C. de iur. dot. Quo loco intelligendum est, cum genera quædam delictorum essent; propter quæ vel nullæ ciuili iure proditæ actiones fuerant, vel proditæ quidem fuerant, sed prætor eas sibi quoque res curæ esse demonstrare vellet: nouas eum illarū nomine actiones comparasse: quarum aliæ in edicto propositæ sunt, & nominatim In factum appellatæ: velut in l. 9, D. de reb. auct. iud. l. 10, D. quæ in fraud. cred. l. 7, D. quod fals. tut. aliæ vero causæ cognita decernuntur. l. qui nomine, 25, D. de fals.

quæ scilicet factum notât & puniunt : l. huius actionis, 9, §. j, D. quod fals. tut. cum ex quæ ex maleficiis competunt, ex facto nasci dicantur. quod notatu dignum est. l. actionum, 25, D. de obl. & act. veluti In factû ex lege Aquilia, cum nec oratio, nec sententia conueniebat: hoc est, cû neq; damnum vel corpore, vel corpori datû esset. §. vlt. Inst. ad leg. Aquil. l. si seruum, 33, l. boues, 53, D. ad legem Aquil. l. quia actionum, 11, D. de præsc. verb. Similitérque ad exemplum directæ furti actionis: vt si quis ostenso panno rubro pecus fugauit. l. in furti, 50, §. vlt. D. de furt. si quis alienis equis aut asinis equas suas subiecit. l. si quis uxori, 52, §. si quis asinum, D. eod. Item in specie l. si is qui, 66, §. si te, D. eod. Eiusdem generis est actio aduersus mentorem, qui falsum modum dixit. l. 1, D. si mens. fals. Item aduersus nautas, caupones, stabularios. l. 3, §. 1, D. naut. caup. aduersus eum qui mortuum in alienum locum intulit. l. 1, D. de relig. aduersus eum qui sepulcrum violauit. l. 3, D. de sepul. viol. aduersus eum qui parentem aut patronum sine venia in ius vocauit.

l.4, D. de in ius voc. qui prætoris album  
 corruptit. l.7, D. de iurisd. qui in ius vo-  
 catum vi exemit. l.7, D. ne quis eum qui  
 in ius. Quin etiam cum ne illæ quidem  
 prætorix sufficerent, institutum fuit, vt  
 ad earum exemplum vtilis actiones da-  
 rentur, velut ad exemplum actionis de  
 seruo corrupto, cum filius fa. corruptus  
 est. l. vt tantum, 14, §. 1. D. de seruo corrup.  
 Item ad exemplum actionis Si mensor.  
 l. si mensor, 55, D. ill. tit. Item ad illius Re-  
 ligiosæ exemplum, Siquis mortuum in  
 alienum locum intulerit. l. is qui intu-  
 lit, 7, §. j, D. de relig. quæ omnes actio-  
 nes, sicuti superiores illæ Vtilis, quas  
 ad exemplum ciuiliū comparatas esse  
 diximus, causâ cognita decernebatur.  
 l. item apud, 15, §. prætor ait siquid, 31, D.  
 de iniur. qua de causâ cum illæ quæ ex  
 edicto competebant, Honorariæ dice-  
 rentur, hæ quæ Decretales erant, ab Ho-  
 norariis separantur. l. is cui, 42, §. j, D. de  
 obl. & act. eandemque ob causam Ex-  
 traordinariæ appellantur. l. quæ reli-  
 giosis, 43, D. de rei vind.

Atque ad hoc In factū genus extre-  
 mi omnium subsidij, quasique perfugij,

referenda est illa In factum actio, de qua concertatum est inter Mauritianum & Iulianum. l. 7, D. de pact. Nam ex conventionione, Do Stichum, vt Pamphilum manumittas : manumisisti : cuius est Stichus: quærebatur, quænam actio daretur? Iulianus in factum actionem à Præ-tore dandam existimabat, quasi ciuile negotium illud nō fuisset: neque synallagma contractum : sed perfidia dolo & delicto proxima: vnde In factum extraordinariæ actiones competunt. Mauritianus contrà ciuile negotium gestum esse disputabat, & synallagma contractum; ob eamque causam præscriptis verbis actionem sufficere: neque ad illud extremum subsidium perfugiendum esse. Ex quo intelligitur, verissimè ac rectissimè, siue à Duareno, siue à Barone, doctiss. viris, animaduersum esse, verbum CIVILEM tollendum esse ex fin. §. at cum do, l. 5, D. de præsc. verb. Quod verò nouum nemini videri debet, in eadē ipsa quæstione Vlpianus & Paulus inter se dissenserunt. nam Iuliano Paulus adstipulatus est, in d. l. 5, §. 1. Mauritiano verò, Vlpianus in d. l. 7, De pact. tantumne? Imò verò,

verò, etiam in l. 3. in fi. princ. D. de cond. causs, dat. vbi conuentionem illā difer-  
tè Contractū appellat: Si nihil tibi dedi  
(inquit) vt manumitteres, placuit tamē  
vt darem, vltro tibi cōpetere actionem  
quæ ex hoc contractu nascitur: id est,  
condictionem defuncto quoque co.  
Quo loco cum dubium non sit, quin  
certi condictionē generalem intelligat,  
perspicuum est, ex illo contractu duas  
actiones cōpetere: Condiçãoē certi,  
& ex Mauritanii sentētia, Cōdiçãoem  
incerti præscriptis verbis: vt appellatur  
in l. duo, 19, §. 1, D. de precar.

Sed nunc tempus est ad illas Ciuiles  
in factum præscriptis verbis accedere.  
nam quæ Præscriptis verbis vulgò appel-  
lantur (nihil temerè affirmare volu-  
mus, sed modestè coniecturam nostram  
eruditioribus exponere) non absurdè,  
opinor, neque ineptè disputari potest,  
eas *Præscriptis verbis* appellatas fuisse: quia  
cum veteres illæ peruulgatæ, solennes,  
vfitatæ, legitimæ notis tantum (vt sup.  
dictum est) designarentur, hæ ple-  
nis & integris verbis perscribentur:  
neque certa & compendiosa formula

conicipiebantur, vt illæ antiquæ: sed dif-  
fertè, plenè ac dilucidè, & (vt Theoph.  
dicere folet) *δεν μὲν τὴν* factum, id eft, con-  
uentionem, negotium, rem gestam ex-  
ponebant. quales funt, quibus hodie  
gentes, opinor, vtūtur omnes: quarum-  
que formulas videre licet apud Specu-  
lat. & Petr. de Ferrar. & alios eiuſdem-  
modi pragmaticos. cui coniecturæ val-  
dè conſentaneum illud eft in fin. l. 6, C.  
de tranſact. **VTILIS ACTIO QVAE PER-**  
**SCRIPTIS VERBIS REM GESTAM DE-**  
**MONSTRET, DANDA EST.** nam *Perſcri-*  
*bendi* verbum vſitatè cum hac voce *Verba*  
coniungitur. vt Philipp. v. S. C. his ver-  
bis cēſeo perſcribendū. Prætereà (quod  
in hac diſputatione caput eſt) veteres  
*Notis ſcribere & Perſcriptis verbis ſcribere* com-  
parare & opponere ſolebant. Paulus in  
l. Lucius, 40, D. de teſt. mil, Titius miles  
notario ſuo teſtamentum ſcribendum  
notis dictauit: & antequam literis per-  
ſcriberetur, vita defunctus eſt. Nā quod  
in quibuſdam libris ſcriptum eſt, *Preſcri-*  
*beretur*, perſpicuè abſurdum eſt. Sueton.  
in Galbā: Obſeruauit antè omnes Li-  
uiam Auguſtam, cuius mortuæ teſta-  
mento

mento penè ditatus est. H-S. nàmque quingéties cum præcipuū inter legatarios habuisset, quia verò notata <sup>QVINQ</sup> non perscripta erat summa, herede Tiberio legatum ad quinquaginta reuocante, ne hæc quidem accepit. Cicero pro Sylla: Itaq; introductis in Senatum indicibus, constitui Senatores qui omnia indicum dicta, interrogata, responsa perscriberent: id est non notis, vt notarij, tabelliones, actuarij, sed plenè describerent. sic enim infert: At quos viros? non solùm summa virtute & fide, cuius generis in Senatu facultas est maxima: sed etiam quos sciebam memoria, scientia & celeritate scribendi, facillimè quæ dicerent, persequi posse. C. Cosconium, qui tunc erat Prætor: M. Messalam, qui tum præturam petebat: P. Nigidium: Appium Claudium. credo esse neminem, qui his omnibus aut verè referendis, aut etiam scribendis putet ingenium defuisse. Quin ne illa quoque respuenda coniectura videtur, cùm Inscripta maleficia dicerentur (vt suprà demonstratum est) de quibus nulla publicorum iudicio-



rum lege cautum fuerat: constet autem has actiones ex inscriptis, id est, innominatis contractibus cōcedi, quoniam actiones ex nominatis contractib. institutæ Perscriptæ dici nō poterāt, quia notatæ tantū erāt, ac proinde inscriptæ: factum, ut istæ quæ plenīs verbīs exaratæ apud prætorē ederētur, Perscriptæ, siue Perscriptis verbis appellaretur. Ac moueri quidē vehemēter me fateor tāto & tā constāti librorū omniū cōsensu: neq; alia vlla re, meā assensionē inhiberi. Sed vicissim illud cogito: primū nulla esse apud veteres auctores verba tā crebro inter se cōmutata, quàm Præscribere, & Perscribere. quod vel vnus Cicer. libri documēto esse possunt. deinde, probabile videri, Græcos homines, Latinæ linguæ imperitissimos, cuiusmodi Tribonianum, eiusq; asseclas fuisse constat, huius erroris auctores fuisse: in iis præsertim locis, in quibus iā inde ab imperio Constantini Magni Romanum ius à Græcis pragmaticis Græce tractari cœperat, eo more, quē apud Theophilū licet animaduvertere: quē & Romanæ consuetudinis, & earum Antiquitatū, quæ ad has formulas pertinebāt, imperitis-

finum fuisse, nemo, opinor, mediocriter in iis exercitatus negauerit.

Neq; verò mouere nos illud debet, q̄ nomen istud *Per scriptis verbis* in iis tātūm actionib. propriè vsurpatur, quæ ex innominatis cōtractibus cōpetunt. cū tamē aliæ præterea innumerabiles, plenis verbis perscriberētur: atq; iccirco In facturū & Vtiles appellarentur. nam cū reliquæ omnes suū haberēt nomen, aut propriū, aut mutuò accēptū, factū est, ut hæ quib. speciale deerat nomē, generali nomine designarētur. quē admōdū videmus Subsidiariā actionē propriè appellatā esse, quæ pupillo aduersus magistratus, qui tutores dederūt, datur. l. j, in princ. & §. nō tantū, D. de mag. conuen. cum tamē innumerabiles aliæ actiones sint, quæ deficientibus directis subsidio cōcedi solent. Itēm q; Pacti cōuenti nomen, quod apud veteres generis nomē erat, & cōtractus omnes tū nominatos, tū innominatos cōplectebatur: sicuti de Conuentione dicitur in l. 1, D. de pact. tamen à Iuriscōsultis ad eas solas cōuentiones restrictū ac reuocatū fuisse, quæ neq; nomē, neq; cām habēt. l. 7, D. ill. tit.

Verū hoc planius explicandum, &

exemplis illustrandum est. Ergo quantum ad primam Vtilium speciem, quæ ad Ciuilium exemplum institutæ sunt, satis cõstat, eas Directarum suarum nomen mutuari. cuiusmodi est, *Ex empto utilis*, in l. eleganter, 24, D. de pign. act. l. Iulianus, 13, §. si procurator, 21, D. de act. empt. Item *Mandati utilis*, in l. si verò, 12, §. si filio, D. mand. l. quidam, 46, in fi. D. de hered. inst. quæ eadem alibi, *In factum mandati* appellatur. l. si mandauero, 22, §. si curator, D. mand. & l. quæsitum, 8, D. de prec. & Extraordinaria dicitur. qua de causâ mādati ordinariæ actioni opponitur, in l. qui mutuat, 56, §. ult. D. ill. tit. Atque hoc eodem modo responsum volumus ad illam obiectionem, si quis disputaret, quatuor conditiones naturales, Causâ dati causâ nō secuta, Indebiti, Ob turpē causam, & Sine causâ dati, quæ ex bono æquo institutæ sunt, nusquam *Per scriptis verbis* appellari. Nam cū omnes sint conditiones certi, generale principalis actionis nomen retinent: quòd est, *Si certum petatur*. l. j. D. de tritic. l. j. D. de interrog.

Quantum ad secundam vtilium speciem,

ciem, quæ ad prætoriarum exemplum institutæ sunt, similiter respondendum est, eas principalium nomen retinere: vt superius de Constitutoria vtili, & Publiciana vtili, & Seruiana vtili dictum est. Postrema autem species proximæ De dolo actionis nomen retinet: sed verbis temperatur, ne doli mentio fiat: inquit l.7, §.3, & §.vlt. D.de dol. l.7, §.1, De intég. rest. Alterum autem illud In factum actionum genus, quod ex delictis nascitur, etsi plenis quoq; verbis perscribebatur, tamen iccirco Perscriptis verbis, non appellatur: quia nomen hoc propriè ac specialiter retentum est in iis, quæ ex contractibus descendunt: vt omittam, quòd pleræque illarū nomen suum habent: veluti, Albi corrupti, Sepulcri violati, &c.

Deinceps operæpretiū esse arbitror, aliorū doctōrum hominum de hac appellatione cōiecturas cōsiderare. Nam Eg. quidem Baro vir doctiss. hanc attulit, quòd actio In factum à prætore concipiebatur præscriptis in factū, hoc est, pro modo facti expositi à litigatore verbis. Hunc autem Fr. Duarenus Iuriscōs.

eruditiss. subsecutus, De quibus, inquit, negotiis certa agendi forma conscripta non fuerat, actio verbis in factum præscriptis & conceptis instituebatur. Hæc enim vtriusque illorū verba sunt. Et hanc illorum sententiam olim adolescens secutus, hoc argumentō confirmabam: quòd cū inter aduersarios in edēda actione cōuenisset, quibus inter se verbis disceptarent, Prætor qui ab iis aditus in ea verba iudiciū dabat, verba iis præscriberet, quibus apud Iudicē Recuperatorēsve litigarēt. nā post litē contestatā regulariter mutare actionis formulam non licebat. l. 2, C. de edend. l. 1, C. de lit. contest. Addidi autē *Regulariter*: quia cū grauior erat formula, mutare illam, etiam post litē cōtestatā in leuiorē licebat. l. 4, §. si detracta, D. de noxal. Et que cōiecturæ consentaneū videbatur, quod Præscribendi verbum & Iuriscōsultis & formulis accommodatū erat: vt apud Cic. in Catone: Nihil Sex. Aelius tale, nihil multis annis antè T. Coruncanius, nihil modò P. Crassus: à quibus iura ciuibz præscribebātur. & in Oratore: Quid est q̃ præscriptū aut formulam exprimas?

exprimas? Eo accedebat, quòd de constituendo certis verbis iudicio Cicero in Partit. ita scribit: Antè iudiciũ de cõstituendo ipso iudicio, solet esse cõtentio, cùm aut sitne actio illi qui agit, aut illane lege, aut hĩsne verbis quæritur. quæ etiam si antequã res in iudiciũ venit, aut concertata, aut diiudicata, aut confecta sit, &c. Et mox: Quare de constituendis actionibus, accipiendis subeundis que iudiciis, de excipienda iniquitate actionis, & ferè generis eius sunt, vt quãquam in ipsum iudiciũ sæpè dilabãtur, tamẽ antè iudiciũ tractãda videantur, paululum ea separo à iudiciis, &c. cuius rei etiam vestigium extat in l. quĩ seruũ, 34, D. de obl. & act.

Atque hæc quidem vetus, vt dixi, nostra fuit coniectura: quæ duorum doctissimorum hominum, qui tum iurisprudentiæ laude in primis florebant, auctoritate nitebatur. Sed animaduerti postea, complura ei aduersari. primum quòd Prætor nunquam actionũ verba præscribebat: quemadmodum Cicero in ea pro Cæcina his demonstrat verbis: Etenim si prætor is qui

iudicia dat, nunquam petitori præstituit, qua actione illum uti velit: videre, &c. Quamvis enim idem, lib. de art. Rhet. 2. scribat in iure certo quodam modo agendi potestatem dari, & omnem conceptionem priuatorum iudiciorum constitui solitam, tamen id non tam ad actiones in factum pertinet, quam ad directas & solemnes, cum reus interdum nullam actori competere formulam contendeat: quæ de re Prætor summam cognoscebat. l. postquam, 43, in fin. D. de her. pet. l. si cum dotem, 22, §. necnon, D. solut. matr. Interdum actor purum iudicium postulabat, reus exceptionem addi oportere contendebat. ut in iisdem illis & Part. & artis Rhet. locis perspicue traditur. adeo ut propter denegatam exceptionem Tribuni interdum appellarentur, ut Cic. lib. de fin. v. significat. Et hanc interpretationem adiuuat, quod Paulus in libro singulari De conceptione formularum De exceptionibus tractavit: ut patet ex l. exceptiones, 20, D. except. Iam verò si quoties priuatorum iudiciorum conceptio (ut Cic. scribit) constituitur, toties præscriptis verbis actio

actio daretur, nullum ferè iudicium  
 esset, quin præscriptis verbis diceretur.  
 Quinetiam stricta iudicia, à quibus lon-  
 gissimè omnium natura istarum actio-  
 num abhorret, præcipuè omnium hoc  
 nomine appellāda essent: cū satis con-  
 stet, Prætores in iis constituendis an-  
 gustissimam verborum formulam iu-  
 dici ab se dato circumscribere, à qua  
 ne latum quidem vnguem discedere li-  
 ceat. §. si quis agens, 28, Inst. de action.  
 l. in actionibus, 5, D. de in lit. iur. Quare  
 probabilior illa superior cōiectura no-  
 stra videtur, de verborum perscriptio-  
 ne, qualis hodie in iudiciis vsurpatur:  
 primū, vt iis quæ notis constabant,  
 opponantur: deinde vt singulare hoc  
 nomen vni alicui certo contractuum  
 generi propriè ac præcipuè attributum  
 ei soli cui attributum est, relinquamus;  
 neq; nomen, quòd generale & omnium  
 omnino conuentionum commune esse  
 constar, ad hanc vnicam speciem re-  
 stringamus.

Sequitur altera coniectura. nam vi-  
 deo esse qui Harmenopuli Græci ho-  
 minis auctoritate adducti, Præscriptis



verbis iccirco has appellari actiones tradunt, quòd ex antè scripta cōuentio ne concedantur: quoniam Græcè has appellat *ἐργασίας τῶν περιγεγραμμένων συμφώνων*. Sed videamus, primùm, ne si hoc vèrum esset, nullo ex contractu hæc actio daretur, nisi qui scriptus, ac literis mādatus fuisset. quod mihi non fit verisimile: credere, inquam, non possum, ceteros omnes contractus, negotia, conuentiones, nuptias denique, sinè scriptura fieri posse; solos istos innominatos non posse. l. 4, D. de pign. l. 4. D. de fid. instr. Quinetiam harū actionum species profertur in l. si dominus, 8. D. de præscr. verb. vbi scriptum nihil fuerat. Præterea vt *Præscribere* interdum ac perrarò vsurpetur pro *Antescribere*: & *Præscriptis verbis* actio dicitur, quoniā ex ante scripto contractu innominato conceditur: tamen *Ex præscriptis verbis* dicenda potius fuisset, quàm *Præscriptis verbis*; sicut Actio *ex syngrapha*, apud Cicer. in ea pro Muren. Item Actio *ex pacto*. l. 6, D. de pact. Actio *ex contractu*, Actio *ex stipulatu*, Actio *ex testamento*. l. si is qui, 18, l. actionū, 25, l. in honorariis, 35, §. j, D. de obl. & act. D. j, Inst. de

de verb. obl. l. inter stipulantem, 83, §. si rem quam, D. de verb. obl. item Actio *ex spōsa* apud Cic. in ea pro Quintio. & Actio *ex sponsu*, apud Gell. lib. 4. cap. 4. Item Actio *ex facte*. l. actionum, 25, D. de obl. & act. item Actio *ex recepto*. l. 3, §. ult. D. naut. caup. stab. item Actio *ex ante gesto*. l. ult. §. vl. D. quæ in fraud. cre. Sic passim Actio *exempto*, *ex locato*, *ex conducto*: quæ quâquam præcisè *Empti*, *Locati*, *Conducti* appellètur, tamen illa præcisio in hoc genus non conuenit. Tertiò si præscriptis verbis actio nominaretur, quæ ex ante scripta conuentione datur, non horum in-nominatorum propria hæc esset appellatio: sed communis aliarum omnium, quicunque scriptis comprehen-si essent.

Sequitur altera coniectura, quæ nihilo mihi probatur magis: vt *præs-*  
*criptis verbis* dicatur, non quæ ex ante scri-  
pto, sed (vt ait Melchior Klingius) per quam agimus ex præscripto ver-  
borum, quibus contrahentes vsi sunt:  
vel vt alij dicunt, quod ex præscripto  
conuentionis datur: quod secundum  
præscripta conuentionis verba datur:

secundum quod conuentione præscriptum est: propter l. 1, §. si quis seruum, D. de pos. ubi scriptum ita est: *Sequemur tamen & quod habuerint præscriptum, aut quod conuenerit.* Iuuari etiam illa coniectura potuisset eo loco, qui apud Varr. lib. de re rust. 2. ita scriptus est: *In emptionibus iure utimur eo quod lex præscripsit.* quo verbo conuentionem intelligi siue scriptam, siue nuncupatam, nemo inficiabitur. Verùm intelligendum est, quantum ad §. si quis seruum, primùm Florent. libros utroque loco *Præscriptum* habere. ut nihilomags illis liceat *Præscriptum*, quàm mihi *Percriptum* restituere. quod multo & aptius, & commodius esse, nemo, qui Latinæ linguæ consuetudinem norit, non videbit. Deinde cùm *Præscriptum* ab *Eo* quod conuenit separet, annon apertè ostendit, illo verbo conuentionem literis mandatam designari: hoc verò eam quæ scripta non est? Quod cum ita sit *Præscriptum conuentionis* illo loco generaliter intelligi non potest, pro lege conuentionis, ut Varro locutus est: sed specialiter intelligendum est, de legis conuentione scripta, & literis consignata:

signata: vt faciliè appareat, locum illum Pomponij qui scriptas conuentiones à nuncupatis distinguit, nihil prorsus ad hanc disputationem pertinere. Acrius multò Varronis vrget locus, quasi Præscriptis verbis actio dicatur, quæ ex præscriptis & conceptis conuentionis verbis informatur, sicuti dicimus Actionē informari pactis incontinenti appositis. nam *Præscriptum* apud Varronem idē esse quòd apud nostros *pactum consentum*, nemo negauerit: sicuti Præscriptum legum publicarū dicimus, pro præcepto & iussu. l. eos qui, 27, D. de fals. Sueton. in Claudio. Nec semper præscripta legum secutus, duritiem multarum ex bono & æquo moderatus est. nam & iis qui apud priuatos Iudices formula excidissent, restituit actiones. Quod enim illo loco interiectū est *PLUS PETENDO*, nihil affirmo, sed suspicari aliquis posset ex glossa sumptum esse. Vt cumque sit, huic quoque coniecturæ multa obstat. primū illa coniugati absurditas, quā modò commemorauī. nam *actio ex præscripto*, vel *ex præscriptis verbis* dicenda fuisset, non autem *actio præscriptis verbis*: vt actio

*ex facto, ex stipulatu, ex recepto, ex constituto.* deinde ista ratione omnes actiones quæcunque ex pactis conuentis incōtinenti appositis informarentur, atque ex præscripto legis & pactorum conciperentur, *præscriptis verbis* dicendæ essent. quo nihil alienius dici posse, documento est l. 2, §. nunc de officio, D. de eo quod cert. loc. vbi Vlp. ait, iudicem in actionibus strictis, (à quibus harum actionum natura longissimè abhorret) præscripto contractus astrictū esse, cogique illi seruire; neque ab ea discedere illi licere. Huc accedit l. j, §. igitur, D. de exercit. sed præsertim l. in commodato, 17, §. j, D. cōmod. vbi dicitur, in cōmodato præscribi solitum vtendi modum: & secundum illud præscriptum actionem institui. An igitur præscriptis verbis? nihil profectò minus: sed directam commodari. nam quæcunque in bonæ fidei contractib, nominatim conuenerunt, ea directā cōtractus actione petuntur. l. ex empto, 11, D. de act. empt. l. scimus, 43, D. de pact. veluti, si in emptione cōuenerit, vt pretium augeatur aut deminuatur, directā empti venditi actio est. l. pacta, 72, D. de contr.

contr. empt. l. 2, D. de resc. vend. si con-  
 uenerit, ut nisi pretium intra certum  
 tempus solvatur, res inempta sit, eadem  
 datur actio. l. 4, D. de leg. commiss. l. 3,  
 C. de pact. int. empt. quinetiam si pactū  
 fuerit de resoluenda venditione, veluti  
 ut si res intra certum tempus displicue-  
 rit, inempta sit, tamen ex empto com-  
 petit actio. l. 3, D. de contr. empt. l. 6, D.  
 de resc. vend. Neque obstat, quod Pau-  
 lus ad Sabinum adiecit, etiam eo nomi-  
 ne proximam empti in factum actionē  
 dari: quod idē traditur in l. 2, C. de pact.  
 int. empt. quia tum non quasi emptio  
 spectatur, sed quasi ob causam datum:  
 nimirum quasi Do ut facias: Vēdo tibi,  
 ut si displicuerit, restituas. Atque ita vi-  
 demus alio loco Præscriptis verbis a-  
 ctionem cum Directa concurrere: in l.  
 Labeo, 50, D. de cont. empt. Emo abs te  
 bibliothecam, si Decuriones mihi locū  
 ad ædificandum dederint. per me stetit,  
 quominus dent. si conuentio hæc ut  
 emptio venditio cōsideretur, ex empto  
 competit actio: sin ut ob causam datū,  
 præscriptis verbis. Similem huius actio-  
 nis concursum videmus cum actione

ex locato conducto. l. 5. §. nunc videndum, D. commod. Item cum communi diuidundo. l. si conuenerit, 25, D. comm. diu. Perspicuum est igitur, præscriptis verbis actionem non ideo appellatam esse, quod ex quouis præscripto & pacto conueto concipiatur: sed certas esse conuentiones, & abnormes contractus, ex quibus solis detur.

Nunc proximum esse arbitror, ut ostendamus, quamobrem istæ perscriptis verbis actiones modo Ciuiles, modo Infactum, modo Incerti, aut Incertæ appellentur, velut in l. 7, in prin. D. de pact. nam Ciuiles quidem ideo dici arbitror, non tam quia Iuris ciuilibus sunt, l. permisti, 16, D. de præsc. verb. quam quia ciuile negotium, id est, ciuitatis moribus comprobatum gestum fuerat. l. 1, D. de æstim. quod Vlp. Synallagma nominat, d. l. 7, D. de pact. Paulus verò Ciuilem obligationem, in l. 5, D. de præsc. verb. Infactum autem ideo appellantur, quod factum, id est, res inter contrahentes gesta ab actore perscribitur. l. 6, C. de transact. Incertæ autem ideo dicuntur, ut in l. 6, C. de rer. permut. l. 3, C. de inut. stip.

stip. quoniam cū ex incerto contractu nascantur (vt sup. dictum est) proprium actionis nomen non habent: vt ait Papin. l. j, D. h. tit. nullæ illarum appellationes Iure ciuili proditæ sunt: ait Iulianus in l. 3, eod. quia nonnunquam eiusmodi conuentionis species occurrunt, & tam multorum contractuum affinis, sed tamen, vt sæpe iam diximus, abnormis, vt vix, ac ne vix quidem ab illis internosci possit. cuiusmodi est Aestimatoria, vti patet ex l. j, D. de æstim. Itaque ne qui perperam ageret, & non idonea formula vteretur, amittendæ litis periculum adiret: Iurisconsulti cautionis causâ istas perscriptis verbis actiones instituerunt: quod his peruulgatis verbis significât: *TVTIVS EST, vel MELIVS EST.* l. 5, §. pen. l. si gratuitam, 17. l. rogasti, 19, l. titius, 24, D. h. tit. Cur autē Incerti conditiones appellentur, vt in l. duo, 19, §. j, D. de prec. hæc causâ est, quoniam per eas id quod interest exigitur, quod incertum esse constat. l. vlt. D. siq. in ius voc. l. & ideo, 12, §. vlt. D. de cond. furt.

Deinceps etsi institutæ disputationi

M. iij.



fatis factum arbitror, tamen non alienū videtur, aliquot harum actionum exempla proponere. Primū autē illud præmuniendum est, Cōventionum omnīū quibus causā subest, quibus *συτάλλαγμα* cōtrahitur, siue illæ nomē habeāt, siue nō habeāt, summa genera esse quatuor: Do vt des Do, vt facias: Facio, vt des: Faciō, vt facias. l. 5, §. j, D. de præsc. verb. de quibus singulis eo quē proposuim⁹ ordine differemus. ac primū de DO VT DES: ex quo cū quædam negotia recepta in leges antiquas, atque ab iis certo iure publico conformata fuissent, velut i Emptio, & venditio, depositum, commodatum: tum verò alia (vt sup. diximus) innumera prætermissa fuerunt: ē quibus Permutatio est, quæ emptioni & venditioni proxima dicitur: id est, quasi abnormis emptio-venditio: quoniam illa merce & pretio, hæc rebus cōstat. l. pen. C. de rer. permut. Itēque Precarium, quod Commodato proximum dicitur: id est, quasi abnorme commodatum: in l. j, D. de prec. qua de causa nulla illorum nomine antiquitus prodita actio est. l. 1, D. de rer. permut. l. inter-

terdictum, 14, D. de precar. Qua propter  
 licebit auctori rem vti gesta est plenè  
 perscribere, atque illis perscriptis ver-  
 bis actionem intendere. d. l. j, & l. 2, l.  
 duo in solidum, 19, §. vlt. D. de prec. Ex  
 eodem genere illa cõuentio est, vt si  
 vendita res intra certum tempus displi-  
 cuerit, reddatur. nãm proxima Empti in  
 factum dabitur: ait l. 6, D. de resc. vend.  
 Ad commodati quoque similitudinem  
 accedit Conuentio, vt in alieno habi-  
 tetur. l. si gratuitam 17, D. h. t. l. j, D. com-  
 mod. Item, vt duo alternis dieb. alter  
 alterius boue ad suum fundum arandũ  
 vtantur. d. l. 17. §. sicũ vnum. Societati  
 autem gemina est conuentio partiaria:  
 veluti Coloni, qui partibus colit: l. si  
 merces, 25, §. vis maior, D. locat. vel pa-  
 storis, quocum foetus cõmunicatur. l.  
 8. C. de pact. Item conuentio, vt is cui rē  
 certo pretio vendēdam dedi, quo plu-  
 ris vendiderit, sibi habeat. l. si tibi rem,  
 13, D. h. t. l. si margarita, 44, D. pro soc.

Sequitur genus, DO VT FACIAS, sub  
 quo receptum legib. antiquis negotiũ  
 est Locationis & conductionis: cũ &  
 opera eiusmodi est, quæ mercede con-

M. ilij.

ducatur, & merces in pecunia numerata constituit. quo casu directæ Locati & conducti actiones cōstitutæ sunt. quòd si vel factum mercenarium non est, vel merces non in pecunia cōsistat, tū per scriptis verbis agendum est: veluti cū quid datū est, vt seruus manumittatur, vel vt filius emancipetur. l. 5, §. j, l. 7. D. de præsc. verb. l. j, D. de cōd. caussa dat. aut cum mensor agrū ad mensus est, & modum renūciauit. nam eius opera magis honoraria, quàm mercenaria est. l. j, D. si mens. fals. vel pistrinarius, cui custodiendus seruus datur, pro custodia serui operis vtitur: l. j, §. si quis seruum, D. de pos. Sub hoc autem eodem articulo alij quoq; illi continētur, de quibus est in l. Senatus, 35, §. j, D. de mort. cau. don. *Do ut faciam*: hoc est, vt mihi per te facere liceat. *Do ut L. Titius faciat*: veluti, do virgini, vt eam vxorem L. Titius ducat. l. 7, §. j, & ll. seqq. D. de cond. caussa dat. Potest etiam addi, *Ne facias*: veluti ne ad iudicem eas, ne seruum alienes. l. 3, D. de cond. cau. dat. l. 3, C. eod. At illud tertiū, vt aliquid cōtingat, i. si quid cōtingat, si tibi filius nascatur, sub hoc articulo  
. non

non continetur: quia conditio hæc est, non modus. Modus est per *VT*, vel *NE*: conditio, per *SI*: vt in Rubr. Cod. de don. quæ sub mod. vel cond. & in Rub. Dig. de cond. & demonst. itémq; in l. sin autem, 29, D. de leg. I. Propterea autem conditionem non recipimus, quia conditio dationem suspendit: vt patet ex donationibus caussa mortis. l. non videtur, 32, D. de mort. caussa don. at hic dationem aut factum perfectum requirimus. l. j, D. de rer. permut. nam pactum de dando aut faciendo, per alterutrius dationem aut factum euadit contractus. l. 3, D. de con. caussa dat. l. legem, 9, C. de donat.

Sequitur illud genus *FACIO VT DES*: sub quo legibus antiquis recepta locatio & conductio fuit. Pingo tabulam, aut veho merces, vt tantum soluas. neq; meo iudicio, dubitari potest, quin *Facio vt des* cum illo superiore *Do vt facias*, conuertatur. Nam etsi locatio & conductio magis ex datione, id est, pactione mercedis, quàm ex facto initium sumat: quæ de caussa merces Auctoramentum dicebatur: tamen post conuentionem sæ-

pius opera præcedit, merces sequitur. unde Merces quæ antè opus effectum datur, prærogari dicitur: id est, ut Seneca loquitur, in antecessum dari. l. sed addes, 19, §. si quis cum, D. locat. Nōnulli tamen casus sunt, quib. dici propriè Locatio & conductio non potest. velut in illa superiore specie, si quis seruum manumiserit: ex qua an nulla, aut verò quænam competat actio, magna quaestio est: de qua non puto ne inter veteres quidem Iurisconsultos constituisse. Nam Paulus in d. l. 5, §. at cum do, in fi. D. de præscr. verb. Iuliani sententiam probat, ut vel de dolo, vel eius subsidaria in factū detur: quasi gestū ciuile negotium non fuisset. Mauritanus verò contractum synallagma disputabat: cui Vlp. adstipulatur, non modò in l. 7, D. de pact. verum etiam in l. 3. in fi. princ. D. de cond. caus. dat. cui, si quid mei iudicij est, astipulor: propter regulam, ut quotiescunque aliquid certa lege datur, aut fit, toties contractum synallagma, id est, gestum negotiū dicatur. l. 2, D. de cond. ind. l. senatus, 35, vers. Ergo qui mortis, D. de mort. caus. dot. quamuis propter  
id

id factum nihil ei qui fecit absit. veluti,  
 cum quis furem qui in fuga est, indica-  
 uit. l. solét, 15, D. de præsc. verb. Prætereà  
 cum Papin. ciuile negotium esse affir-  
 met, si quid datum est vt seruus manu-  
 mittatur: quidni ex aduerso ciuile quo-  
 que negotium dicitur, si seruus manu-  
 missus est, vt aliquid detur? l. 7, D. h. tit.  
 Pauli tamen, id est, Sabinianorum (vt  
 opinor) sententiam secutus est, Imp. in  
 l. 4, C. de dol. mal. quæ ad illud manu-  
 missionis factum specialiter pertinet:  
 neque aliorum distorquenda est. nam  
 Proculianos Vlp. auctores laudat in d.  
 l. 3, De cond. caus. dat. Et has conten-  
 tiones Paulus quoque Castrensis ani-  
 maduertit in d. l. 5, D. de præsc. verb. vbi  
 non irridiculè scribit, si Paulus Iurisc.  
 reuiuisceret, cum satis in illis ænigma-  
 tis dissoluendis negotij habiturum.  
 Quantum autem ad ceteras omnes fa-  
 ctorum species, id est, eas quæ in loca-  
 tionem & conductionem cadunt, inge-  
 nuè fateor me à communi receptaque  
 sententia vehementer dissidere, sem-  
 pèrque dissidisse: vt iam pridem in Instit.  
 commet. sum testatus. Quod enim Pau-

lus scribit, si faciã vt des, & posteaquam feci, cesses dare, nullam esse ciuilem actionem, sed de dolo: nunquam mihi dubium fuit, quin ad proximam superiorem speciem, de serui manumissione reuocandum ac restringendum esset, in quo (vt dixi) Paulus Sabinianos secutus est. Nam ecqua tandem fingi caussa potest, quamobrem ciuile negotiũ sit, si nauta onus vnum accipiat, vt decem vehat: non sit autem, si decem vexerit, vt vnum accipiat? cur contractum synallagma sit, si dem tibi vnam ex meis insulis, vt alteram reficias: nõ sit autem, si vnam ex tuis refecero, vt mihi alteram des? l. 6, D. de act. empt. l. 6, D. de præsc. verb. cur ciuile negotium gestum dicatur, si ex pacto prius conuento maritus vxori pecuniam det, vt se in provinciam sequatur: non sit autem, si mulier profecta sit, vt ei maritus ex eodem conuento viaticum soluat? l. inter socerum, 26, §. conuenit, D. de pact. dotal. cur contractum negotium sit, si decem accepero, vt tibi seruum qui in fuga est, indicem: non sit ex contrario, si seruum indicaro, vt decem accipiam? l. solent,



15, D. hoc tit. vbi perspicuè Vlp. ex hac quoque parte gestum ciuile negotium affirmat, ex eoque præscriptis verbis actionem competere, tametsi ad extremū nō corrigēdi, sed amplificādi caussa subiungat, Si tamen dolus appareat, de dolo agi posse. quanquam quid verbis opus est? nam, vt modò dictum est, Vlpianus negotium contractum etiam in illo facto numerat, cū quis seruum vt aliquid sibi daretur, manumisit. Quæstiosi quidem sunt omnes contractus. nā lucri caussa fieri solent, vt ait l. actio-num, 25, §. j, D. de oblig. & act. Non videbatur autem Iuliano, non Paulo, non, opinor, Sabinianis, cōferri in quæstum posse manumissio. At Vlpianus, &, vt opinor, Proculiani omnes cōferri quidem in quæstum & nundinationem manumissionis beneficium nō debere fatebantur: sed non improbandā pactiōnem pauperis hominis, cui vt seruū sibi utilem manumittat, pecunia promittitur. nam isto eodem modo videmus nuptias, quarū dignitas à lucro & quæstu abhorret. l. si is qui, 13, C. de post lim. reuerf. l. 4, C. de don. ant. nupt. pecunia-



riam tamen conuentionem admittere.  
l. si ita stipulatus, 97, §. vlt. D. de verbor.  
oblig. l. 4, C. de cond. insert. l. turpia, 54,  
D. de legat. 1.

Quare vt ad postremum genus accedamus, Facio vt facias, Paulus eodem illo loco demonstrat, sub hoc capite mādātum receptum fuisse: quippe, cū hoc mutuum mandatum esse intelligatur, vbi alter alteri aliquid sui negotij vicissim mandat. Sed quia mandatum gratuitum esse oportet, l. 1, D. mand. hæc autem conuentio merè gratuita nō est: propterea non mandati dabitur actio, sed in factū ciuilis, in id quod interest. d. l. 5, §. si faciam, D. eod. Quo loco notandum est, quod Paulus scribit, Si inter nos conuenerit, vt tu tuum, ego meum seruum manumittam, ciuile negotium esse: & si meum manumisero, tu tuum manumittere nolis, præscriptis verbis mihi actionem dari, in id quod mea interfuit seruum habere quem manumisi. Quod si ita est, quæri posset, quā obrem conuētio, vt si manumisero, decem des, ciuile negotiū non sit: at si manumisero, vt manumittas, ciuile negotiū sit. nam  
siquis

si quis diceret, morib. ciuitatis receptū  
 non esse, vt manumissio locetur, quæ li-  
 berale officium est: at moribus ciuitatis  
 receptum esse, vt naturalis obligatio  
 nascatur ex illa conuentione, vt pro li-  
 beralitate liberalitas reddatur: l. se d et si  
 lege, 25, §. consuluit, D. de her. pet. referri  
 ex aduerso poterit, quia moribus ciui-  
 tatis receptū est, vt ciuile negotium sit,  
 cum do scyphos vt manumittas: non  
 alienum ab iisdem moribus videri, vt  
 ciuile negotium vicissim dicatur, cum  
 manumitto, vt des: si quidem relatorum  
 par eadēmq; ratio est: quemadmodum  
 olim in scholis disputari solebat, Si por-  
 torium Rhodiis locare honestum est,  
 etiam Hermacreonti conducere hone-  
 stum est. Nisi fortè quis in locato & con-  
 ducto consistere ab vna parte obliga-  
 tionem diceret: quod in bonæ fidei con-  
 tractibus absurdum esse, constat ex l. 2,  
 D. de obl. & act. l. j, de resc. vend. Ad  
 extremum ne illud quidem omitten-  
 dum videtur, hac eadem disputatione  
 veterem meam sententiam confirmari,  
 omnes præscriptis verbis actiones, quæ  
 his quatuor innominatis articulis com-

prehendūtur, bonæfidei esse. propterea quòd conuentiones istæ nominatorum contractuum, qui bonæfidei sunt, adeò pares, affines, ac propinquæ sunt, vt interdum ab illis non internoscantur. itaque vt permutatio propriè emptio non sit, at quasi emptio habetur, siue abnormis emptio. l. sciendum, 19, §. pen. infrà de ædil. edict. vt precariū propriè commodatum non sit, aut habitatio gratuita, tamen quasi commodatum habentur. l. 1, D. de precar. l. j, D. cōmod. Quæ verò eiusmodi sunt, vt sint quasi cōtractus bonæfidei, in bonæfidei contractuum numerum referuntur. veluti negotiorū gestio, & tutela. §. actionum, De actionib. Iustinianus igitur in d. §. actionum, Aestimatoriā & permutationem non ad restringendum, sed potius ad explicandum ac dilatādum genus subiunxit. Quod si Imperator duos illos solos bonæfidei esse statuisset, quid de precario diceremus, quod bonæfidei esse constat, & præscriptis verbis actionem parere? l. 2. D. de prec. quid de conuentione, vt colonus pro mercede annua certum olei pondus præstet? quæ  
bonæ

bonæ fidei esse dicitur, in l. si olei, 21, C. de loc. & cond. neque me verbum *Locasti* mouet, quo Imp. in illa lege utitur. Nam eodem modo verbum *VENDENDI* usurpatur in l. 6, D. de præsc. verb. in ea specie quæ etsi propriè venditio esse negatur, tamen quia quasi veditio est, bonæ quoque fidei haberi debet. Prætereà, quid dicemus de quauis alia partiaria conuentione, quæ quasi societas esse dicitur? in l. si merces, 25, §. vis maior, D. locat. & non obscurè demonstratur, perscriptis verbis actionem parere: in l. si pascenda, 8, C. de pact. Quid de conuentione, ut gratuita concedatur habitatio, quæ quasi commodatum esse dicitur? in l. j. D. de commod. l. si gratuitam, 17, D. de præsc. verb. vel de conuentione Do ut facias? Vendo tibi meā insulam, ut aliam reficias. quæ proxima emptio-  
ni, id est, quasi emptio esse dicitur, in l. 6, D. de præscrip. verb. l. 6, D. de rescind. vend. Nam ferè quæ per vocem *Quasi* enuntiantur, eiusdem iuris sunt, cuius ea sunt, quorum respectu sic enuntiantur. l. si pater, 15, §. 1, D. de adopt. veluti, Quasi pignus, eiusdem iuris est ut pignus. l. In-

exponeretur: in eaque verba magistratus iudicium cōstitueret, actionémque daret: quæ quoniam non notis (vt directæ & solennes) sed plenis exarata verbis ac literis edebantur, perscriptis verbis dicebantur: cuiusmodicunque negotium fuisset, de quò disceptabatur: si modo nominatum in legibus non fuisset: promiscuâque hæc erant illarum actionum nomina, Vtilis, In factum, Perscriptis verbis. Post verò progressu temporis, quemadmodum innumèris aliis in rebus factum est, ambiguitatis tollendæ causa, institutum fuit, vt quæ propius ad Directas accederent, Vtiles præcisè dicerétur: & tamen Directarum suarum nomen mutuarentur: quæ verò ad delictorum speciem accederent, In factum prætorix: at quæ ex innominatis ciuilibus negotiis darentur, proprium hoc ac præcipuum nomen retinerent, vt solæ Perscriptis verbis dicerentur. Et quoniam superius crimina quæ publicorum iudiciorū legibus notata erant, docuimus ex Ciceronis Oratione pro Marco Cælio dici solita nomen habere: non prætermittendum ne illud qui-

dem videtur, in eadem Orat. pro HOMINEM videri reponendum esse NOMEN: in illo loco: Aliud est maledicere, aliud accusare. Accusatio crimen desiderat, rem vt definiat, HOMINEM vt notet, argumento probet, teste confirmet. maledictio autem nihil habet propositi, præter contumeliam. Neque enim vlla, quantum ad personam notandam, inter Accusationem & Maledictionem differentia est. In vtraque persona notatur. Verum in illo differentia est, quòd Accusatio certum criminis nomen notat, & legem quæ de eo iudicium constituit, designat: veluti maiestatis, ambitus, peculatus, repetundarum, interficarios, &c. Atque hoc eodem modo Demosth. pro Ctesiph. in illo loco, què imitatus Cicero videtur: *Τὴν μὲν κατηγορίαν ἀδίκημα· ἔχον ὅν ἐν ταῖς νόμοις εἶσιν αἱ τιμωρίαι.* Quare & veterem illam sententiam & hanc de perscriptis verbis coniecturam nostram tantisper retinebimus, dum eruditioris alicuius contraria, & (vt spero) modesta disputatione, melius ac certius aliquid in hoc genere didicerimus. Nobis enim præclarum illud Cornelij Celi

DE PERSCRIPT. VERB. 197  
Celsi videtur, qui lib. 8. cap. 4. ita scribit:  
Aliquoties se deceptum esse, Hippocrates  
memoriæ prodidit : more scilicet  
magnorum virorum, & fiduciam ma-  
gnarum rerum habentium. nam leuia  
ingenia, quia nihil habent, nihil sibi  
detrahunt. Magno ingenio, multaque  
nihilominus habituro, conuenit etiam  
simplex veri erroris confessio.

FINIS.



